

SEX. PROPERTIVS.

M. ANTONII MVRETI

IN EVM SCHOLIA,

Ad Franciscum Gonzagam  
Ferdinandi F.



VENETIS, M. D. LXII.

257: THROCKLEY  
A. MONTAGNI

BIBLIOTECA NAZIONALE  
ROMA  
VITTORIO EMANUELE

2

M. ANTONIVS MVRETVS

FRANCISCO GONZAGÆ

FERDINANDI F. S. D.

ON iniuria dubitatum est a  
ueteribus, FRANCISCÆ  
N GONZAGA, adolescens  
præstantissime, Tibullo ne,  
an Propertio deferendus es-  
set inter latinos poetas elegiæ scriben-  
dæ principatus. nam ut insunt in utro-  
que permulta, quæ eos uulgarium nu-  
mero exemptos, in edito atque eminenti  
statuant loco: sic propriæ quædam ex-  
tant & elucet in utroque uirtutes, qui-  
bus uterque alterius palmam ambiguan  
facere uideatur. Summa in Tibullo elo-  
cutionis elegantia, & proprietas: summa  
in Propertio eruditionis poeticæ copia,  
& uarietas: in illo Romana prope om-  
nia, in hoc pleraque transmarina. illum,  
natiua quædam & incorrupta Romani  
sermonis integritas, in media urbe na-  
tum, & altum esse, perspicue ostendit:  
hunc præter cetera, forma & character  
ipse dicendi in Græcorum poetarum scri-  
ptis assiduissime uersatum esse demon-  
strat. cumq. à sapientissimis uiris tradi-

tum sit, duo esse præcipua poeticæ di-  
ctionis ornamenta, τὸ σαφές, καὶ τὸ ξεινικόν,  
illo Tibullus, hoc Propertius excellere  
detur. mollior ille, & delicatior: ner-  
uosior hic, & accuratior. illo magis ob-  
lectere: hunc magis, ut opinor, admi-  
rere. illum iudices simplicius scripsis-  
se, quæ cogitaret: hunc diligentius co-  
gitasse quid scriberet. in illo plus natu-  
ræ, in hoc plus curæ, atque industriæ  
fuisse perspicias. Quæ cum ita se ha-  
beant, perdifficile est, decernere ac con-  
stituere, uter alteri præstet. nam si præ-  
cipua laus poetarum in imitatione con-  
sistit: mihi quidem uidetur Tibullus ua-  
rios illos fluctuantis animi motus, qui-  
bus amantes agitari solent, melius imi-  
tatus esse. sin, ut quicque ad optimum  
proxime accedit, ita ipsum quoque o-  
ptimum iudicandum est: crediderim sa-  
ne ueterum illorum Græcorum, ac præ-  
cipue Callimachi, Propertium haud pau-  
lo similiorem fuisse: qua etiam fiducia  
ipse se Romanum Callimachum uocare  
ausus est. sed hæc ut ut sunt, neque no-  
strum est, neque cuiusquam hominis pu-  
dentis, & considerati, qua de re uete-  
res illi, quorum fuit & doctrina maior,  
& iudicium acrius, non liquere pronun-  
ciarunt,



3  
ciarunt, de ea certi quicquam consti-  
tuere, & litem secundum alterutrum da-  
re. Satiùs fuerit, utrunque studiose ac  
diligenter euoluere, utriusque uirtutes  
accurate perpendere, utrunque sibi ad  
imitandum proponere, si quando forte  
nos ad tentandum idem poematis ge-  
nus, aut uoluntas adducet, aut naturæ  
impetus feret. quæ ego omnia, Franci-  
sce Gonzaga, quantum quidem in me  
fuit, summo studio adolescens factita-  
ui. non enim facile concesserim multis,  
qui hos poetas, aut sæpius, aut accura-  
tius legerint, aut uero plus operæ po-  
suerint in eorum uirtutibus imitando  
exprimendis. Ex quo autem in me iuue-  
nilis illa, qua studia poetica fouentur,  
alacritas deferbuit; animuniq. sibi me-  
um grauiorum, & hac ætate digniorum  
artium tractatio uendicauit; tempera-  
re mihi tamen non possum, quin sæpe  
eos in manibus habeam, horisq. subse-  
cuius grauiorum studiorum asperitatem  
hoc quasi condimento amœnitatis miti-  
gem ac molliam. quinetiam, ut non oc-  
cupationes tantum meæ, uerum remis-  
siones quoque animi afferant aliquid u-  
tilitatis hominibus: confero studium  
non mediocre ad libros eorum perpur-

gandos, & ad locos, si quos mihi forte  
intelligere uideor, qui non ita sint o-  
mnibus peruii, explicandos. tale igitur  
quiddam his diebus in Propertio præsti-  
ti: & cum admirabili desiderio tenerer  
insinuâdi me aliqua in amicitiam tuam,  
iter mihi ad eam præmunire hoc munus-  
culo uolui. Vt autem à te cognosci cu-  
perem, ne uiuam, si me aut diuitiæ, qui-  
bus abundas, aut generis tui claritas,  
aut quicquam denique præter maximas  
tuas, & iam nunc omnium sermone ce-  
lebratissimas uirtutes incitauit. nam o-  
pulentorum, qui honesta studia spernât,  
non modo ambire, ac persequi, sed as-  
pernari etiam, ac refugere amicitias  
soleo, non semel expertus, nihil esse eius  
modi hominibus *φορτικώτερον*: generis au-  
tem nobilitas in iis demum habet ali-  
quid gloriandum, qui faciunt id, quod  
tu; hoc est in iis, qui omni ope moliun-  
tur efficere, ut ne minus ipsi splendoris  
posteris suis tradidisse, quàm à maiori-  
bus accepisse, uideantur. itaque colunt  
te quidem homines, & obseruant, ut  
magni illius FERDINANDI GON-  
ZAGAË, sapientissimi, fortissimi, for-  
tunatissimi imperatoris, filium: sed mul-  
to te, mihi crede, impensius colunt:  
quòd

4

quòd eam te uiam ingressum, aut potius in eam longe progressum uident, in qua si, ut spes minime dubia est, perstiteris, non ille apud posteros tot uictoriis, tot opimis spoliis, tot trophæis, quàm te filio, clarior sit futurus. sed illius quidem res gestæ cum aliorum monumentis celebrabuntur, tum præcipue scriptis Antonii Posseuini, familiaris tui, eruditissimi hominis, & ad conscribendam historiam facti, tradentur memoriæ hominum sempiternæ: tuas autem hoc loco pluribus persequi nolo: tum, ne modum epistolæ excedam; tum, quòd mihi ueniunt in mentem Euripidis uersus:

*Αινέμενοι γὰρ οἱ γὰροὶ τρόπῳν τινα*

*Μισῶσι τὸς αἰνῶντας, ἰὰν αἰνῶσ' ἄλλαν.*

Id tantum te orabo, ut, cum à philosophiæ studiis, in quibus te quotidie Bernardinus Tomitanus, singulare Patauni gymnasii decus, exercet, relaxare animum uoles, Propertianæ lectioni temporis aliquid tribuere ne graueris: in qua si comitem tibi, ut facturum auguror, Hippolytum Capilupum, Episcopum Fanensem des. incredibili & uirtute, & doctrina hominem, assumpseris; habebis, qui tibi possit ea, quæ à me

uel omiffa , uel non fatis intellecta funt,  
unus optime omnium interpretari.

Vale. Patauii, Kal. Sext.

CIO IO LVIII.

SEX. PROPERTII  
ELEGIARVM

LIBER I.

AD TVLLVM.

YNTHIA prima suis miserum me ce  
pit ocellis,

C Contactum nullis ante cupidinibus.

Tum mihi constantis deiecit lumina fa-  
stus,

Et caput impositis pressit Amor pedibus,  
Donec me docuit castas odisse puellas

Improbis, & nullo uiuere consilio.

Et mihi iam toto furor hic non deficit anno,

Cum tamen aduersos cogor habere deos.

Vi: not. Milanion nullos fugiendo, Tulle, labores

fol: 76 Sæuitiam duræ contudit Iasidos.

Nam modo Parthenijs amens errabat in antris

Ibat & hirsutas ille uidere feras.

Vi: not. Ille etiam, Hylæi percussus uulnere rami,

fol: 76 Saucius Arcadijs rupibus ingemuit.

ibid: Ergo uelocem potuit domuisse puellam:

Tantum in amore preces, & bene facta ualent.

In me tardus amor non ullas cogitat artes,

Nec meminit notas, ut prius, ire uias.

At uos, deductæ quibus est fallacia Lunæ;

Et labor in magicis sacra piare focis,

20

ibi: En agedum domina mentem conuertite nostra.  
 Et facite illa meo palleat ore magis.  
 Tunc ego crediderim uobis, & sidera, & amnes  
 ibi: Posse Cytæinis ducere carmiuibus.  
 Et uos, qui sero lapsum renocatis amici,  
 Quærite non sani pectoris auxilia,  
 Fortiter & ferrum, sauos patiemur: & ignes:  
 Sit modo libertas, quæ uelit ira loqui.  
 30 Ferte per extremas gentes, & ferte per undas,  
 Quæ non ulla meum femina norit iter.  
 Vos remanete, quibus facili deus annuit aures;  
 Sitis & in tuto semper amore pares.  
 In me nostra Venus noctes exercet amaras,  
 Et nullo uacuius tempore desit amor.  
 Hoc moneo uitate malum: sua quenque moretur  
 Cura, neque assueto mutet amore locum.  
 Quod si quis monitis tardas aduerterit aures,  
 Heu referet quanto uerba dolore mea.

2 AD CYNTHIAM.

QVID iuuat ornato procedere, uita, capillo,  
 Et tenues Coa ueste mouere sinus?  
 Aut quid Orontea crines perfundere myrrha?  
 Teq. peregrinis uendere muneribus?  
 Naturæq. decus mercato perdere cultu,  
 Nec sinere in proprijs membra nitere bonis?  
 Crede mihi, non ulla tuæ medicina figura est.  
 Nudus amor formæ non amat artificem.  
 Aspice quos summittit humus formosa colores,

Et

Et ueniant ederae sponte sua melius,  
 Surgat & in solis formosius arbutus antris,  
 Et sciat indociles currere lymphæ uias. *uid: fol: 78*  
 Littora natiuis pellucet picta lapillis,  
 Et uolucres nulla dulcius arte canunt,  
 Non sic Leucippis succendit Castora Phæbe, *uid: fol: 79*  
 Pollucem cultu non Elaira soror.  
 Non Idæ, & cupido quondam discordia Phæbo *ibid:*  
 Eueni patrijs filia littoribus.  
 Nec Phrygium falso traxit candore maritum *20*  
 Auectæ externis Hippodamia rotis.  
 Sed facies aderat nullis obnoxia gemmis,  
 Qualis Apelleis est color in tabulis,  
 Non illis studium uulgo conquirere amantes.  
 Illis ampla satis forma pudicitia.  
 Non ego nunc uereor, ne sim tibi uilior istis. *ibid:*  
 Vni si qua placet, culta puella sat est.  
 Cum tibi presertim Phæbus sua carmina donet,  
 Aoniamq. libens Calliopea lyram,  
 Vnica nec desit iucundis gratia uerbis,  
 Omnia quæq. Venus, quæq. Minerua probat. *30*  
 His tu semper eris nostræ gratissima uita,  
 Tædia dum miseræ sint tibi luxuriæ.

### 3 A D C H N T H I A M.

Q V A L I S Thesea iacuit cedente carina  
 Languida desertis Gnosia littoribus,  
 Qualis & accubuit primo Cepheia somno  
 Libera iam duris cotibus Andromede,

Nec



PROPER.

Nec minus assiduis Edonis fessa choreis  
 Qualis in herboſo concidit Apidano,  
 Talis uifa mihi mollem ſpirare quietem  
 Cynthia, non certis nixa caput manibus,  
 Ebria cum multo traherem ueſtigia baccho,  
 Et quaterent ſera nocte facem pueri.  
 Hanc ego, nondum etiam ſenſus deperditus omnes,  
 Molliter impreſſo conor adire toro.  
 Et quamuis duplici correptum ardore inberent  
 Hac Amor, hac Liber, durus uterque deus,  
 Subieſto leuiter poſitam tentare lacerto,  
 Oſculaq. admota ſumere, & arma manu:  
 Non tamen auſus eram dominæ turbare quietem,  
 Expertæ metuens iurgia ſæuitiæ:  
 Sed ſic intentis hærebam fixus ocellis,  
 Argus ut ignotis cornibus Inachidos.  
 Et modo ſoluebam noſtra de fronte corollas,  
 Ponebamq. tuis Cynthia temporibus;  
 Et modo gaudebam lapſos formare capillos;  
 Nunc furtiua cauis poma dabam manibus:  
 Omniaq. ingrato largibar munera ſomno,  
 Munera de prono ſæpe uoluta ſinu.  
 Et, quoties raro duxti ſuſpiria motu,  
 Obſtupui uano credulus auſpicio,  
 Ne qua tibi inſolitos portarent uiſa timore.  
 Ne ue quis inuitam cogeret eſſe ſuam:  
 Donec diuerſas percurrens Luna feneftras,  
 Luna moraturis ſedula luminibus,  
 Compoſitos leuibus radijs patefecit ocellos.

Sic



Sic ait in molli fixa toro cubitum.  
 Tandem te nostro referens iniuria lecto,  
 Alterius clausis expulit e foribus.  
 Nanque ubi longa meæ consumpsisti tempora noctis?  
 Languidus exactis hei mihi sideribus.  
 O utinam tales perducas improbe noctes,  
 Me miseram quales semper habere iubes,  
 Nam modo purpureo fallebam stamine somnum,  
 Rursus & Orpheæ carmine fessa lyra:  
 Interdum grauitèr mecum deserta querebar  
 Externo longas sæpe in amore moras,  
 Dum me iucundis lapsam sopor impulit alis.  
 Illa fuit lacrymis ultima cura meis.

## 4. A D B A S S V M.

Q V I D mihi tam multas laudando Basse puellas  
 Mutatum domina cogis abire mea?  
 Quid me non pateris, uitæ quodcunque sequetur,  
 Hoc magis assueto ducere seruitio?  
 Tu licet Antiopæ formam Nycteidis, & tu  
 Spartanam referas laudibus Hermionen,  
 Et quascunque tulit formosi temporis ætas,  
 Cynthia non illas nomen habere sinat.  
 Nedum, si lenibus fuerit collata figuris,  
 Inferior duro iudice turpis eat.  
 Hæc sed forma mei pars est extrema furoris:  
 Sunt maiora, quibus Basse perire iuuat:  
 Ingenuus color, & multis decus artibus, & quæ  
 Gaudia sub tacita dicere ueste libet.

PROPER.

Quo magis et nostros contendis solvere amores ,

Hoc magis accepta fallit uterque fide .

Non impune feres ! sciet hæc insana puella ,

Et tibi non tacitis uocibus hostis erit .

Nec tibi me posthac committet Cynthia , nec te

Quæret . erit tanti criminis illa memor :

Et te circum omnes alias irata puellas

Deferet . heu nullo limine carus eris .

Nullas illa suis contemnet fletibus aras ,

Et quicumque sacer , qualis ubique , lapis .

Non ullo grauius tentatur Cynthia damno ,

Quàm sibi cum rapto cessat amore deus ,

Præcipue nostri . maneat sic semper , adoro ;

Nec quicquam ex illa , quod querar , inueniam .

AD GALLVM .

INVIDE , tu tandem uoces compesce molestas ,

Et sine nos cursu , quo sumus , ire pares .

Quid tibi uis insane meos sentire furores ?

Infelix properas ultima nosse mala ,

Et miser ignotos uestigia ferre per ignes ,

Et bibere e tota toxica Thessalia .

Non est illa uagis similis collata puellis .

Molliter irasci non solet illa tibi .

Quòd si forte tuis non est contraria uotis ,

At tibi curarum millia quanta dabit ?

Non tibi iam somnos , non illa relinquet ocellos .

Illa feros animis alligat una uiros .

Ah mea contemptus quoties ad limina cures ,

Cum

Cum tibi singultu fortia uerba cadent,  
 Et tremulis mæstus orietur fletibus horror,  
 Et timor informem ducet in ore notam:  
 Et quæcunque uoles fugient tibi uerba querenti;  
 Nec poteris, qui sis, aut ubi, nosse miser.  
 Tum graue seruitium nostræ cogere puella  
 Discere, & exclusum quid sit abire domum.  
 Nec iam pallorem toties mirabere nostrum.  
 Aut cur sim toto corpore nullus ego.  
 Nec tibi nobilitas poterit succurrere amanti.  
 Nescit amor priscis cedere imaginibus.  
 Quod si parua tuæ dederis uestigia culpæ,  
 Quàm cito de tanto nomine rumor eris.  
 Non ego tum potero solatia ferre roganti,  
 Cum mihi nulla mei sit medicina mali:  
 Sed pariter miseri socio cogemur amore  
 Alter in alterius mutua flere sinu.  
 Quare, quid possit mea Cynthia, desine Galle  
 Querere. non impune illa rogata uenit.

6

AD TVLLVM.

NON ego nunc Adriæ uereor mare noscere tecum  
 Tulle, neque Aegæo ducere uela salo,  
 Cum quo Rhyphaos possim conscendere montes,  
 Vltcriusq. domos uadere Memnonias.  
 Sed me complexa remorantur uerba puella,  
 Mutatoq. graues sæpe colore preces.  
 Illa mihi totis argutat noctibus ignes,  
 Et queritur nullos esse relicta deos.

Illa

Illa meam mihi iam se denegat : illa minatur ,  
 Quæ solet irato tristis amica uiro .  
 His ego non horam possim durare quærelis .  
 Ah pereat , si quis lentus amare potest .  
 At mihi sit tanti doctas cognoscere Athenas ;  
 Atque Asia ueteres cernere diuitias :  
 Vt mihi deducta faciat conuiuia puppi  
 Cynthia , & insanis ora notet manibus ?  
 Osculaq. opposito dicat sibi debita uento ,  
 Et nihil infido durius esse uiro ?  
 Tu patrui meritas conare anteire secures ,  
 Et uetera oblitis iura refer socijs .  
 Nam tua non ætas unquam seruiuit amori ,  
 Semper at armata cura fuit patriæ :  
 Et tibi non unquam nostro puer iste labores  
 Afferat , & lacrymis omnia nota meis .  
 Me sine , quem semper uoluit fortuna iacere .  
 Hanc animam extremæ reddere nequitia .  
 Multi longinquo periere in amore libenter ,  
 In quorum numero me quoque terra tegat .  
 Non ego sum laudi , non natus idoneus armis .  
 Hanc me militiam fata subire uolunt .  
 At tu seu molli quæ tendit Ionia , seu quæ  
 Lydia Pæctoli tingit aratra liquor ,  
 Seu pedibus terras , seu pontum carpere remis  
 Ibis , & accepti pars eris imperij ,  
 Tum tibi si qua mei ueniet non immemor hora ,  
 Viueram duro sidere certus eris .

2  
 30  
 79  
 79

## 7. AD PONTICVM POETAM.

CVM tibi Cadmeæ dicuntur Pontice Thebæ,  
 Armaq. fraternæ tristia militiæ,  
 Atque, ita sim felix, primo contendis Homero,  
 Sint modo fata tuis mollia carminibus,  
 Nos, ut consuemus, nostros agitamus amores,  
 Atque aliquid duram quærimus in dominam;  
 Nec tantum ingenio, quantum seruire dolori  
 Cogor, & ætatis tempora dura queri.  
 Hic mihi conteritur uitæ modus, hæc mea fama est,  
 Hinc cupio nomen carminis ire mei.  
 Me laudent doctæ solum placuisse puellæ,  
 Pontice; & iniustas sæpe tulisse minas.  
 Me legat assidue post hæc neglectus amator,  
 Et profint illi cognita nostra mala.  
 Te quoque si certo puer hic concusserit arcu,  
 Quod nolim nostros euolasse deos:  
 Longe castra tibi, longe miser agmina septem  
 Flebis, in æterno surda iacere situ:  
 Et frustra cupies mollem componere uersum,  
 Nec tibi subijciet carmina sæuus Amor.  
 Tunc me non humilem mirabere sæpe poetam:  
 Tunc ego Romanis præferar ingenijs:  
 Nec poterunt iuuenes nostro reticere sepulcro,  
 Ardoris nostri magne poeta iaces.  
 Tu caue nostra tuo contemnas carmina fastu.  
 Sæpe uenit magno sænore tardus amor.

19. *Id. Id.* T u ne igitur demens ? nec te mea cura moratur ?  
*Id.* An tibi sum gelida uilior Illyria ?  
 Et tibi iam tanti , quicumque est iste , uidetur ,  
 Vt sine me uento quolibet ire uelis ?  
 Tu ne audire potes uesani murmura ponti ?  
 Fortis & in dura naue iacere potes ?  
 Tu pedibus teneris positas sulcare pruinas ?  
 Tu potes insolitas Cynthia ferre niues ?  
 20. *Id.* O utinam hibernæ duplicentur tempora brumæ  
 Et sit iners tardis nauita Vergilijs , *Id.*  
 Ne tibi Tyrrhena soluatur funis arena , *Id.*  
 Ne ue inimica meas eleuet aura preces : *Id.*  
 Atque ego non uideam tales subsidere uentos ,  
 Cum tibi prouectas auferet unda rates , *Id.*  
 Et me defixum uacua patiaris arena  
 Crudellem infesta sæpe uocare manu .  
 Sed , quocunque modo de me periura mereris ,  
 Sit Galathea tuæ non aliena uiæ ;  
 21. *Id.* Vt te felici uentam per cæcula remo  
 Accipiat placidis Oricos æquoribus . *Id.*  
 Nam me non ullæ poterunt corrumpere tedæ ,  
 Quin ego uita tuo limine uerba querar .  
 Nec me deficiet nautas rogitare citatos ,  
 Dicite , quo portu clausa puella mea est :  
 Et dicam , Autaricis licet hæc consadat in oris , *Id.*  
 Et licet Hyleis , illa futura mea est .  
 Hic erit , hic iurata manet . rumpantur iniqui .  
 Vicimus :

*Vicinus : assiduas non tulit illa preces .*  
*Falsa licet cupidus deponat gaudia liuor :* 30  
*Destitit ire nouas Cynthia nostra uias .*  
*Illi carus ego ; & per me carissima Roma*  
*Dicitur , & sine me dulcia regna negat .*  
*Illam uel angusto mecum requiescere lecto ,*  
*Et quocunque modo maluit esse mea ,*  
*Quàm sibi dotata regnum uetus Hippodamiae ,*  
*Et quas Elis opes ante pararat equis .*  
*Quamuis magna daret , quamuis maiora daturus ,*  
*Non tamen illa meos fugit auara sinus .*  
*Hanc ego non auro , non Indis flectere conchis ,* 40  
*Sed potui blandi carminis obsequio .*  
*Sunt igitur Musæ , neque amanti tardus Apollo .*  
*Queis ego fretus amo , Cynthia rara mea est .*  
*Nunc mihi summa licet contingere sidera plantis :*  
*Siue dies , seu nox uenerit , illa mea est :*  
*Nec mihi riualis certos subducet amores .*  
*Ista meam norit gloria canitiem .*

AD PONTICVM SVVM .

*DICEBAM tibi uenturos irrisor amores ,*  
*Nec tibi perpetuo libera uerba fore .*  
*Ecce iaces , supplexq. uenis ad iura puellæ ,*  
*Et tibi nunc quæuis imperat emptamodo .*  
*Non me Chaonia uincant in amore columbæ*  
*Dicere , quos iuuenes quæque puella domet .*  
*Me dolor , & lacrymæ merito fecere peritum .*  
*Atque utinam posito dicar amore rudis .*



Quid tibi nunc misero prodest graue dicere carmen?  
 Aut Amphionia mœnia flere lyra?  
 Plus in amore ualet Mimnermi uersus Homero.  
 Carmina mansuetus lenia querit Amor.  
 I quæso, & tristes istos deponere libellos,  
 Et cane quod quæuis nosse puella uelit.  
 Quid si non esset facilis tibi copia? nunc tu  
 Insanus medio flumine quæris aquam.  
 Nec dum etiam palles, uero nec tangeris igni.  
 Hæc est uenturi prima fauilla mali.  
 Tunc magis Armenias cupies accedere tigres,  
 Et magis infernæ uincula nosse rotæ,  
 Quàm pueri toties arcum sentire medullis,  
 Et nihil iratæ posse negare tuæ.  
 Nullus amor cuiquam faciles ita præbuit alas,  
 Ut non alterna presserit ille manu.  
 Nec te decipiat, quod sit satis illa parata.  
 Acrius illa subit Pontice, si qua tua est.  
 Quippe ubi non liceat uacuos seducere ocellos,  
 Nec uigilare alio nomine cedat Amor.  
 Qui non ante patet, donec manus attigit ossa.  
 Quisquis es, assiduas aufuge blanditias.  
 Illis & silices, & possunt cedere quercus,  
 Nedum tu possis spiritus iste leuis.  
 Quare, si pudor est, quamprimum errata fatere.  
 Dicere quo pereas, sæpe in amore iuuat.

AD GALLVM.

IVCVNDÀ quies, primo cum testis amori  
 Affueram uestris conscius in lacrymis.

O noctem



O noctem meminisse mihi iucunda uoluptas ,  
 O quoties uotis illa uocanda meis ,  
 Cum te complexa morientem Galle puella ,  
 Vidimus in longam ducere uerba moram .  
 Quamuis labentes premeret mihi somnus ocellos ,  
 Et medijs calo luna ruberet equis ,  
 Non tamen a uestro potui secedere lusu .  
 Tantus in alternis uocibus ardor erat :  
 Sed quoniam non es ueritus concedere nobis :  
 Accipe commissæ munera lætitiæ .  
 Non solum uestros didici reticere dolores .  
 Est quiddam in nobis maius amice fide .  
 Possum ego diuisos iterum coniungere amantes ,  
 Et dominæ tardas possum aperire fores ,  
 Et possum alterius curas sanare recentes ,  
 Nec leuis in uerbis est medicina meis .  
 Cynthia me docuit semper , quacunque petenda ,  
 Quæq. cauenda forent . non nihil egit amor .  
 Tu caue ne tristi cupias pugnare puella ,  
 Neue superba loqui , neue tacere diu ,  
 Neu siquid petijt , ingrata fronte negaris ,  
 Neu tibi pro uano uerba benigna cadant .  
 Irritata uenit , quando contemnitur illa ,  
 Nec meminit iustas ponere læsa minas .  
 At quo sis humilis magis , & subiectus amori ,  
 Hoc magis effecto sepe fruarè bono .  
 Is poterit felix una remanere puella ,  
 Qui nunquam uacuo pectore liber erit .

AD CYNTHIAM.

11. *ECQVID* te medijs cessantem Cynthia Baijs,  
 Quà iacet herculeis semita littoribus,  
 Et modo Thesproti mirantem subdita regno *ibid.*  
 Proxima Misenis æquora nobilibus,  
 Nostri cura subit memores abducere noctes? *ibid.*  
 Ecquis in extremo restat amore locus?  
 An te nescio quis simulatis ignibus hostis  
 Sustulit e nostris Cynthia carminibus? *ibid.*  
 Atque utinam mage te remis confisa minutis *ibid.*  
 Paruula Lucrina cymba moretur aqua:  
 Aut teneat clausam tenui natitantis in unda *ibid.*  
 Alternæ facilis cedere lympa manu, *ibid.*  
 Quàm uacet alterius blandos andire susurros  
 Molliter in tacito littore compositam.  
 Vt solet amoto labi custode puella  
 Perfida communes nec meminisse deos.  
 Non quia perspecta non es mihi cognita fama,  
 Sed quòd in hac omnis parte timetur amor.  
 Ignosces igitur, si quid tibi triste libelli  
 Attulerint nostri: culpa timoris erit. *ibid.*  
 An mihi sit maior càra custodia matris,  
 Aut sine te vitæ cura sit ulla meæ?  
 Tu mihi sola domus, tu Cynthia sola parentes,  
 Omnia tu nostræ tempora letitiæ.  
 Seu tristis ueniam, seu contra letus amicus:  
 Quidquid ero, dicam, Cynthia caussa fuit.  
 Tu modo quamprimum corruptas deferre Baias.

Multis

Multis ista dabunt littora diffidium,  
Littora quæ fuerant castis inimica puellis.

Ab pereant Baiæ crimen amoris aquæ.

Conqueritur poeta, propter Baianum secessum Cyn-  
thiam ab amore suo abalienatam esse.

QVId mihi desidiæ non cessas fingere crimen, *vid: fol: 62.*  
Quòd faciat nobis conscia Roma moram?

Tam multa illa meo diuisa est millia læto,

Quantum Hypanis Veneto dissidet Eridano. *ibi d:*

Nec mihi consuetos amplexu nutrit amores  
Cynthia, nec nostra dulcis in aure sonat.

Olim gratus eram: non illo tempore cuiquam  
Contigit, ut simili posset amare fidem.

Inuidiæ fuimus. num me deus obruit? an quæ  
Læta Prometheis diuidit herba iugis? *ibi d:*

Non sum ego, qui fueram. mutat uia longa puellas.  
Quantus in exiguo tempore fugit amor.

Nunc primum longas solus cognoscere noctes  
Cogor, & ipse meis auribus esse gravis.

Felix qui potuit præsentem flere puellam.

Non nihil aspersis gaudet amor lacrymis.  
Aut si despectus potuit mutare calores,

Sunt quoque translato gaudia seruitio.

Mi neque amare aliam, neque ab hac discedere fas est.

Cynthia prima fuit, Cynthia finis erit. *20*

AD GALLVM.

Tv, quod sæpe soles, nostro latere casu  
Galle, quòd abrepto solus amore uacent.

At non ipse tuas imitabor perfide uoces.

Fallere te nunquam Galle puella uelit.

Dum tibi deceptis augetur fama puellis,

1612: Certus & in nullo quæris amore moram,

Perditus in quadam tardis pallefcere curis

Incipis, & primo lapsus adire gradu. 1613:

Hæc erit illarum contempti pœna doloris:

Multarum miseras exiget una uices:

Hæc tibi uulgares istos compescet amores:

Nec noua quærendo semper amicus eris.

Hæc ego non rumore malo, non augure doctus,

1614: Vidi ego. me quæso teste negare potes?

1615: Vidi ego te toto uinctum languescere collo,

Et flere iniectis Galle diu manibus,

Et cupere optatis animam deponere uerbis,

Et quæ deinde meus calat amice pudor,

2 Non ego complexus potui diducere uestro?

Tantus erat demens inter utrosque furor.

1616: Non sic Aemonio Salmonida mistus Enipeo

Tanarius facili preffit amore deus.

1617: Nec sic caelestem flagrans amor Herculis Heben

Sensit in Octæis gaudia prima iugis.

Vna dies omnes potuit præcurrere amantes,

Nam tibi non tepidas subdidit illa faces.

Nec tibi prateritos passa est succedere fastus,

Nec sinet abduci. te tuus ardor aget.

30 Nec mirum cum sit Iouë digna, & proxima Leda,

Et Ledaæ partu, gratior una tribus.

1618: Illa sit Inachys & blandior heroinis,

1619: Illa

*Illa suis uerbis cogat amare Iouem.*

*Tu uero quoniam semel es periturus amore,*

*Vrere, non alio lumine dignus eras.*

*Quæ tibi sit felix: quoniam nouus incidit error,*

*Et quodcunque uoles, una sit ista tibi.*

#### 14 AD TVLLVM.

*T, licet abiectus Tiberina molliter unda*

*Lesbia Mentoreo uina bibas opere,*

*Et modo tam celeres mireris currere lintres,*

*Et modo tam tardas funibus ire rates,*

*Et nemus omne satas intendat uertice siluas,*

*Vrgetur quantis Caucasus arboribus,*

*Non tamen ista meo ualeant contendere amori.*

*Nescit amor magnis cedere diuitijs.*

*Nam siue optatam mecum trahit illa quietem,*

*Seu facili totum ducit amore diem:*

*Tunc mihi Pætolî ueniunt sub tecta liquores,*

*Et legitur rubris gemma sub aquoribus:*

*Tum mihi cessuros spondent mea gaudia reges;*

*Quæ maneant, dum me fata perire uolent.*

*Nam quis diuitijs aduerso gaudet amore?*

*Nulla mihi tristi præmia sunt Venere:*

*Illa potest magnas heroum infringere uires,*

*Illa etiam duris mentibus esse dolor:*

*Illa neque Arabium metuit transcendere limen,*

*Nec timet ostrino Tulle subire toro,*

*Et miserum toto iuuenem uersare cubili.*

*Quid releuant uarijs serica textilibus?*

*Quæ*

Quæ mihi dum placata aderit, non ulla uerebor  
Regna, nec Alcinoi munera despicere.

AD CYNTHIAM.

611. *fel.* SAEPE ego multa tuæ leuitatis damna timebam,  
83: Hac tamen excepta Cynthia perfidia.

Aspice me quanto rapiat fortuna periclo,

Tu tamen in nostro lentâ timore uenis,

Et potes externos manibus componere crines,

Et longa faciem quærare desidia.

Nec minus Eois pectus uariare lapillis,

Vt formosa nouo quæ parat ire uiro.

At non sic Ithaci digressu mōta Calypso

Desertis olim fleuerat æquoribus.

Multos illa dies incomptis mæsta capillis

Sederat iniusto multa locuta salo:

Et quamuis nunquam posthac uisura, dolebat

Illa tamen longæ conscia lætitiæ.

612. *il.* Alphefibæa suos ulta est pro coniuge fratres,

Sanguinis & cari uincula rupit amor.

Nec sic Aesoniden rapientibus anxia uentis

613. *il.* Hypsipyle uacuo constitit in thalamo.

Hypsipyle nullos post illos sensit amores,

Vt semel Aemonio tabuit hospitio.

614. *il.* Coniugis Euadne miseros elata per ignes,

Occidit Argiux fama pudicitix.

Quarum nulla tuos potuit conuertere mores,

Tu quoque uti fieres nobilis historia.

Desine iam renocare tuis periuria uerbis

Cynthia, & oblitos parce mouere deos,

Audax



*Audax ab nimium nostro dolitura periclo,*  
*Si quid forte tibi durius inciderit.*  
*Multa prius uasto labentur flumina ponto,*  
*Annus & inuersas duxerit ante uices,*  
*Quàm tua sub nostro mutetur pectore cura,*  
*Sis quodcunque uoles, non aliena tamen,*  
*Quam ue mihi uiles isti uideantur ocelli,*  
*Per quos sæpe mihi credita perfidia est.*  
*Hos tu iurabas, siquid mentita fuisses,*  
*Vt tibi suppositis exciderent manibus.*  
*Et contra magnum potes hos attollere solem?*  
*Nec tremis admissæ conscia nequitia?*  
*Quis te cogebat multos pallere colores,*  
*Et fletum inuitis ducere luminibus?*  
*Queis ego nunc pereo, similes moniturus amantes.*  
*O nullis tutum credere blanditijs.*

VERBA IANVÆ CONQUERENTIS.

*QVÆ fueram magnis olim patefacta triumphis*  
*Ianua Tarpeia nota pudicitia,*  
*Cuius inaurati celebrarunt lumina currus,*  
*Captorum lacrymis humida supplicibus;*  
*Nunc ego nocturnis potorum saucia rixis,*  
*Pulsata indignis sæpe queror manibus.*  
*Et mihi non desunt turpes pendere corollæ,*  
*Semper & exclusis signa iacere faces:*  
*Ne possum infamis domina defendere noctes*  
*Nobilis obscænis tradita carminibus.*  
*Nec tamen illa suæ reuocatur parcere famæ*  
*Turpior,*

Turpior, & seclū vivere luxuria.  
 Has inter granibus cogor deflere querelis  
 Supplicis a longis tristior excubijs.  
 Ille meos nunquam patitur requiescere postes  
 Arguta referens carmina blanditia.  
 Ianua uel domina penitus crudelior ipsa,  
 Quid mihi tam duris clausa taces foribus?  
 Cur nunquam referata meos admittis amores,  
 Nescia furtiuas reddere mota preces?  
 Nulla ne finis erit nostro concessa dolori?  
 Tristis & in tepido limine somnus erit?  
 Me mediæ noctes, me sidera plena iacentem,  
 Frigidaq. Eo me dolet aura gelu.  
 Tu sola humanos nunquam miserata dolores,  
 Respondes tacitis mutua cardinibus.  
 O utinam traiecta caua mea uocula rima,  
 Percussas dominæ uertat in auriculas.  
 Sit licet & saxo patientior illa Sicano.  
 Sit licet & ferro durior, & chalybe.  
 Non tamen illa suos poterit compescere ocellos,  
 Surget & inuitis spiritus in lacrymis.  
 Nunc iacet alterius felici nixa lacerto,  
 At mea nocturno uerba cadunt zephyro.  
 Sed tu sola mei tu maxima causa doloris  
 Viſta meis nunquam ianua muneribus.  
 Te non ulla meæ læsit petulantia lingua,  
 Quæ solet irato dicere tuta loco,  
 Vt me tam longa raucum patiari querela,  
 Sollicitas triuio peruigilare moras.

At



At tibi sæpe nouo deduxit carmina uersu,  
 Osculaq. impressis nixa dedi gradibus.  
 Ante tuos quoties uerti me perfida postes,  
 Debita q; occultis uota tuli manibus?  
 Hæc ille, & siquæ miseri nouisti amantes,  
 Et matutinis obstrepit alitibus.  
 Sic ego nunc dominae uitij, & semper amantis  
 Fletibus æterna differor inuidia.

## AD CYNTHIAM DE MARIS

17

## TEMPESTATE.

ET merito, quoniam potui fugisse puellam,  
 Nunc ego desertas alloquor halcyonas.  
 Nec mihi Cassiope solito uisura carinam,  
 Omnia q; ingrato littore uota cadunt.  
 Quinetiam absenti profunt tibi Cynthia uenti.  
 Aspice quàm sæuas increpat aura minas.  
 Nulla ne placata ueniet fortuna procellæ?  
 Hæccine parua meum funus arena teget?  
 Tu tamen in melius sæuas conuerte querelas.  
 Sat tibi sit pœnæ nox, & iniqua uada.  
 An poteris siccis mea fata reponere ocellis?  
 Ossaq; nulla tuo nostra tenere sinu?  
 Ab pereat, quicumque rates, & uela parauit  
 Primus, & inuito gurgite fecit iter.  
 Non ne fuit melius dominae peruincere mores,  
 (Quamuis dura, tamen rara puella fuit)  
 Quàm sic ignotis circumdata littora siluis  
 Cernere, & optatos quærere Tyndaridas?

Illic

Illic si qua meum sepelissent fata dolorem,  
 Ultimus & posito staret amore lapis:  
 Illa meo caros donasset funere crines  
 Molliter, & tenera poneret ossa rosa,  
 Illa meum extremo clamasset pulvere nomen,  
 Ut mihi non ullo pondere terra foret.  
 At uos æquoreæ formosa Doride natæ.  
 Candida felici soluite uela noto,  
 Si quando uestras labens amor attigit undas,  
 Mansuetis socio parcite littoribus.

18 Solus lamentatur de fastu Cynthia, ac leuitate.

HÆC certe deserta loca, & taciturna querenti,  
 Et uacuum zephyri possidet aura nemus.  
 Hic licet occultos proferre impune dolores,  
 Si modo sola queant saxa tenere fidem.  
 Vnde tuos primum repetam mea Cynthia fastus?  
 Quod mihi das flendi Cynthia principium?  
 Qui modo felices inter numerabar amantes,  
 Nunc in amore tuo cogor habere notam.  
 Quid tantum merui? quæ te mihi carmina mutant?  
 An noua tristitiæ causa puella tuæ?  
 Sic mihi te referas leuis, ut non altera nostro  
 Limine formosos intulit ulla pedes.  
 Quamuis multa tibi dolor hic meus aspera debet,  
 Non ita sæua tamen uenerit ira mea,  
 Ut tibi sim merito semper furor, & tua flendo  
 Lumina deiectis turpia sint lacrymis;  
 An quia parua damus mutato signa calore?

Et non

Et non ulla meo clamat in ore fides  
 Vos eritis testes, si quos habet arbor amores,  
 Fagus, & Arcadio pinus amata deo.  
 Ah quoties teneras resonant mea uerba sub umbras,  
 Scribitur & uestris Cynthia corticibus.  
 An tua quòd peperit nobis iniuria curas,  
 Quæ solum tacitis cognita sunt foribus?  
 Omnia consuevi timidus perferre superba  
 Iussa, neque arguto facta dolore queri,  
 Pro quo diuini fontes, & frigida rupes,  
 Et datur inculto tramite dura quies,  
 Et quodcunque meæ possunt narrare querelæ,  
 Cogor ad argutas dicere solus aues.  
 Sed qualiscunque es, resonent tibi Cynthia siluæ,  
 Nec deserta tuo nomine saxa uacent.

19

## AD CYNTHIAM.

Non ego nunc tristes uereor mea Cynthia manes,  
 Nec moror extremo debita fata rogo,  
 Sed ne forte tuo careat mihi funus amore.  
 Hic timor est ipsis durior exequijs.  
 Non adeo leuiter noster puer hæsit ocellis,  
 Ut meus oblito pulvis amore uacet.  
 Illic Phylacides incundæ coniugis heros  
 Non potuit cæcis immemor esse locis,  
 Sed, cupidus falsis attingere gaudia palmis,  
 Tessalis antiquam uenerat umbra domum.  
 Illic quicquid ero, semper tua dicar imago.  
 Traiçit & fati litora magnus amor.

Illic

Illic formosæ ueniant chorus heroinæ ,

Quas dedit Argiuis Dardana præda uiris ,

Quarum nulla tua fuerit mihi Cynthia forma .

Gratior , & tellus hoc ita iusta sinat .

Quamuis te longæ remorentur fata senectæ ,

Cara tamen lacrymis ossa futura meis .

Quæ tu uiuâ mea possis sentire fauilla .

Tum mihi non ullo mors sit amara loco .

Quàm uereor ne te contempto Cynthia busto ,

Abstrahat e nostro puluere iniquus amor ,

Cogat & inuitam lacrymas siccare cadentes ,

Flectitur assiduis certa puella minis .

Quare , dum licet , inter nos latemur amantes .

Non satis est ullo tempore longus amor .

W

A D G A L L V M .

Hoc pro continuo te Galle monemus amore ,

Id tibi ne uacuo defluat ex animo :

Sæpe imprudenti fortuna occurrit amanti .

\* Crudelis Minyis dux erit Ascanius .

Est tibi non infra speciem , non nomine dispar

Thiodamanteo proximus ardor Hyle .

Nunc tu siue leges umbrosæ flumina silue ,

Siue Aniena tuos tinxerit unda pedes ,

Siue gigantea spatiabere littoris ora ,

Siue ubicunque uago fluminis hospitio ,

Nympharum cupidas semper defende rapinas ,

Non minor Ausonijs est amor in Dryadis .

Ne tibi sit durum montes , & frigida saxa

Galle ,

Galle, neque expertos semper adire lacus,  
 Quæ miser ignotis error perpeſſus in oris  
 Herculis indomito fleuerat Aſcanio. *vid. fol. 65*  
 Nanque ferunt olim Pagasæ naualibus Argo *ibid.*  
 Egreſſam, longe Phasidos iſſe uiam,  
 Et iam præteritis labentem Athamantidos undis *20*  
 Myſorum ſcopulis applicuiſſe ratem.  
 Hic manus heroum placidis ut conſtitit oris,  
 Mollia compoſita littora fronde tegit,  
 At comes inuicti iuuenis proceſſerat ultra  
 Raram ſepoſiti querere fontis aquam.  
 Hunc duo ſectati fratres Aquilonia proles, *ibid.*  
 Hunc ſuper & Zethes, hunc ſuper & Calais,  
 Oſcula ſuſpenſis inſtabant carpere palmis,  
 Oſcula & alterna ferre ſupina fuga,  
 Ille ſub extrema pendens ſecluditur ala, *30*  
 Et uolucres ramo ſubmouet inſidias.  
 Iam Pandionie ceſſet genus Orithyia. *ibid.*  
 \* Ab dolor ibat Hylas, ibat Hamadryas hinc. *ibid.*  
 Hic erat Arganti Phlegre ſub uertice montis *ibid.*  
 Grata domus nymphis humida Thyniacis. *ibid. vid. fol. 66*  
 Quam ſupra nulli pendeſcant debita curæ  
 Roſcida deſertis poma ſub arboribus,  
 Et circum irriguo ſurgebant lilia præto  
 Candida purpureis miſta pauperibus,  
 Quæ modo decerpens tenero pueriliter ungui,  
 Propoſito ſtorem prætulit officio, *40*  
 Et modo formoſis incumbens neſcius undis  
 Errorem blandis tardat imaginibus.

Tandem haurire parat demissis flumina palmis  
 Innixus dextro plena trahens humero.  
 Cuius ut accensæ Dryades candore puellæ,  
 Miratæ solitos destituere choros,  
 Prolapsum leuiter facili traxere liquore.  
 Tum sonitum raptò corpore fecit Hylas.  
 Cui procul Alcides iterat responsa, sed illi  
 Nomen ab extremis fontibus aura refert.  
 His o Galle tuos monitis seruabis amores,  
 Formosum nymphis credere uisus Hylam.

¶ GALLVS LOQVITVR.

Tu, qui consortem properas euadere casum,  
 Miles ab Etruscis saucius aggeribus,  
 Quid nostro gemitu turgentia lumina torques?  
 Pars ego sum uestre proxima militiæ.  
 Sic te seruato ut possint gaudere parentes:  
 Hæc soror acta tuis sentiat e lacrymis,  
 Gallum per medios ereptum Cæsaris enses,  
 Effugere ignotas non potuisse manus.  
 Et quicunque super dispersa inuenerit ossa  
 Montibus Etruscis, hæc sciat esse mea.

¶ AD TVLLVM.

QUALIS, & unde genus, qui sint mihi Tulle pe-  
 Quaris pro nostra semper amicitia. (nates,  
 Si Perusina tibi patriæ sunt nota sepulcra,  
 Italiæ duris funera temporibus,  
 Cum Romana suos egit discordia ciues.

(Sit

(Sit mihi præcipue pulvis Etrusca dolor,  
 Tu proiecta mei perpeſſa es membra propinqui:  
 Tu nullo miſeri contegis oſſa ſolo)  
 Proxima ſuppoſito contingens Vmbria campo  
 Me genuit terris fertilis uberibus.

# SEX. PROPERTII ELEGIARVM

## LIBER II.

### AD MAECENATEM.

VAERITIS unde mihi toties ſcriban-  
 tur amores,

Q Vnde meus ueniat mollis in ora liber?  
 Non hæc Calliope, non hæc mihi cantat  
 Apollo:

Ingenium nobis ipſa puella facit.

Siue togis ullam fulgentem incedere Cois,

Hoc totum e Coa ueſte uolumen erit:

Seu uidi ad frontem ſparſos errare capillos,

Gaudet laudatis ire ſuperba comis:

Siue liræ carmen digitis percuffit eburnis,

Miramur faciles ut premat arte manus:

Seu cum poſcentes ſomnus declinat ocellos,

Inuenio cauſſas mille poeta nouas:

Seu nuda erepto mecum luctatur amiētū,

Tunc uero longas condimus Iliadas.



Sen quicquid fecit, siue est quodcunque locuta,  
 Maxima de nihilo nascitur Historia.  
 Quod mihi si tantum Mæcenas fata dedissent,  
 Ut possem heroas ducere in arma manus,  
 Non ego Titanas canerem, non Ossan Olympo  
 Impositum, ut cæli Pelion esset iter,  
 Non ueteres Thebas, nec Pergama nomen Homeri,  
 Xersis & imperio bina coisse uada.  
 Regna ue prima Remi, aut animos Carthaginis altæ,  
 Cimbrorumq. minas, & bene facta Mari:  
 Bellaque, resq. tui memorarem Cæsaris, & tu  
 Cæsare sub magno cura secunda fores.  
 Nam quoties Mutinam, aut ciuilia busta Philippos,  
 Aut canerem Siculæ classica bella fugæ,  
 Euersosq. focos antiquæ gentis Etruscæ,  
 Et Ptolemææ littora capta Phari,  
 Aut canerem Aegyptum, & Nilum, cum tractus in  
 Septem captiuis debilis ibat aquis, urbem  
 Aut regum auratis circumdata colla catenis,  
 Aethiaq. in Sacra currere rostra iua;  
 Te mea musa illis semper contexeret armis,  
 Et sumpta, & posita pace fidele caput.  
 Theseus infernis, superis testatur Achilles  
 Hic Ixioniden, ille Menætiaden.  
 Sed neque Phlegæos Iouis, Enceladiq. tumultus  
 Intonet angusto pectore Callimachus:  
 Nec mea conueniunt duro præcordia uersu  
 Cæsaris in Phrygios condere nomen auos.  
 Nauita de uentis, de tauris narrat arator,

Enumerat



Enumerat miles uulnera , pastor oues :  
 Nos contra angusto uestamus praelia lecto ,  
 Qua pote quisque , in ea conterat arte diem .  
 Laus in amore mori : laus si datur altera uiuo  
 Posse frui , fruar o solus amore meo .  
 Si memini , solet illa leues culpae puellas ,  
 Et totam ex Helena non probat Iliada . 40  
 Seu mihi sint tangenda nouerca pocula Phadrae ,  
 Pocula priuigno non nocitura suo ;  
 Seu mihi Circae pereundum est gramine , siue  
 Colchis Colchiacis urat abena focis ;  
 Vna meos quoniam praedata est semina sensus ,  
 Ex hac ducentur funera nostra domo .  
 Omnes humanos sinat medicina dolores .  
 Solus amor morbi non amat artificem .  
 Tarda Philoetæ sanauit crura Machaon , 50  
 Phænicis Chiron lumina Philyrides :  
 Et deus extinctum Cressis Epidaurius herbis  
 Restituit patrijs Androgeonæ focis :  
 Mysus & Aemonia iuuenis , qua cupide uulnus  
 Senferat , hac ipsa cuspide sensit opem .  
 Hoc si quis uitium poterit mihi demere , solus  
 Tantalea poterit tradere poma manu ;  
 Dolia uirgineis idem ille repleuerit urnis ;  
 Ne tenera assidua colla grauentur aqua ;  
 Idem Caucasea soluet de rupe Promethei 60  
 Brachia , & a medio pectore pellet anem .  
 Quandocunque igitur uitam mea fata reposcent  
 Et breue in exiguo marmore nomen ero ;

PROPER.

Macenas nostræ spes inuidiosa inuentæ,  
 Et uita, & morti gloria iusta mea,  
 Si te forte meo ducet uia proxima busto,  
 Effeda calatis siste Britannia iugis,  
 Taliaq. illacrymans mutæ iace uerba fauilla,  
 Huic misero fatum dura puella fuit.

2 CYNTHIAE PVLLAE LAVDES.

LIBER eram, & uacuo meditabar uiuere lecto,  
 At me composita pace sefellit Amor.

Cur hæc in terris facies humana moratur?

Iuppiter ignosco pristina furta tua.

Fulua coma est, longæq. manus: & maxima toto

Corpore: & incedit uel Ioue digna soror,

Aut cum Dulichias Pallas spatatur ad aras,

Gorgonis anguifera pectus operta comis,

Qualis & Ischomache Lapithe genus Heroine

Centauris medio grata rapina mero.

Mercurioq. Sais fertur Bebeidos undis

Virgineum primo composuisse latus.

Cedite iam diuæ, quas pastor uiderat olim

Idæis tunicam ponere uerticibus.

Hanc utinam faciem nolit mutare senectus,

Et si Cumæ sacula natis aget.

3 ADVERSVM SE.

QVI nullum tibi dicebas iam posse nocere,

Hæfisti, cecidit spiritus ille tuus.

Vix unum potes infelix requiescere mensem,

Et

Et turpis de te iam liber alter erit.  
 Quærebam, sicca si possit piscis arena.  
 Nec solitus ponto uiuere toruus aper:  
 Aut ego si possem studijs uigilare seueris.  
 Differtur, nunquam tollitur ullus amor.  
 Nec me tam facies, quamuis sit candida, cepit,  
 Lilia non domina sint magis alba mea,  
 Et Mæotica nix minio si certet Hiberno,  
 Vtq. rosæ puro lacte natant folia,  
 Nec de more comæ per leuia colla fluentes,  
 Non oculi geminæ, sidera nostra, faces,  
 Nec si qua Arabio lucet bombyce puella.  
 Non sum de nihilo blandus amator ego:  
 Quantum, quod posito formose saltat Iaccho,  
 Egit ut euantes dux Ariadna choros:  
 Et quantum Aeolio cum tentat carmina plectro,  
 Par Aganippe ludere docta lyra,  
 Et sua cum antiquæ committit scripta Corinna,  
 Carminaq. Erimes non putat aqua suis.  
 Num tibi nascenti primis mea uita diebus.  
 Aridus argutum strenuit omen Amor?  
 Hæc tibi contulerunt cælestia munera diui:  
 Hæc tibi ne matrem forte dedisse putes.  
 Non non humani sunt partus talia dona:  
 Ista decem menses non peperere bona.  
 Gloria Romanis una es tu nata puellis.  
 Romana accumbens prima puella Ioui,  
 Nec semper nobiscum humana cubilia uises.  
 Post Helenam hæc terris forma secunda redit.

Hac ego non mirer si flagret nostra iuuentus.

Pulchrius hac fuerat Troia perire tibi.

Olim mirabar, quod tanti in pergama belli

Europæ atque Asiæ caussa puella fuit;

Nunc Pari tu sapiens, & tu Menelæ fuisti;

Tu quia poscebas, tu quia lentus eras.

40 Digna quidem facies, pro qua uel obiret Achilles,

Vel Priamus: belli caussa probanda fuit.

Si quis uult fama tabulas anteire uetustas,

Hic dominam exemplo ponat in ante meam:

Siue illam Hesperij, siue illam ostendit Eois,

Vret & Eoos, urêt & Hesperios.

His saltem ut tenear iam finibus, aut mihi si quis,

Acrius ut moriar, uenerit alter amor.

Ac ueluti primo taurus detrectat aratra,

Post uenit assueto mollis ad arua iugo:

Sic primo iuuenes trepidant in amore feroces,

Dehinc domiti post hæc æqua, & iniqua ferunt.

50 60 Turpia perpeffus nates est uincla Melampus,

Cognitus Iphicli subripuisse boues;

Quem non lucra, magis Però formosa coegit.

Mox Amithaonia nupta futura domo.

4

AD AMANTEM.

MULTA prius dominæ delicta queraris oportet,

Sæpe roges aliquid, sæpe repulsus eas,

Et sæpe immeritos corrumpas dentibus ungues,

Et crepitum dubio suscitet ira pede.

Nec quicquam persusa meis unguenta capillis

Ibat,

Ibat, & expenso planta morata gradu,  
Non hic herba ualet, non hic nocturna Citeis.

Non per Medea gramina cocta manus,  
Quippe ubi nec caussas, nec apertos cernimus ictus.

Vnde tamen ueniant tot mala, cata uia est.  
Non eget hic medicis, non lectis mollibus eger:

Huic nullum celi tempus, & aura nocet.  
Ambulat, & subito mirantur funus amici.

Sic est incantum quicquid habetur Amor.  
Nam cui non ego sum fallaci praemia uati?

Qua mea non decies somnia uersat annus?  
Hostis si quis erit nobis, amet ipse puellas.

Gaudeat in puero, si quis amicus erit,  
Tranquillo tuta descendis flumine cymba.

Quid tibi tam parui littoris unda nocet?  
Alter saepe uno mutat praecordia uerbo.

Alter uix ipso sanguine mollis erit.

AD CYNTHIAM.

Hoc uerum est tota te ferri Cynthia Roma,  
Et non ignota uiuere nequitia.

Hoc merui sperare: dabis mihi perfida poenas,  
Et nobis Aquilo Cynthia uentus erit.

Inueniam tamen e multis fallacibus unam,  
Qua fieri nostro carmine nota uelit.

Nec mihi tam duris insultet moribus, & te  
Vellicet. heu sero flebis amata diu.

Nunc est ira recens: nunc est discedere tempus.  
Si dolor abfuerit, crede redibit amor.

Non



Non ita Carpathiæ uariant Aquilonibus undæ,  
 Nec dubio nubes uertitur atra Noto,  
 Quàm facile irati uerbo mutantur amantes:  
 Dum licet, iniusto subtrahæ colla iugo.  
 Nec tu non aliquid, sed prima nocte, dolebis.  
 Omne in amore malum, si patiare, leue est.  
 At tu, per dominæ Iunonis dulcia iura,  
 Parce tuis animis, uita, nocere tibi.  
 20 Non solum taurus ferit uncis cornibus hostem,  
 Verum etiam instanti læsa repugnat ouis.  
 Nec tibi periuro scindam de corpore uestes:  
 Nec mea præclusas fregerit ira fores:  
 Nec tibi connexos iratus carpere crines,  
 Nec duris ausim lædere pollicibus.  
 Rusticus hæc aliquis tam turpia prælia quærat,  
 Cuius non edera circumiere caput.  
 Scribam igitur quod non unquam tua deleat ætas,  
 Cynthia forma potens, Cynthia uerba lenis.  
 30 Crede mihi, quamuis contemnas murmura fama,  
 Hic tibi pallori Cynthia uersus erit.

6

A D E A N D E M.

u. d. 46. NON ita complebant Ephyræ Laidos ades,  
 46 g Ad cuius iacuit Græcia tota fores:  
 Turba Menandrea fuerat nec Thaidos olim  
 Tanta, in qua populus lusit Erichthonius:  
 Nec quæ deletas potuit componere Thebas.  
 Phryne, tam multis facta beata uiris.  
 Quin etiam falsos fingis tibi sæpe propinquos:

Oscula



Oscula nec defunt qui tibi iure ferant.  
 Me iuuenum facies pictæ, me nomina ledunt,  
 Me tener in cunis, & sine uoce puer:  
 Me ledet, si multa tibi dabit oscula mater,  
 Me soror, & cum qua dormit amica simul.  
 Omnia me ledent, timidus sum. ignosce timori.  
 Et miser in tunica suspicor esse uirum.  
 His olim, ut fama est, uitijs ad prælia uentum est:  
 His Troiana uides funera principijs,  
 Aspera Centauros eadem dementia iussit  
 Frangere in aduersum pocula Pirithoum.  
 Cur exempla petam Graium? tu criminis auctor  
 Nutritus duro Romule lacte Lupa:  
 Tu rapere intactas docuisti impune Sabinas.  
 Per te nunc Romæ quidlibet audet Amor.  
 Felix Admeti coniux, & lectus Vlyssis,  
 Et quæcunque uiri femina limen amat.  
 Tempa Pudicitiae quid opus statuisse puellis,  
 Si cuius nuptæ quidlibet esse licet?  
 Quæ manus obscænas depinxit prima tabellas,  
 Et posuit casta turpia uisa domo,  
 Illa puellarum ingenuos corrumpit ocellos,  
 Nequitiaeq. suæ noluit esse rudes,  
 Ah gemat, in terris ista qui protulit arte  
 Iurgia sub tacita condita latitia.  
 Non istis olim uariabant tecta figuris,  
 Cum paries nullo crimine pictus erat.  
 Sed non immerito uelauit aranea sanum,  
 Et mala desertos occupat herba deos,

Quos



Quos igitur tibi custodes, quæ limina ponam,

Quæ nunquam supra pes inimicus eat?

40 Nam nihil inuitæ tristis custodia prodest:

Quam pectare pudet, Cynthia, tuta sat est.

Vxor me nunquam, nunquam me ducet amica:

Semper amica mihi, semper & uxor eris.

7. AD CYNTHIAM.

GAVIS A est certe sublatam Cynthia legem;

Qua quondam edicta, flemus uterque diu.

Ni nos diuideret, quævis diducere amantes

Non queat inuitos Iuppiter ipse duos.

At magnus Cæsar, sed magnus Cæsar in armis.

Deiictæ gentes nil in amore ualent.

Nam citius paterer caput hoc discedere collo,

Quàm possem nuptæ perdere amore faces.

io An ego transirem tua limina clausa maritus

Respicens udis perdita luminibus?

Ah meatum quales caneret tibi Cynthia cantus

Tibia, funesta tristior illa tuba.

Vnde mihi patrijs natos præbere triumphis?

Nullus de nostro sanguine miles erit:

Quòd si uera mea comitarem castra puella,

Non mihi sat magnus Castoris iret equus.

Hinc etenim tantum meruit mea gloria nomen,

Gloria ad hibernos lata Borysthenidas.

20 Tu mihi sola places: placeam tibi Cynthia solus.

Hic erit & patrio sanguine plûris amor.

8

## AD AMICVM.

ERIPITVR nobis iam pridem cara puella,  
 Et tu me lacrymas fundere amice uetas?  
 Nullæ sunt inimiciæ, nisi amoris, acerba.  
 Ipsum me iugula, lenior hostis ero.  
 Possum ego in alterius positam spectare lacerto?  
 Nec mea dicetur, quæ modo dicta mea est?  
 Omnia uertuntur, certe uertuntur amores.  
 Vinceris, aut uincis, hæc in amore rota est.

\*

Magni sæpe duces, magni cecidere tyranni:  
 Et Thebæ steterant, altaq. Troia fuit.  
 Munera quanta dedi, uel qualia carmina feci:  
 Illa tamen nunquam ferrea dixit, amo.  
 Ergo iam multos nimium temerarius annos,  
 Improba qui tulerim teque, tuamq. domum.  
 Ecquando ire tibi liber sum uisus? an usque  
 In nostrum iacies uerba superba caput?  
 Sic igitur prima moriere atate Properti:  
 Sed morere; interitu gaudeat illa tuo.  
 Exagitet nostros manes, sectetur & umbras,  
 Insultetq. rogis, calcet & ossa mea.  
 Quid? non Antigones tumulto Bæotius Hæmon  
 Corruit ipse suo saucius ense latus?  
 Et sua cum misere permiscuit ossa puellæ,  
 Qua sine Thebanam noluit ire domum?  
 Sed non effugies: mecum moriaris oportet:

Hoc

30  
 Hoc eodem ferro stillet uterque cruor,  
 Quamuis ista mihi mors est inhonesta futura,  
 Mors inhonesta quidem, tu moriere tamen.  
 Ille etiam abrepta desertus coniuge Achilles  
 Cessare in tectis pertulit arma sua.  
 Viderat illa fuga tractos in littore Achiuos,  
 Feruere & Hectorea Dorica castra face.  
 Viderat informem multa Patroclon arena.  
 Porrectum, & sparsas cæde iacere comas.  
 Omnia formosam propter Briseida passus.  
 Tantus in erepto sæuit amore dolor.  
 At postquam sera captiua est reddita pæna,  
 Fortem illum Aemonijs Hectora traxit equis.  
 Inferior multo cum sim uel Marte, uel armis,  
 40 Mirum si de me iure triumphat Amor.

AD AMICAM DE RIVALI.

10  
 ISTE quod est, ego sæpe fui; sed fors & in hora  
 Hoc ipso eiecto carior alter erit.  
 Penelope poterat bis denos salua per annos  
 Viuere, tam multis femina digna procis,  
 Coniugium falsa poterat differre Minerva,  
 Nocturno soluens texta diurna dolo.  
 Visura & quamuis nunquam speraret Vlysssem,  
 Illum expectando facta remansit anus.  
 Necnon exanimem amplectens Briseis Achillem  
 Candida uesana uerberat ora manu.  
 Et dominum lauit mærens captiua cruentum,  
 Appositum fluuijs in Simoenta uadis,

Fædauitq.

Fædauitq. comas , & tanti corpus Achillis ,  
 Maximaq. in parua sustulit ossa manu ,  
 Quando ibi nec Peleus aderat , nec cærule mater ,  
 Scyria nec uiduo Deidamia uiro .

Tunc igitur ueris gaudebat Gracia natis ,  
 Tunc etiam felix inter & arma pudor .

At tu non una potuisti nocte uacare  
 Impia , non unum sola manere diem . 20

Quin etiam multo duxisti pocula risu .  
 Forsitan & de me uerba fuere mala .

Hic etiam petitur , qui te prius ipse reliquit .  
 Di faciant isto capta fruarè uiro .

Hac mihi uota tuam propter suscepta salutem ,  
 Cum capite hoc Stygiæ iam peterentur aquæ ,

Et lectum flentes circumstaremus amici ?  
 Hic ubi tum ( pro dij ) perfida , quis ue fuit ,

Quid si longinquos retinerer miles ad Indos ? 30  
 Aut mea si staret nauis in Oceano ?

Sed uobis facile est uerba , & componere fraudes .  
 Hoc unum didicit femina semper opus .

Non sic incerto mutantur flamine Syrtes ,  
 Nec folia hiberno tam tremefacta noto ,

Quàm cito feminea non constat sædus in ira ,  
 Siue ea caussa grauis , siue ea caussa leuis .

Nunc quoniam ista tibi placuit sententia , cedam .  
 Tela precor pueri figite acuta magis .

Figite certantes , atque hanc mihi soluite uitam . 40  
 Sanguis erit uobis maxima palma meus .

Sidera sunt testes , & matutina pruina ,  
 Et

Et furtim misero ianua aperta mihi,  
 Te nihil in vita nobis acceptius unquam.  
 Nunc quoque eris, quamuis sis inimica mihi.  
 Nec domina ulla meo ponet uestigia lecto.  
 Solus ero, quoniam non licet esse tuum.  
 Atque utinam, si forte pios eduximus annos,  
 Ille uir in medio fiat amore lapis.  
 Non ob regna magis diris cecidere sub armis.  
 Thebani media non sine matre duces,  
 Quam mihi si media liceat pugnare puella:  
 Mortem ego non fugiam morte subire tua.

10

A D M V S A M.

I A M tempus lustrare alijs Helicon choreis,  
 Et campum Hæmonio iam dare tempus equo.  
 Iam libet & fortes memorare ad prælia turmas,  
 Et Romana mei dicere castra ducis.  
 Quod si deficient uires, audacia certe  
 Laus erit in magnis, & uoluisse sat est.  
 Aetas prima canat Veneres, extrema tumultus.  
 Bella canam, quando scripta puella mea est.  
 Nunc uolo subdueto grauior procedere uultu:  
 Nunc aliam citharam me mea musa docet.  
 Surge anima ex humili iam carmine: sumite uires  
 Pierides: magni nunc erit oris opus.  
 Iam negat Euphrates equitem post terga tueri.  
 Parthorum, & Crassos se tenuisse dolet.  
 India quin Auguste tuo dat colla triumpho,  
 Et domus intacta te tremuit Arabia.

Et

Et si qua extremis tellus se subtrahit oris ,  
 Sentiet illa tua postmodo uicta manus .  
 Hæc ego castra sequar uates . tua castra canendo , *W*  
 Magnus ero . seruent hunc mihi fata diem .  
 Ut caput in magnis ubi non est tangere signis ,  
 Ponitur hic imos ante corona pedes .  
 Sic nos nunc inopes laudis conscendere carmen ,  
 Pauperibus sacris uilia thura damus .  
 Nondum etiam Ascræos norunt mea carmina fontes ,  
 Sed modo Permessi flumine lauit Amor .

*ii*

## AD CYNTHIAM.

SCRIBANT de te alij , uel sis ignota , licebit .  
 Laudet , qui sterili semina ponit humo .  
 Omnia , crede mihi , tecum uno munera læsto  
 Auferet extremi funeris atra dies :  
 Et tua transibit contemnens ossa uiator ,  
 Nec dicet , cinis hic docta puella fuit .

*12*

## DE AMORE.

QVICVNQVE ille fuit , puerum qui pinxit *Amo vid. fol.*  
 Non ne putas miras hunc habuisse manus ? *(rem 90*  
 Is primum uidit , sine sensu uiuere amantes ,  
 Et leuibus curis magna perire bona .  
 Idem non frustra uentosas addidit alas ,  
 Fecit & humano corde uolare deum .  
 Scilicet alterna quoniam iactamur in unda ,  
 Nostraq. non ullis permanet aura locis .  
 Et merito hamatis manus est armata sagittis ,

D

*10*  
Et



Et pharetra ex humero Gnosia utroque sonat.  
 Ante ferit quoniam, tuti quàm cernimus hostem,  
 Nec quisquam, ex illo uulnere sanus abit.  
 In me tela manent, manet & puerilis imago,  
 Sed certe pennas perdidit ille suas.  
 169: Euolat e nostro quoniam de pectore nusquam,  
 Assiduusq. meo sanguine bella gerit.  
 Quid tibi iucundum siccis habitare medullis?  
 Si pudor est, alio trajice tela tua.  
 20 Intactos isto satius tentare ueneno.  
 Non ego, sed tenuis uapulat umbra mea:  
 Quam si perdideris, quis erit, qui talia cantet?  
 Hæc mea musa leuis, gloria magna tua est,  
 Quæ caput, & digitos, & lumina nigra puellæ,  
 Et canit, ut soleant molliter ire pedes.

13 AD CYNTHIAM.

Non tot Achæmenijs armantur Susa sagittis,  
 Spicula quot nostro pectore fixit Amor.  
 Hic me tam graciles uetuit contemnere musas,  
 Iussit & Ascræum sic habitare nemus:  
 Non ut Pieriæ quercus mea uerba sequantur,  
 Aut possim Ismaria ducere ualle feras:  
 Sed magis ut nostro stupefiat Cynthia uersu.  
 Tunc ego sim Inachio notior arte Lino.  
 20 Non ego sum formæ tantum mirator honestæ,  
 Nec si qua illustres femina iactat auos.  
 Me inuet in gremio doctæ legisse puellæ,  
 Auribus & puris scripta probasse mea.

Hæc



Hæc ubi contigerint, populi confusa ualetio  
 Fabula: nam domina iudice tutus ero.  
 Quod si forte bonas ad pacem uerterit aures,  
 Possum inimicitias tunc ego ferre Iouis.  
 Quandocunque igitur nostros mors claudet ocellos,  
 Accipe quæ serues funeris acta mei.  
 Nec mea tunc longa spatietur imagine pompa,  
 Nec tuba sit fati uana querela mei:  
 Nec mihi tunc fulcro sternatur lectus eburno,  
 Nec sit in Attalico mors mea nixa toro.  
 Desit odoriferis ordo mihi lancibus. assint  
 Plebei parua funeris exequia.  
 Sat sit magna mei, si tres sint, pompa libelli,  
 Quos ego Persephona maxima dona feram.  
 Tu uero nudum pectus lacerata sequeris,  
 Nec fueris nomen lassæ uocare meum:  
 Osculaq. in gelidis pones suprema labellis,  
 Cum dabitur Syrio munere plenus onyx.  
 Deinde, ubi suppositus cinerem me fecerit ardor,  
 Accipiat manes paruula testa meos:  
 Et sit in exiguo laurus superaddita busto,  
 Quæ tegat extincti funeris umbra locum.  
 Et duo sint uersus: Qui nunc iacet arida puluis,  
 Vnius hic quondam seruus amoris erat.  
 Nec minus hæc nostri notescet fama sepulcri,  
 Quam fuerant Phthij busta cruenta uiri.  
 Tu quoque, si quando uenies ad fata, memento  
 Hoc iter, ad lapides cana ueni memores.  
 Interea caue, si nos aspernata sepultos,

Non nihil ad uerum conscia terra .  
 Atque utinam primis animam me ponere cunis  
 Iussisset quæuis de tribus una soror .  
 Nam quò tam dubiæ seruetur spiritus hora ?  
 Nestoris est uisus post tria sæcla cinis .  
 Si tam longæuæ minuisset fata senectæ  
 Gallicus Iliacis miles in aggeribus ;  
 Non ille Antilochi uidisset corpus humati .  
 Diceret aut , o mors cur mihi sera uenis ?  
 Tu tamen amisso non nunquam flebis amico .  
 Fas est præteritos semper amare uiros .  
 Testis , qui niueum quondam percussit Adonim  
 Venantem Idalio uertice , durus aper .  
 Illis formosum fleuisse paludibus , illuc  
 Diceris effusa tu Venus isse coma .  
 Sed frustra mutos reuocabis Cynthia manes .  
 Nam mea quid poterunt ossa minuta loqui ?

LAETATUR POTITVS AMICA .

Non ita Dardanio gauisus Atrida triumpho est ,  
 Cum caderent magnæ Laomedontis opes ;  
 Nec sic errore exacto latatus Vlysses ,  
 Cum tetigit caræ littora Dulichiæ ;  
 Nec sic Eleëtra saluum cum aspexit Orestem ,  
 Cuius falsa tenens fleuerat ossa soror ,  
 Nec sic incolumem Minois Thesea uidit ,  
 Dædaleum lino cum duce rexit iter ;  
 Quanto ego præterita collegi gaudia nocte ,  
 Immortalis ero , si altera talis erit .

At,

*At, dum demissis supplex ceruicibus ibam,  
Dicebar sicco uilior esse lacu.*

*Nec mihi iam fastus opponere querit iniquos,  
Nec mihi ploranti lenta sedere potest.*

*Atque utinam non tam sero mihi nota fuisset.  
Conditio: cineri nunc medicina datur.*

*Ante pedes cecis lucebat semita nobis.  
Scilicet insano nemo in amore uidet.*

*Hoc sensi prodesse magis. contemnite amantes.  
Sic hodie ueniet, si qua negauit heri.*

*Pulsabant alij frustra, dominamq. uocabant.  
Mecum habuit positum lenta puella caput.*

*Hæc mihi deuictis potior uictoria Parthis:  
Hæc spolia, hæc reges, hæc mihi currus erunt.*

*Magna ego dona tua figam Cytherea columna,  
Taleq. sub nostro nomine carmen erit.*

*Has pono ante tuas tibi diua Propertius ædes  
Exuias, tota nocte receptus amans.*

*Nunc ad te mea lux ueniet mea littora nauis.  
Seruata. an medijs sidat onusta uadis?*

*Et, si forte aliqua nobis mutabere culpa,  
Vestibulum iaceam mortuus ante tuum.*

# *U NARRAT VOLVPTATES SVAS.*

*O ME felicem, nox o mihi candida, & otu  
Lectule delicijs facte beate meis,*

*Quam multa apposita narramus uerba lucerna,  
Quantaque, sublato lumine, rixa fuit.*

*Nam modo nudatis mecum est luctata papillis,*

Interdum tunica duxit operta moram .  
 Illa meos somno lassos patefecit ocellos  
 Ore suo , & dixit , siccine lente iaces ?  
 Quàm uario amplexu mutamus brachia , quantum  
 Oscula sunt labris nostra morata tuis .  
 Non iuuat in cæco Venerem corrumpere motu .  
 Si nescis , oculi sunt in amore duces .  
 Ipse Paris nuda fertur perijsse Lacæna ,  
 Cum Menelæo surgeret e thalamo .  
 Nudus & Endymion Phæbi cepisse sororem  
 Dicitur , & nudæ concubuisse deæ .  
 Quòd si pertendens animo uestita cubaris ,  
 Scissa ueste meas experiere manus :  
 Quin etiam , si me ulterius prouexerit ira ,  
 Ostendes matri brachia læsa tuæ .  
 Nec dum inclinatæ prohibent te ludere mammæ .  
 Viderit hæc , si quam iam peperisse pudet .  
 Dum nos fata sinunt , oculos satiemus amore .  
 Nox tibi longa uenit , nec reditura dies .  
 Atque utinam hærentes sic nos uincire catena  
 Velles , ut nunquam solueret ulla dies .  
 Exemplo iunctæ tibi sint in amore columbæ ,  
 Masculus & totum femina coniugium .  
 Errat , qui finem uesani quærit amoris .  
 Verus amor nullum nouit habere modum .  
 Terra prius falso partu deludet arantes ,  
 Et citius nigros sol agitabit equos ,  
 Fluminaq. ad caput incipient reuocare liquores ,  
 Aridus & sicco gurgite piscis erit ,

Quàm

Quàm possim nostros alio transferre calores.

Huius ero uiuus, mortuus huius ero.

Quòd mihi si secum tales concedere noctes

Illa uelit, uitæ longus & annus erit.

Si dabit hæc multas, fiam immortalis in illis.

Nocte una quiuus uel Deus esse potest.

40

Qualem si cuncti uellent decurrere uitam,

Et pressi multo membra iacere mero,

Non ferrum crudele esset, neque bellica nauis,

Nec nostra Aëtiacum uerteret ossa mare;

Nec toties proprijs circum oppugnata triumphis

Lassa foret crines soluere Roma suos.

Hæc certe merito poterunt laudare minores.

Læserunt nullos pocula nostra deos.

Tu modo, dum licet, hunc fructum ne desere uitæ.

Omnia si dederis, oscula pauca dabis.

50

At ueluti folia arentes liquere corollas,

Quæ passim calathis strata natare uides:

Sic nobis, qui nunc magnum speramus amantes,

Forsitan includet crastina fata dies.

16

## AD CYNTHIAM.

PRAETOR ab Illyricis uenit modo Cynthia terris,

Maxima præda tibi, maxima cura mihi.

Non potuit saxo uitam posuisse Cerauno.

Ab Neptune, tibi qualia dona darem.

Nunc sine me plena sunt conuiuia mensa:

Nunc sine me tota ianua nocte patet,

Quare, si sapis, oblatas ne desere messes,

D 4

Et

Et stolidum pleno uellere carpe pecus.  
 Deinde, ubi consumpto restabit munere pauper;  
 Dic, alias iterum nauiget Illyrias.  
 Cynthia non sequitur fasces, nec curat honores.  
 Semper amatorum ponderat illa sinus.  
 At tu nunc nostro Venus o succurre dolori,  
 Rumpat ut assiduus membra libidinibus.  
 Ergo muneribus quiuvis mercatur amorem?  
 Iuppiter, indigna mercede puella perit.  
 Semper in Oceanum mittit me querere gemmas,  
 Et iubet ex ipsa tollere dona Tyro.  
 Atque utinam Romæ nemo esset diues, & ipse  
 Straminea posset dux habitare casa.  
 Nunquam uenales essent ad munus amicae;  
 Atque una fieret cana puella domo.  
 Non quia septenas noctes seiuncta cubaris,  
 Candida tam sædo brachia fusa uiro;  
 Non quia peccaris, testor te; sed quia uulgo  
 Formosis leuitas semper amica fuit.  
 Barbarus excussis agitat uestigia lumbis,  
 Et subito felix nunc mea regna tenet.  
 Aspice quid donis Eriphyle inuenit amaris,  
 Arserit & quantis nupta Creusa malis.  
 Nulla ne sedabit nostros iniuria fletus?  
 An dolor hic uitij nescit abesse suis?  
 Tot iam abiere dies, cum me nec cura theatri,  
 Nec tetigit campi, nec mea musa iuuat.  
 Ah pudeat certe, pudeat: nisi forte, quod aiunt,  
 Turpis amor surdis auribus esse solet.



Cerne ducem, modo qui fremitu compleuit inani

*Ætliq̃ damnatis æquora militibus.*

Hunc infamis amor uersis dare terga carinis

*Iussit, & externo quærere in orbe fugam.*

Cæsaris hæc uirtus, & gloria Cæsaris hæc est.

*Illâ, qua uicit, condidit arma manu.*

Sed quascunque tibi uestes, quoscunque smaragdos,

*Quos ue dedit flauo lumine chrysolitos,*

Hæc uideam rapidas in uanum ferre procellas,

*Quæ tibi terra uelim, quæ tibi fiet aqua.*

Non semper placidus periuros ridet amantes

*Iuppiter, & surda negligit aure preces.*

Vidistin' toto sonitus percurrere calo?

*Fulminaq̃ ætherea desiluisse domo?*

Non hæc Pleiades faciunt, neque aquosus Orion:

*Nec sic de nihilo fulminis ira cadit.*

Periuras tunc ille solet punire puellas,

*Deceptus quoniam fletit & ipse deus.*

Quare ne tibi sit tanti Sidonia uestis,

*Vt timeas quoties nubilus Auster erit.*

# 17 DE EXCLVSIONE.

MENTIRI noctem, promissis ducere amantem,

*Hoc erit infectas sanguine habere manus.*

Horum ego sum uates, quoties desertus amaras

*Expleui noctes fractus utroque toro.*

Vel tu Tantaleam moueare ad flumina sorte,

*Vt liquor arenti fallat ab ore sitim:*

Vel tu Sisyphios licet admirere labores,

Difficile



*Difficile ut toto monte uoluet onus :*

*Durius, in terris nihil est, quod uiuat amante ,*

*Nec modo si sapias, quod minus esse uelis .*

*Quem modo felicem, inuidia admirante, ferebant ,*

*Nunc decimo admittor uix ego quoque die.*

*Nunc iacere e duro corpus iuuat impia saxo ,*

*Sumere & in nostras trita uenena manus.*

*Nunc licet in triuijs sicca requiescere luna ,*

*Aut per rimosas mittere uerba fores .*

*Quod quamuis ita sit, dominam mutare cauebo ,*

*Tum flebit, cum mi senserit esse fidem .*

18

AD CYNTHIAM.

*ASSIDVAE multis odium peperere querela .*

*Frangitur in tacito femina saepe uiro ,*

*Si quid uidisti, semper uidisse negato :*

*Aut si quid doluit forte, dolere nega .*

*Quid si iam canis aetas mea candeat annis ?*

*Et faceret scissas languida ruga genas ?*

*At non Tithoni spernens Aurora senectam*

*Desertum Eoa passa iacere domo est .*

*Illum saepe suis decedens fouit in ulnis ,*

*Quam prius adiunctos sedula lauit equos .*

*Illum ad uicinos cum amplexa quiesceret Indos ,*

*Maturos iterum est quaesita redire dies .*

*Illa deos currum conscendens dixit iniquos ,*

*Inuitum & terris praestitit officium ,*

*Cum maiora senis Tithoni gaudia uiui ,*

*Quam grauis, amisso Memnone, luctus erat .*

Cum

Cum sene non puduit talem dormire puellam,  
 Et canæ toties oscula ferre comæ.  
 At tu etiam iuuenem odisti me perfida, cum sis  
 Ipsa anus haud longa curua futura die.  
 Quin ego diminuo curam, quod sæpe Cupido  
 Huic malus esse solet, cui bonus ante fuit:  
 Nunc etiam insectos demens imitare Britanos,  
 Ludis & extremo tincta nitore caput.  
 Vt natura dedit, sic omnis recta figura.  
 Turpis Romano Belgicus ore color.  
 Illi sub terris fiant mala multa puellæ,  
 Quæ mentita suas uertit inepta comas.  
 De me, mi certe poteris formosa uideri;  
 Mi formosa satis, si modo sæpe uenis.  
 An, si caruleo quædam sua tempora fūco  
 Tinxerit, iccirco carula forma bona est?  
 Cum tibi nec frater, nec sit tibi filius ullus,  
 Frater ego, & tibi sim filius unus ego.  
 Ipse tuus semper tibi sit custodia lectus,  
 Nec nimis ornata fronte sedere uelis.  
 Credam ego, narranti noli committere famæ.  
 Et terram rumor transilit, & maria.

U

## AD CYNTHIAM.

E T S I, me inuito, discedis Cynthia Roma,  
 Lætor quod sine me denia rura colis.  
 Nullus erit castis iuuenis corruptor in agris,  
 Qui te blanditijs non sinat esse probam.  
 Nulla neque ante tuas orietur rixa fenestras,

Nec

Nec tibi clamata somnus amarus erit.  
 Sola eris, & solos spectabis Cynthia montes,  
 Et pecus, & fines pauperis agricolæ.  
 Illic tē nulli poterunt corrumpere ludi,  
 Fanaq. peccatis plurima caussa tuis.  
 Illic assidue tauros spectabis arantes,  
 Et uitem docta ponere falce comas:  
 Atque ibi rara feres inculto thura sacello,  
 Hædus ubi agrestes corruiet ante focos.  
 Protinus & nuda choreas imitabere sura;  
 Omnia ab externo sint modo tuta uiro.  
 Ipse ego uenabor: iam nunc me sacra Dianæ  
 Suscipere, & Veneri ponere uota iuuat.  
 Incipiam captare feras, & reddere pinu  
 Cornua, & audaces ipse monere canes:  
 Non tamen, ut uastos ausim tentare leones,  
 Aut celer agrestes comminus ire sues.  
 Hæc igitur mihi sit, lepores, audacia, molles  
 Excipere, & stricto figere auem calamo,  
 Quæ formosa suo Clitumnus flumina luco  
 Integit, & niueos abluit unda boues.  
 Tu, quoties aliquid conabere, uita, memento  
 Venturum paucis me tibi luciferis.  
 Sic me nec solæ poterunt auertere siluæ,  
 Nec uaga muscosis flumina fusa iugis,  
 Quin ego in assidua mutem tua nomina lingua.  
 Absenti nemo non nocuisse uelit.

AD CYNTHIAM.  
 Quid fles abducta grauius Briseide? quid fles

Anxia

*Anxia captiua tristius Andromacha?*  
*Quid ue mea de fraude deos insana fatigas?*  
*Quid quereris nostram sic cecidisse fidem?*  
*Non tam nocturna uolucris funesta querela*  
*Attica Cecropijs obstrepat in solijs:*  
*Nec tantum Niobe bis sex ad busta superba*  
*Sollicito lacrymans defluit a Sipylo.*  
*Me licet æratis astringant brachia nodis;*  
*Sint mea uel Danaes condita membra domo;* 10  
*In te ego & aratas rumpam, mea uita, catenas,*  
*Ferratam Danaes transiliamq. domum.*  
*De te quodcunque ad surdas mihi dicitur aures:*  
*Tu modo ne dubita de grauitate mea.*  
*Ossa tibi iuro per matris, & ossa parentis,*  
*(Si fallo, cinis heu sit mihi uterque grauis)*  
*Me tibi ad extremas mansurum, uita, tenebras.*  
*Ambos una fides auferet, una dies,*  
*Quòd si nec nomen, nec me tua forma teneret;* 20  
*Possset seruitium mite tenere tuum.*  
*Septima iam plenæ deducitur orbita lunæ,*  
*Cum de me, & de te compita nulla tacent.*  
*Interea nobis non nunquam ianua mollis,*  
*Non nunquam lecti copia facta tui:*  
*Nec mihi muneribus nox ulla est emptæ beatæ,*  
*Quicquid eram, hoc animi grátia magna tui.*  
*Cum te tam multi peterent, tu me una petisti.*  
*Possum ego naturæ non meminisse tuæ?*  
*Tunc me uel tragica uexetis Erinnyes, & me* 30  
*Inferno damnes Aeace iudicio;*

Atque

Atque inter Tityi uolucres mea pœna uagetur;  
 Tumq. ego Sisyphio saxa labore geram.  
 Nec tu supplicibus me sis uenerata tabellis.  
 Vltima talis erit, quæ mea prima fides.  
 Hoc mihi perpetuo ius est, quod solus amator.  
 Nec cito desisto, nec temere incipio.

AD CYNTHIAM DE PANTHO.

AH quantum de me Panthi tibi pagina finxit,  
 Tantum illi Pantho ne sit amica Venus,  
 Sed tibi iam uideor Dodona uerior augur.  
 Vxorem ille tuus pulcher amator habet.  
 Tot noctes periere: nihil pudet. aspice, cantat  
 Liber: tu nimium credula sola iaces.  
 Et nunc inter eos tu sermo es: te ille superbus  
 Dicit se inuito saepe fuisse domi.  
 Dispeream, si quicquam aliud, quàm gloria, de te  
 Quæritur. has laudes ille maritus habet.  
 Colchida sic hospes quondam decepit Iason.  
 Eiecta est, tenuit nanque Creusa domum.  
 Sic a Dulichio iuvene est elusa Calypso.  
 Vidit amatorem pandere uela suum.  
 Ah nimium faciles aurem præbere puellæ.  
 Discite, desertæ, non temere esse bonæ.  
 Huic quoque, qui restat, iam pridem quæritur alter.  
 Expertâ in primo stultâ cauere potest.  
 Nos quocunque loco, nos omni tempore tecum,  
 Siue ægra pariter, siue ualente, sumus.

## 22 AD DEMOPHOONTEM.

SCIS here mi multas pariter placuisse puellas,

Scis mihi Demophoon multa uenire mala.

Nulla meis frustra lustrantur compita plantis.

O nimis exitio nata theatra meo.

Sive aliquis molli deducit candida gestu.

Brachia, seu uarios incinit ore modos.

Interea nostri quærent sibi uulnus ocelli,

Candida non tecto pectore si qua sedet.

Sive uagi crines puris in frontibus errant,

Indica quos medio uertice gemma tenet.

Quæ si forte aliquid uultu mihi dura negarat,

Frigida de tota fronte cadebat aqua.

Quæris Demophoon cur sim tam mollis in omnes.

Quod quæris, quare non habet ullus amor?

Cur aliquis sacris laniat sua brachia cultris?

Et Phrygis insanos cæditur ad numeros?

Vnicuique dedit uitium natura creato.

Mi Fortuna aliquid semper amare dedit.

Me licet & Thamyræ cantoris fata sequantur:

Nunquam ad formosas inuide cæcus ero.

Sed, tibi si exiles uideor tenuatus in artus:

Falleris: haud unquam est culta labore Venus.

Percontare licet: sæpe est experta puella

Officium tota nocte ualere meum.

Iuppiter Alcmenæ geminas requieuerat arctos,

Et cælum noctu bis sine rege fuit:

Nec tamen iccirco languens ad fulmina uenit.

Nullus



30 Nullus amor vires eripit ipse suas ,  
 Quid cum e complexu Briseidos iret Achilles ,  
 Num fugere minus Theſſala tela Phryges ?  
 Quid ferus Andromachæ lecto cumurgeret Hector ,  
 Bella Mycenæ non timuere rates ?  
 Ille uel hic claſſes poterat , uel perdere muros .  
 Hic ego Pelides , hic ferus Hector ego .  
 Aſpice uti cælo modo ſol , modo luna miniſtret :  
 Sic etiam nobis una puella parum eſt .  
 Altera me cupidis teneat , ſoneatq. lacertis :  
 Altera , ſi quando eſt , non ſinat eſſe locum .  
 40 Aut , ſi forte irata meo ſit facta miniſtro ,  
 Vt ſciat eſſe aliam , quæ uelit eſſe mea .  
 Nam melius duo defendunt retinacula nauem ,  
 Tutius & geminos anxia mater alit .  
 Aut , ſi eſ dura , nega : ſin eſ non dura , uenito .  
 Quid iuuat in nullo pondere uerba loqui ?  
 Hic unus dolor eſt ex omnibus acer amanti ,  
 Speranti ſubito ſi qua uenire negat .  
 Quanta illum toto uerſant ſuſpiria lecto ,  
 Cum recipi , quem non nouerit , ille putat .  
 Et ruruſum puerum quærendo audita fatigat :  
 50 Quem , quæ ſcire timet , dicere plura iubet .

23 DE AMORIS SERVITUTE.

vid: ſrl: C VI fuit indocti fugienda hac ſemita uulgi ,  
 90 Ipſa petita lacu nunc mihi dulcis aqua eſt .  
 Ingenuus quiſquam alterius dat munera ſeruo ,  
 Vt commiſſa ſuæ uerba ſerat dominæ ?

Et



Et quærit toties, quænam nunc porticus illam  
 Integit? & campo quo mouet illa pedes?  
 Deinde ubi pertuleris, quos dicit fama labores  
 Herculis, ut scribat, muneris ecquid habes?  
 Cernere uti possis uultum custodis auari,  
 Captus & immunda sæpe latere casa.  
 Quàm care semel in toto nox uertitur anno.  
 Ah pereant, si quos ianua clausa inuat.  
 Contra reiecto quæ libera uadit amictu,  
 Custodum & nullo septa tumore, placet;  
 Cui sæpe immundo Sacra conteritur uia socco,  
 Nec sinit esse moram, si quis adire uelit.  
 Differet hæc nunquam, nec poscet garula, quæ te  
 Astrictus ploret sæpe dedisse pater.  
 Nec dicet, timeo: prospera iam surgere quæso:  
 Infelix hodie uir mihi rure uenit.  
 Et quas Euphrates, & quas mihi misit Orontes  
 Me capiant. nolim furta pudica tori:  
 Libertas quoniam nulli iam restat amanti.  
 Nullus liber erit, si quis amare uolet.

# 24 DE CYNTHIA IN AEMVLVM.

TV loqueris, cum sis iam toto fabula libro,  
 Et tua sit toto Cynthia lecta foro.  
 Cui non his uerbis aspergat tempora sudor,  
 Aut pudor ingenuus, aut reticendus amor?  
 Quod si iam facilis spiraret Cynthia nobis;  
 Non ego nequitia dicerer esse caput.  
 Nec sic per totam infamis traducerer urbem,  
 E Vrerer

10 Vrerer & quamuis, nomine uerba darem.  
 Quare ne tibi sit mirum me querere uiles,  
 Parcius infamant, num tibi caussa leuis?  
 Et modo pauonis cauda flabella superba,  
 Et manibus dura frigus habere pila,  
 Et cupit iratum talos me poscere eburnos,  
 Quæq. nitent sacra uilia dona uia.  
 Ac peream, si me ista mouent dispendia: sed me  
 Fallaci dominae iam pudet esse iocum.  
 Hoc erat in primis, quod me gaudere iubebas?  
 Tam te formosam non pudet esse leuem?  
 20 Vna, aut altera nox nondum est in amore peracta,  
 Et dicor lecto iam grauis esse tuo.  
 Me modo laudabas, & carmina nostra legebas.  
 Ille tuus pennas tam cito uertit amor.  
 Contendat mecum ingenio, contendat & arte,  
 In primis una discat amare domo.  
 Si libitum tibi erit, Lernæas pugnet ad hydras,  
 Et tibi ab Hesperio mala dracone ferat.  
 Tetra uenena libens, & naufragus ebibat undas,  
 Et nunquam pro te deneget esse miser.  
 30 Quos utinam in nobis uita experiare labores,  
 Iam tibi de timidis iste proteruus erit,  
 Qui nunc se in timidum iactando uenit honorem,  
 Dissidium uobis proximus annus erit.  
 At me non aetas mutabit tota sibylla,  
 Non labor Alcidae, non niger ille dies.  
 Tu mea compones, & dices: ossa Properti  
 Hæc tua sunt, eheu tu mihi certus eras.

Certus eras cheu, quamuis nec sanguine auito

Nobilis, & quamuis non ita diues eras.

Nil ego non patiar, nunquam me iniuria mutat.

Ferre ego formosam, nullum onus esse puto.

Credo ego non paucos ista perijisse figura:

Credo ego, sed multos non habuisse fidem.

Paruo dilexit spatio Minoida Theseus,

Phyllida Demophoon, hospes uterque malus.

Iam tibi Iasonia nota est Medea carina,

Et modo seruato sola relicta uiro.

Dura est, quæ multis simulatum fingit amorem.

Et se plus uni si qua parare potest.

Noli nobilibus, noli conferre beatis.

Vix uenit, extremo qui legat ossa die.

Ii tibi nos erimus: sed tu potius, precor, ut me

Demissis plangas pectora nuda comis.

## AD CYNTHIAM.

VNICA nata meo pulcherrima cura dolori,

Excludit quoniam sors mea sæpe, ueni.

Ista meis fiet notissima forma libellis,

Calue tua uenia, pace Catulle tua.

Miles depositis annosus secubat armis:

Grandæuiq. negant ducere aratra boues:

Putris & in uacua requiescit nauis arena:

Et uetus in templo bellica parma uacat.

At me ab amore tuo deducet nulla senectus,

Siue ego Tithonus, siue ego Nestor ero.

Non ne fuit satius duro seruire tyranno?

Et gemere in tauro sæue Perille tuo?  
Gorgonis et satius fuit obdurescere uultu?

Caucasias etiam si pateremur aues?  
Sed tamen obscura teritur rubigine mucro

Ferreus, et paruo sepe liquore silex.  
At nullo dominæ teritur sublimine amor, qui

Restat, et immerita sustinet aure minas.  
Vltro contemptus rogat, et peccasse fatetur

Lasus, et inuitis ipse redit pedibus.  
Tu quoque, qui pleno fastus assumis amore,

Credule, nulla diu femina pondus habet.  
An quisquam in medijs persoluit uota procellis?

Cum sæpe in portu fracta carina natet?  
Aut prius infecto deposcit præmia cursu,

Septima quàm metam triuerit arte rota?  
Mendaces ludunt flatus in amore secundi.

Si qua uenit sero, magna ruina uenit.  
Tu tamen interea, quamuis te diligat illa,

In tacito cohibe gaudia clausa sinu.  
Nanque in amore suo semper sua maxima cuique

Nescio quo pacto uerba nocere solent,  
Quamuis te persæpe uocet, simul ire memento.

Inuidiam quod habet, non solet esse diu.  
Et, si sæcla forent antiquis grata puellis,

Essem ego quod nunc tu. tempore uincor ego.  
Non tamen ista meos mutabunt sæcula mores.

Vnusquisque sua nouerit ire uia.  
At nos, qui officia in multos reuocatis amores,

Quantum sic cruciat lumina nēstra dolor.  
Vidistis

*Vidistis pleno teneram candore puellam,*  
*Vidistis fusco. dulcis uterque color.*  
*Vidistis quondam Argiua prodire figura,*  
*Vidistis nostras. utraque forma rapit.*  
*Illaq. plebeio, uel sit sandycis amictu,*  
*Hæc, atque illa mali uulneris una uia est.*  
*Cum satis ura tuis insomnia portet ocellis,*  
*Vna sit & cuius semina multa mala.*

26 *Ad Cynthiam de somnio naufragij.*

*VIDI ego te in somnis fracta, mea uita, carina*  
*Ionio lassas ducere rore manus,*  
*Et quacunque in me fueras mentita, fateri,*  
*Nec iam humore graues tollere posse comas:*  
*Qualem purpureis agitauit fluctibus Hellen,*  
*Aurea quam molli tergore uexit ouis.*  
*Quàm timui, ne forte tuum mare nomen haberet,*  
*Atque tua labens nauita fleret aqua.*  
*Quæ tum ego. Neptuno, quæ tum cum Castore fratri,*  
*Quæq. tibi excepi tum dea Leucothoe.*  
*At tu, uix primas extollens gurgite palmas,*  
*Sæpe meum nomen iam peritura uocas.*  
*Quòd si forte tuos uidisset Glaucus ocellos,*  
*Esses Ionij facta puella maris;*  
*Et tibi præ inuidia Nereides increpitarent,*  
*Candida Nisee, carula Cymothoe.*  
*Sed tibi subsidio Delphinum currere uidi,*  
*Qui puto Arioniam uexerat ante lyram.*  
*Iamq. ego conabar summo me mittere saxo,*

Cum mihi discussit talia uisa metus.

Nunc admirentur, quòd tam mihi pulchra puella  
Seruiat, & tota dicar in urbe potens.

Non, si Cambysæ redeant, & flumina Cræsi,  
Dicat, de nostro surge poeta toro.

Nam mea cum recitat, dicit se odisse beatos.  
Carmina tam sancte nulla puella colit.

Multum in amore fides, multum constantia prodest.  
Qui dare multa potest, multa & amare potest.

Seu mare per longum mea cogitet ire puella,  
Hanc sequar, & fidos una aget aura duos.

Vnum littus erit sopitis, unaq. tecto  
Arbor, & ex una sæpe bibemus aqua.

Et tabula una duos poterit componere amantes,  
Prora cubile mihi, seu mihi puppis erit.

Omnia perpetiar, sæuus licet urgeat Eurys,  
Velaq. in incertum frigidus Auster agat.

Quicumque & uenti miserum uexastis Vlissem,  
Et Danaum Euboico littore mille rates,

Et qui mouistis duo littora, cum rudis Argus  
Dux erat ignoto missa columba mari.

Illa meis tantum non unquam desit ocellis,  
Incendat nauem Iuppiter ipse licet.

Certe iisdem nudi pariter iactabimur oris.  
Me licet unda ferat, te modo terra tegat.

Sed non Neptunus tanto crudelis amoris,  
Neptunus fratri par in amore Ioui.

Testis Amymone, latices cum ferret in aruis,  
Compressa, & Lernæ pulsa tridente palus,

Iam



Iam Deus amplexu uotum persoluit, at illi  
Aurea diuinas urna refudit aquas.

Crudelem & Boream rapta Orithyia negauit.

Hic Deus & terras, & maria alta domat.

Crede mihi, nobis mitescet Scylla, nec unquam

Alternante uorans uasta Charybdis aqua.

Ipsaq. sidera erunt nullis obscura tenebris.

Purus & Orion, purus & Hædus erit.

Quòd mihi si ponenda tuo sit corpore uita,

Exitus hic nobis non inhonestus erit.

SOLOS AMANTES NOSSE, QUA

27 MORTE PERITURI SINT.

AT VOS incertam mortales funeris horam

Queritis, & qua sit mors aditura uia

Queritis & calo Phœnicum inuenta sereno,

Quæ sit stella homini commoda, quæq. mala.

Seu pedibus Parthos sequimur, seu classe Britanos,

Et maris, & terræ cæca pericla uia.

Rursus & obiectum fletis capiti esse tumultum,

Cum Mauors dubias miscet utrinque manus.

Præterea domibus flammam, domibusq. ruinam,

Neu subeant labris pocula nigra tuis.

Solus amans nouit quando periturus, et a qua

Morte, neque hic Boreæ flabra, neque arma timet.

Iam licet & Stygia sedeat sub arundine remex,

Cernat & infernæ tristia uela ratis,

Si modo clamantis renocauerit aura puellæ,

Concessum nulla lege redibit iter.



28 Ad Iouem pro amica egrotante.

I V P P I T E R affectæ tandem miserere puellæ.

Tam formosa tuum mortua crimen erit.

Venit enim tempus, quo torridus æstuat aer,

Incipit & sicco feruere terra cane.

Sed non tam ardoris culpa est, neque crimina cali,

Quàm, toties sanctos non habuisse deos.

Hoc perdit miseræ, hoc perdidit ante puellas:

Quicquid iurarunt, uentus, & unda rapit:

Num sibi collatam doluit Venus? illa peræque

Præ se formosis inuidiosa dea est.

An contempta tibi Iunonis templa Pelasgæ?

Palladis aut oculos ausa negare bonos?

Semper formosæ non nostis parcere uerbis.

Hoc tibi lingua nocens, hoc tibi forma dedit.

Sed tibi, uexatæ per multa pericula uitæ,

Extremo uenit mollior hora die.

Io uersa caput primos mugiuerat annos:

Nunc dea, quæ Nili flumina uacca bibit.

Ino etiam prima terras ætate uagata est:

Hæc miser implorat nauita Leucothoen.

Andromede monstros fuerat deuota marinis:

Hæc eadem Persei nobilis uxor erat.

Callisto Arcadios errauerat ursæ per agros:

Hæc nocturna suo sidere uela regit.

Quòd si forte tibi properarint fata quietem,

Illæ sepulturæ fata beata tuæ:

Narrabis Semele, quo sit formosa periclo:

Credet

Credet & illa suo docta puella malo.  
 Et tibi Mæonidas, interq. heroidas omnes  
 Primus erit, nulla non tribuente, locus.  
 Nunc, utcunque potes, fato gerè saucia morem.  
 Et deus, & durus uertitur ipse dies.  
 Hoc tibi uel poterit coniux ignoscere Iuno.  
 Frangitur & Iuno, si qua puella perit.  
 Deficiunt magico torti sub carmine rhombi,  
 Et iacet extincto laurus adusta foco.  
 Et iam luna negat toties descendere calo,  
 Nigraq. funestum condidit omen anis,  
 Vna ratis sati nostros portabit amores  
 Cærule ad infernos uelificata lacus.  
 Si non unius, quæso miserere duorum.  
 Viuam, si uiuet: si cadet illa, cadam.  
 Pro quibus optatis sacro me carmine damno.  
 Scribam ego, per magnum est salua puella Iouem.  
 Ante tuosq. pedes illa ipsa adoperta sedebit,  
 Narrabitq. sedens longa pericla sua.  
 Hæc tua Persephone maneat clementia: nec tu  
 Persephones coniux sauior esse uelis.  
 Sunt apud infernos tot millia formosarum:  
 Pulchra sit in superis scilicet una locis.  
 Vobiscum est Iopa, uobiscum candida Tyro,  
 Vobiscum Europe, nec proba Pasiphæ,  
 Et quot Troia tulit, uetus & quot Achæia formas,  
 Et Phæbi, & Priami diruta regna senis:  
 Et quacunque erat in numero Romana puella,  
 Occidit: has omnes ignis auarus habet.

Nec

*Nec forma aternū, aut cuiquam est fortuna perennis,  
Longius, aut propius mors sua quenque manet.*

60 *Tu quoniam es mea lux magno demissa periclo,  
Munera Dianæ debita redde choro,  
Redde etiam excubias diuæ nunc, ante iuuentæ.  
votiuas noctes & mihi solue decem.*

29 AD CYNTHIAM.

*H E S T E R N A* mea lux cum potus nocte uagarer,  
Nec me seruorum duceret ulla manus,  
Obuia nescio quot pueri mihi turba minuta  
Venerat, hos uetuit me numerare timor,  
Quorum alij faculas, alij retinere sagittas:

*Pars etiam uisa est uincla parare mihi.  
Sed nudi fuerant: quorum lasciuior unus,  
Arripite hunc, inquit: nam bene nostis eum.*

10 *Hic erat, hunc mulier nobis irata locauit,  
Dixit, & in collo iam mihi nodus erat.  
Hic alter iubet in medium propellere, & alter:  
Intereat qui nos non putat esse deos.*

*Hæc te non meritum totas expectat in horas,  
At tu nescio quas quæris inepte fores.  
Quæ cum Sidoniæ nocturna ligamina mitra  
Soluerit, atque oculos mouerit illa graues,  
Afflabunt tibi non Arabum de gramine odores,  
Sed quos ipse suis fecit Amor manibus.*

20 } *Parcite iam fratres, iam certos spondet amores,  
Et iam ad mandatam uenimus ecce domum.  
Atque ita me iniecto duxerunt rursus amictu.*

*I nunc,*

*Inunc, et noctes disce manere domi.*

*Mane erat, et uolui, si sola quiesceret illa,*

*Visere, at in lecto Cynthia sola fuit.*

*Obstupui: non illa mihi formosior unquam*

*Visa, neque ostrina cum fuit in tunica.*

*Ibat & hinc castæ narratum somnia Vesta,*

*Neu sibi, ne ue mihi quæ nocitura forent.*

*Talis uisa mihi somno demissa recenti.*

*Heu quantum per se candida forma ualet.*

*Quid tu matutinus ait speculator amica,*

*Me similem uestris moribus esse putas?*

*Non ego tam facilis, sat erit mihi cognitus unus,*

*Vel tu, uel si quis uerior esse potest.*

*Apparent non ulla toro uestigia presso,*

*Signa uoluptatis non iacuisse duos.*

*Aspice ut in toto nullus mihi corpore surgat*

*Spiritus, admissio notus adulterio.*

*Dixit, & opposita propellens suauia dextra,*

*Profilit in laxa nixa pedem solea.*

*Sic ego tam sancti custode recludor amoris,*

*Ex illo felix nox mihi nulla fuit,*

30

A D E A N D E M.

*Qv o' fugis, ah demens? nulla est fuga: tu licet usque*

*Ad Tanaim fugias, usque sequetur Amor.*

*Non, si Pegaseo uecteris in aere dorso;*

*Nec, tibi si Persei mouerit ala pedes;*

*Vel, si te sectæ rapiant talaribus aura;*

*Nil tibi Mercurij proderit alta uia.*

Instat

*Instat semper Amor supra caput, instat amanti,*

*Et grauis ipse super libera colla sedet.*

*Excubat ille acer custos, & tollere nunquam*

*Te patietur humo lumina capta semel.*

*Et iam si pecces, deus exorabilis ille est,*

*Si modo præsentes uiderit esse preces.*

*Ista senes licet accusent conuiuia duri:*

*Nos modo propositum uita teramus iter.*

*Illorum antiquis onerentur legibus aures.*

*Hic locus est, in quo tibia docta sones:*

*Quæ non iure uado Mæandri iacta natasti,*

*Turpia cum faceret Palladis ora tumor.*

*Nunc iam dura paras, Phrygias nunc ire per undas,*

*Et petere Hyrcani littora nota maris,*

*Spargereq. alterna communes cæde penates,*

*Et ferre ad patrios præmia dira lares.*

*Vna contentum pudeat me uiuere amica.*

*Hoc si crimen erit, crimen amoris erit.*

*Mi nemo obijciat. libeat tibi Cynthia mecum*

*Roscida muscosis antra tenere iugis.*

*Illic aspicias scopulis hædere sorores,*

*Et canere antiqui dulcia furta Iouis,*

*Vt semel est combustus, ut est deperditus Io,*

*Denique ut ad Troiæ tecta uolarit anis.*

*Quòd si nemo extat, qui uicerit alitis arma;*

*Communis culpæ cur reus unus agor?*

*Nec tu uirginibus reuerentia moueris ora:*

*Hic quoque non nescit, quid sit, amare, cho rus?*

*Si tamen Oeagri quædam compressa figura*

*Bistonij*

*Bistonij's olim rupibus accubuit .  
 Hic ubi me prima statuent in parte choreæ ,  
 Et medius docta cuspide Bacchus erit .  
 Tum capiti sacros patiar pendere corymbos .  
 Nam sine te nostrum non ualet ingenium .*

31

## AD CYNTHIAM.

*QVÆRIS cur ueniam tibi tardior? aurea Phæbi  
 Porticus a magno Casare aperta fuit .  
 Tantam erat inspeciem Pœnis digesta columnis :  
 Inter quas Danaï semina turba senis .  
 Hic equidem Phæbo uisus mihi pulchrior ipsa  
 Marmoreus tacita carmen hiare lyra :  
 Atque aram circum steterant armenta Myronis  
 Quattuor artificis uiuida signa boues .  
 Tum medium claro surgebat marmore templum ,  
 Et patria Phæbo carius Ortygia .  
 Auro solis erat supra fastigia currus ,  
 Et ualuæ Libyci nobile dentis opus .  
 Altera deiectos Parnassi uertice Gallos ,  
 Altera mærebat funera Tantalidos ,  
 Deinde inter matrem deus ipse , interq. sororem  
 Pythius in longa carmina ueste sonat .*

\*

32

## AD EANDEM.

*QV I uidet , is peccat . qui non te uiderit , ergo  
 Non cupiet . facti crimina lumen habet .  
 Nam quid Prænests dubias o Cynthia sortes ?*

Quid



Quid petis *Ææi* mœnia *Telegoni*?  
 Cur ue te in *Herculeum* deportant *essedæ* *Tybur*?  
 Appia cur toties te uia ducit anum?  
 Hoc utinam spatia loco, quocunque uagaris  
*Cynthia*. sed tibi me credere turba uetat.  
 Cum uidet accensis deuotam currere tedis  
 In nemus, & triuia lumina ferre deæ.  
 Scilicet umbrosis sordet *Pompeia* columnis  
 Porticus aulaeis nobilis *Attalica*,  
 Et creber pariter platanis surgentibus ordo,  
 Flumina sopito quæq. *Marone* cadunt.  
 Et leuiter nymphis tota crepitantibus urbe,  
 Cum subito *Triton* ore recondit aquam.  
 Falleris, ista tui furtum uia monstrat amoris.  
 Non urbem demens, lumina nostra fugis.  
 Nil agis, insidias in me componis inanes.  
 Tendis iners docto retia nota mihi.  
 Sed de me minus est. famæ iactura pudicæ  
 Tanta tibi miseræ, quanta mereris, erit.  
 Nuper enim de te nostras me lædit ad aures  
 Rumor, & in tota non bonus urbe fuit.  
 Sed tu non debes inimicæ credere linguae.  
 Semper formosis fabula pœna fuit.  
 Non tua deprensò damnata est fama ueneno.  
 Testis eris puras *Phœbe* uidere manus.  
 Sin autem longo nox una, aut altera lusu  
 Consumpta est, non me crimina parua mouent.  
*Tyndaris* externo patriam amutauit more,  
 Et sine decreto est uiua reducta domum.



Ipsa Venus quamuis corrupta libidine Martis,  
 Nec minus in cælo semper honesta fuit.  
 Quamuis Ida Parin pastorem dicat amasse,  
 Atque inter pecudes accubuisse deam.  
 Hoc et Hamadryadum spectauit turba sororum,  
 Sileniꝑ. senes, et pater ipse chori.  
 Cum quibus Idæo legisti poma sub antro,  
 Supposita excipiens Naica dona manu. 40  
 An quisquam in tanto stuprorum examine querit,  
 Cur hæc tam diues? quis dedit? unde dedit?  
 O nimum nostro felicem tempore Romam,  
 Si contra mores una puella facit.  
 Hæc eadem ante illam impune et Lesbia fecit.  
 Quæ sequitur, certe est inuidiosa minus.  
 Qui querit Tatios ueteres, durosq. Sabinos,  
 Hic posuit nostra nuper in urbe pedem.  
 Tu prius et fluctus poteris siccare marinos,  
 Altaq. mortali deligere astra manu, 50  
 Quàm facere, ut nostræ nolint peccare puella.  
 Is mos Saturno regna tenente fuit,  
 Et cum Deucalionis aquæ fluxere per orbem,  
 Et post antiquas Deucalionis aquas.  
 Dic mihi, quis potuit lectum seruare pudicum?  
 Quæ dea cum solo uiuere sola deo?  
 Vxorem quondam magni Minois, ut aiunt,  
 Corrupit torui candida forma bouis.  
 Nec minus arato Danae circumdata muro,  
 Non potuit magno casta negare Ioui,  
 Quòd seu tu Graias, seu sis imitata Latinas,

Semper

Semper uiue meo libera iudicio.

33

AD CYNTHIAM.

TRISTIA iam redeunt iterum solennia nobis,  
Cynthia iam noctes est operata decem.  
Atque utinam Nilo pereat quæ sacra tepente  
Misit matronis Inachis Ausoniis.  
Quæ dea tam cupidos toties diuisit amantes:  
Quæcumque illa fuit, semper amara fuit.  
Tu certe Iouis occultis in amoribus Io  
Sensisti, multas quid sit inire uias,  
Cum te iussit habere puellam cornua Iuno,  
Et pecoris duro perdere uerba sono,  
Ah quoties quernis læsisti frondibus ora,  
Mansisti stabulis abdita pasta tuis.  
An, quoniam agrestem detraxit ab ore figuram  
Iuppiter, iccirco facta superba dea es?  
An tibi non satis est fuscis Aegyptus alumnis?  
Cur tibi tam longa Roma petita uia est?  
Quid ue tibi prodest, uiduas dormire puellas?  
Sed tibi, crede mihi, cornua rursus erunt.  
Aut nos e nostra te sæua fugabimus urbe.  
Cum Tiberi Nilo gratia nulla fuit.  
At tu, quæ nostro nimium placata dolore es,  
Noctibus his uacui ter faciamus iter.  
Non audis? et uerba sinis mea ludere, cum iam  
Flestant Icarij sidera tarda boues?  
Lenta bibis, mediæ nequeunt te frangere noctes.  
An nondum est talos mittere lassæ manus?

Ah

*Ah pereat quicumque meracas repperit uuas ,  
 Corruptiq. bonas neſtare primus aquas .  
 Icare Cecropijs merito iugulate colonis ,  
 Pampineus noſti quàm ſit amarus odor .  
 Tu quoque o Eurytion uino centaure perifſti ,  
 Nec non Iſmario tu Polypheme mero .  
 Vino forma perit , uino corrumpitur ætas ,  
 Vino ſæpe ſuum neſcit amica uirum .  
 Me miſerum , ut multo nihil es mutata Lyæo :  
 Iam bibe , formoſa es : nil tibi uina nocent .  
 Cum tua præpendent demiffa in pocula ſerta ,  
 Et mea deduſta carmina uoce legis ,  
 Largius effuſo madeat tibi menſa ſalerno ,  
 Spumet et aurato mollius in calice .  
 Nulla tamen læto recipit ſe ſola libenter :  
 Et quiddam , quod uos quærere cogat amor .  
 Semper in abſentes felicior æſtus amantes :  
 Eleuat affiduos copia longa uiros .*

30

40

### 34 AD LYNCEVM POETAM.

*CVR quiſquam faciem dominæ iam credat amico ?  
 Sic erepta mihi pene puella mea eſt ,  
 Expertus dico : nemo eſt in amore fidelis .  
 Formoſam raro non ſibi quiſque petit .  
 Polluit ille deus cognatos , ſoluit amicos ,  
 Et bene concordēs triſtia ad arma uocat .  
 Hoſpes in hoſpitiū Menelao uenit adulter .  
 Colchis et ignotum non ne ſecuta uirum eſt ?  
 Lynceū tu ne meam potuiſti tangere curam ?*

10

F

Perfide

Perfide non ne tuæ tunc cecidere manus?  
 Quid si non constans illa, & tam certa fuisset?  
 Posset & in tanto uiuere flagitio?

Tu mihi uel ferro pectus, uel perde ueneno,  
 A domina tantum te modo tolle mea.  
 Te socium uitæ, te corporis esse licebit,  
 Te dominum admitto rebus amice meis,  
 Lecto te solum, lecto te deprecor uno.

Riualem possum non ego ferre Iouem.  
 Ipse meas solus ( quod nil est ) æmulator umbras  
 Stultus, quod stulto sæpe timore tremo.  
 Vna tamen caussa est, qua crimina tanta remitto,  
 Errabant multo quod tua uerba mero.

Sed nunquam uitæ me fallat ruga seueræ.  
 Omnes iam norunt, quàm sit amare bonum.  
 Lynceus ipse meus seros insanit amores.  
 Solum te nostros lætor adire deos.

Quid tua Socraticis tibi nunc sapientia libris  
 Proderit? aut rerum dicere posse uias?  
 Aut quid Cretæi tibi profunt carmina lecta?  
 Nil iuuat in magno uester amore senex.

Tu satius memorem musis imitere Philetam,  
 Et non inflati somnia Callimachi.

Nam rursus licet Aetoli referas Acheloi  
 Fluxerit ut magno factus amor liquor,  
 Atque etiam, ut Phrygio fallax Mæandria campo  
 Errat, & ipsa suas decipit unda uias,  
 Qualis & Adraſti fuerit uocalis Arion,  
 Tristis ad Archemori funera uictor equus.

Non

*Non Amphiareæ prosunt tibi fata quadrigæ,  
 Aut Capanei magno grata ruina Ioui.  
 Desine & Aeschyleo componere uerba cothurno,  
 Desine, & ad molles membra resolue toros.  
 Incipe iam angusto uersus includere torno,  
 Inq. tuos ignes dure poeta ueni.  
 Tu non Antimacho, non tutior ibis Homero.  
 Despicit & magnos recta puella deos.  
 Sed non ante grauis taurus succumbit aratro,  
 Cornua quàm ualidis hæserit in laqueis.  
 Nec tu tam duros per te patieris amores,  
 Trux tamen a nobis ante domandus eris.  
 Harum nulla solet rationem quærere mundi,  
 Nec cur fraternis luna laboret equis,  
 Nec si post Stygias aliquid restauerit undas,  
 Nec si consulto fulmina missa tonent.  
 Aspice me cui parua domi fortuna relictæ est,  
 Nullus & antiquo Marte triumphus aui,  
 Vt regnem mistas inter conuiuia puellas,  
 Hoc ego, quo tibi nunc eleuor, ingenio.  
 Me iuuat æternis positum languere corollis,  
 Quem tetigit iæctu certus ad ossa deus:  
 Ælia Virgilium custodis littora Phæbi,  
 Caesaris & fortes dicere posse rates,  
 Qui nunc Aeneæ Troiani suscitât arma,  
 Iæctâq. Lauinis mœnia littoribus.  
 Cedite Romani scriptores, cedite Graij.  
 Nescio quid maius nascitur Iliade.  
 Tu canis umbrosi subter pineta Galesi*

Thyrsin, & attritis Daphnin arundinibus,  
 Vtq. decem possint corrumpere mala puellam,  
 Missus & impressis hædus ab uberibus.  
 Felix, qui uiles pomis mercaris amores:  
 Huic licet ingrata Tityrus ipse canat.  
 Felix, intactum Corydon qui tentat Alexin  
 Agricolaë domini carpere delicias.  
 Quamuis illa sua lassus requiescat auena,  
 Laudatur faciles inter Hamadryadas.  
 Tu canis Ascræi ueteris præcepta poetæ,  
 Quo seges in campo, quo uiret iuua iugo.  
 Tale facis carmen docta testudine, quale  
 Cynthia impositis temperat articulis.  
 Non tamen hæc ulli uenient ingrata legenti,  
 Siue in amore rudis, siue peritus erit.  
 Nec minor his animis, aut si minor ore canorus  
 Anseris indocto carmine cessit olor.  
 Hæc quoque perfecto ludebat Iasone Varro,  
 Varro Leucadiæ maxima flama suæ.  
 Hæc quoque lasciui cantarunt scripta Catulli,  
 Lesbia queis ipsa notior est Helena.  
 Hæc etiam docti confessa est pagina Calui,  
 Cum caneret miseræ funerat Quinctiliæ,  
 Et modo formosa quàm multa Lycoride Gallus  
 Mortuus inferna uulnera lauit aqua.  
 Cynthia quin etiam uersu laudata Properti,  
 Hos inter si me ponere fama uolet.

43

SEX. PROPERTII  
ELEGIARVM

LIBER III:

ALLIMACHI manes, & Coi sacra

Philetæ

C

In uestrum, quæso, me finite ire nemus.

Primus ego ingredior puro de fonte sa-

Itala per Graios orgia ferre choros. (cerdos

Dicite quo pariter carmen tenuastis in antro,

Quo ue pede ingressi, quam ue bibistis aquam.

Ah ualeat, Phæbum quicumque moratur in armis.

Exaëtus tenui pumice uersus eat,

Quò me fama leuat terra sublimis, & a me

Nata coronatis musa triumphat equis,

Et mecum in curru parui uectantur Amores,

Scriptorumq. meas turba secuta rotas.

Quid frustra missis in me certatis habenis?

Non datur ad musas currere lata uia.

Multi Roma tuas laudes annalibus addent,

Qui finem imperij Bactra futura canent:

Sed, quod pace legas, opus hoc de monte sororum

Detulit intaëta pagina nostra uia.

Mollia Pegasides uestro date ferta poetæ.

Non faciet capiti dura corona meo.

At mihi, quod uiuo detraxerat inuida turba,

Post obitum duplici sænore reddet bonos.

Omnia post obitum fingit maiora uetustas.



*Maius ab exequijs nomen in ora uenit.*

*Nam quis equo pulsas abiegnos nosceret arces?*

*Fluminaq. Aemonio comminus isse uiro?*

*Idæum Simoenta, Iouis cunabula parui,*

*Hætoræ per campos ter maculasse rotas?*

*Deiphobumq., Helenūq., & Polydamantas in armis?*

*Qualemunque Parin uix sua nossset humus.*

*Exiguo sermone fores nunc Ilion, & tu*

*Troia, bis Oetæi numine capta Dei.*

*Nec non ille tui casus memorator Homerus*

*Posteritate suum crescere sensit opus.*

*Meq. inter seros laudabit Roma nepotes.*

*Illum post cineres auguror esse diem.*

*Ne mea contempto lapis indicet ossa sepulcro,*

*Prouisum est, Lycio uota probante deo.*

*Carminis interea nostri redeamus in orbem,*

*Gaudeat ut solito tacta puella sono.*

*Orpheute tenuisse feras, & concita dicunt*

*Flumina Threicia detinuisse lyra.*

*Saxa Cytheronis Thebas agitata per artem*

*Sponte sua in muri membra coisse ferunt.*

*Quin etiam Polypheme fera Galatea sub Aetna*

*Ad tua rorantes carmina flexit equos.*

*Miremur, nobis & Baccho, & Apolline dextro,*

*Turba puellarum si mea uerba colit.*

*Quod non Tænarijs domus est mihi fulta columnis;*

*Nec camera auratas inter eburna trabes;*

*Nec mea Phæacias æquant pomaria siluas;*

*Non operosa rigat Martius antra liquor:*

At

*At musæ comites, & carmina cara legenti,  
 Et defessa choris Calliopea meis.  
 Fortunata, meo si qua es celebrata libello:  
 Carmina erunt formæ tot monimenta tuæ.  
 Nam neque Pyramidum sumptus ad sidera ducti,  
 Nec Iouis Elei cælum imitata domus:  
 Nec Mausolei diues furtiva sepulcri  
 Mortis ab extrema conditione uacat.  
 Aut illis flamma, aut imber subducet honores,  
 Amorum aut ictu pondera uicta ruent.  
 At non ingenio quæsitum nomen ab ævo  
 Excidet. ingenio stat sine morte decus.*

PROPERTII SOMNIVM.

*VISVS eram molli recubans Heliconis in umbra,  
 Bellerophonteï quæ fluit humor equi,  
 Reges Alba tuos, et regum facta tuorum  
 Tantum operis nervis hiscere posse meis:  
 Paruaq. tam magnis admoram fontibus ora,  
 Vnde pater sitiens Ennius ante bibit,  
 Et cecinit Curios fratres, et Horatia pila,  
 Regiaq. Aemilia uicta trophæa rate,  
 Viêtricesq. moras Fabij, pugnamq. sinistram  
 Cannensem, & uersos ad pia uota deos,  
 Annibalemq. lares Romana sede fugantes,  
 Anseris & tutum uoce fuisse Iouem;  
 Cum me Castalia speculans ex arbore Phæbus  
 Sic ait, aurata nixus ad antra lyra:  
 Quid tibi cum tali demens est flumine? quis te*

*mi sua seminat*

*Carminis*

*stiperau*

Carminis heroi tangere iussit opus?

Non hic ulla tibi speranda est fama Properti.

Mollia sunt paruis prata terenda rotis,

Ut tuus in scamno iactetur sæpe libellus,

Quem legat expectans sola puella uirum.

Cur tua præscripto seuecta est pagina gyro?

Non est ingenij cymba grauanda tui.

Alter remus aquas, alter tibi radat arenas:

Tutus eris. medio maxima turba mari est.

Dixerat, & pleetro sedem mihi monstrat eburno,

Quà noua muscoso semita facta solo est.

Hic erat affixis. uiridis spelunca lapillis,

Pendebantq. cauis tympana pumicibus.

Ergo musarum, & Sileni patris imago

Fictilis, & calami Pan Tegeæ tui.

Et Veneris dominae uolucres mea turba columbae

Tingunt Gorgoneo punica rostra lacu.

Diuersæq. nouem sortitæ rura puellæ

Exercent teneras in sua dona manus.

Hæc ederas legit in thyrsos, hæc carmina neruis

Aptat, & illa manu textit utraque rosam.

E quarum numero me contigit una dearum.

Ut reor a facie, Calliopea fuit.

Contentus niueis semper uectabere cymis,

Nec te fortis equi ducet ad arma sonus.

Nil tibi sit rauco prætoria classica cornu

Flere, nec Aonium cingere Marte nemus,

ut quibus in campis Mariano prælia signo

stent, & Teutonicas Roma refringat opes.

Barbarus

Barbarus aut saeuo perfusus sanguine Rhemius  
 Saucia mœrenti corpora uellet aqua.  
 Quippe coronatos alienum ad limen amantes,  
 Nocturnæq; canes ebria signa fuga,  
 Vt per te clausas sciat excantare puellas,  
 Qui uolet austeros arte ferire uiros.  
 Talia Calliope; lymphisq; a fonte petitis,  
 Ora Philetea nostra rigauit aqua.

### DESCRIP TIO TRIUMPHI.

ARMA deus Cæsar dities meditatur ad Indos,  
 Et freta gemmiferi findere classe maris.  
 Magna uiri merces parat ultima terra triumphos:  
 Tigris, et Eufrates sub tua iura fluent.  
 Sera sed Ausonijs ueniet prouincia uirgis:  
 Assuescent Latio Partha trophæa Ioui.  
 Ite agite expertæ bello date lintea proræ,  
 Et solitum armigeri ducite munus equi.  
 Omnia fausta cano. Crassos, cladesq; piate,  
 Ite, et Romanæ consulite historiae.  
 Mars pater, et sacræ fatalia lumina Vestæ,  
 Ante meos obitus sit precor illa dies,  
 Qua uideam spolijs oneratos Cæsaris axes  
 Ad uulgi plausus sæpe resistere equos.  
 Inq; sinu caræ nixus spectare puellæ  
 Incipiam, et titulis oppida capta legam,  
 Tela fugacis equi, et brachati militis arcus,  
 Et subter captos arma sedere duces.  
 Ipsa tuam prolem serua Venus, hoc sit in animum,  
 Cernis

Cernis ab Aenea quod superesse caput .  
 Præda sit hæc illis , quorum meruere labores .  
 Mi sat erit media plaudere posse uia .  
 Pacis amor deus est : pacem ueneramur amantes :  
 Stant mihi cum domina prælia dura mea .  
 Nec tamen inuiso pectus mihi carpitur auro ,  
 Nec bibit e gemma diuite nostra sitis .  
 Nec mihi mille iugis Campania pinguis aratur ,  
 Nec miser æra peto classe Corinthe tua .  
 O prima infelix fingenti terra Prometheo :  
 Ille parum cauti pectoris egit opus :  
 Corpora disponens , mentem non uidit in arte .  
 Recta animi primum debuit esse uia .  
 Nunc maris in tantum uentis iactamur , & hostem  
 Quærimus , atque armis nescimus arma noua .  
 Haud ullas portabis opes Acherontis ad undas :  
 Nudus ab inferna stulte uehere rate .  
 Victor cum uictis pariter miscebitur umbris .  
 Consule cum Mario capte Iugurtha sedes .  
 Lydus Dulichio non distat Cræsus ab Iro .  
 Optima mors , parca quæ uenit apta die .  
 Me iuuat in prima coluisse Helicon iuuenta ,  
 Musarumq. choris implicuisse manus .  
 Me iuuat et multo mentem uincire lyæo ,  
 Et caput in uerna semper habere rosa .  
 Atque ubi iam Venerem grauis interceperit ætas ,  
 Spars'erit et nigras alba senecta comas ;  
 Tum mihi naturæ libeat perdiscere mores ,  
 Quis deus hanc mundi temperet arte domum :

Qua

Qua uenit exoriens, qua deficit, unde coactis  
 Cornibus in plenum menstrua luna redit: 50  
 Unde salo superant uenti, quid flamine captes  
 Eurus, & in nubes unde perennis aqua:  
 Sit uentura dies, mundi quæ subruat arces:  
 Purpureus pluias cur bibat arcus aquas:  
 Aut cur Perrhebi tremuere cacumina Pindi,  
 Solis & atratis luxerit orbis equis:  
 Cur serus uersare boues, & plaustra Bootes,  
 Pleiadum spisso cur coit igne chorus:  
 Cur uesuos fines altum non exeat æquor, 60  
 Plenus & in partes quattuor annus eat:  
 Sub terris sint ira deum, & tormenta gigantum,  
 Tisiphones atro si furit angue caput:  
 Aut Alcmeoniæ furia, aut ieiunia Phinei,  
 Num rota, num scopuli, num sitis inter aquas:  
 Num tribus infernum custodit faucibus antrum  
 Cerberus, & Tityo ingera pauca nouem:  
 An ficta in miseras descendit fabula gentes,  
 Et timor haud ultra, quàm rogus, esse potest.  
 Exitus hic uitæ superest mihi: uos, quibus arma  
 Grata magis, Crassi signa referte domum. 70

4 AD LYGDAMVM.

DIC mihi de nostra, quæ sentis uera puella:  
 Sic tibi sint dominae Lygdame dempta iuga.  
 Dum me letitia tumefactum fallis inani,  
 Hæc referens, quæ me credere uelle putas.  
 Omnis enim debet sine uano nuntius esse,  
 Maioremq.



21. Maioremq. timens seruus habere fidem.  
 Nunc mihi; si qua tenes; ab origine dicere prima  
 Incipe. suspensis auribus ista bibam.  
 i. Siccine eam incomptis uidisti flere capillis?  
 Illius ex oculis multa cadebat aqua?  
 Nec speculum strato uidisti Lygdame lecto?  
 Ornabat niueas nulla ue gemma manus?  
 Ac maestam teneris uestem pendere lacertis?  
 Scriniaq. ad lecti clausa iacere pedes?  
 Tristis erat domus; & tristes sua pensa ministræ  
 Carpebant; medio nebat & ipsa loco;  
 Humidaq. impressa siccabat lumina lana;  
 Rettulit & querulo iurgia nostra sono.  
 Hæc te teste mihi promissa est Lygdame merces?  
 Est pænæ seruo rumpere teste fidem.  
 Ille potest nullo miseram me linquere facto?  
 Aequalem nulla dicere habere domo.  
 Gaudet me uacuo solam tabescere lecto.  
 Si placet; insultet Lygdame morte mea.  
 Improbæ non uicit me moribus illa; sed herbis.  
 Straminea rhombi ducitur ille rota.  
 Illum turgentis ranae portenta rubetæ;  
 Et lecta e sedtis anguibus ossa trahunt;  
 Et strygis inuentæ per busta iacentia plumæ;  
 30. Cinctaq. funesto lanea uitta uiro.  
 Si non uana canunt mea somnia Lygdame; testor:  
 Pænæ erit ante meos sera; sed ampla pedes.  
 Putris & in uacuo texetur aranea lecto:  
 Noctibus illorum dormiet ipsa Venus.



Quæ tibi si ueris animis est quæstæ puella,  
 Hac eadem rursus Lygdame curre uia,  
 Et mea cum multis lacrymis mandata reporta,  
 Iram, non fraudes, esse in amore meo.  
 Me quoque consimili impositum torquerier igni, 40  
 Iurabo, et bis sex integer esse dies.  
 Quòd mihi si tanto felix concordia bello  
 Extiterit, per me Lygdame liber eris.

DE MORTE PAETI OB AVARITIAM.

ERGO solitæ tu caassa pecunia uitæ es,  
 Per te immaturum mortis adimus iter.  
 Tu uitij hominum crudelia pabula præbes,  
 Semina curarum de capite orta tuo.  
 Tu Patum ad Pharios tendentem lintea portus  
 Obruis insano terque, quaterq. mari.  
 Nam dum te sequitur, primo miser excidit æuo,  
 Et noua longinquis piscibus esca natat:  
 Et mater non iusta piæ dare debita terræ, 20  
 Nec pote cognatos inter humare rogos.  
 Sed tua nunc uolucres astant super ossa marinæ,  
 Nunt tibi pro tumulo Carpathium omne mare.  
 Infelix Aquilo, raptæ timor Orithyæ,  
 Quæ spolia ex illo tanta fuere tibi?  
 Aut quidnam fracta gaudes Neptune carina?  
 Portabat sanctos alueus ille uiros.  
 Pate quid ætatem numeras? quid cara natanti  
 Mater in ore tibi est? non habes unda deos.  
 Nam tibi nocturnis ad saxa ligata procellis 20  
 Omnia

Omnia detricto uincula fune cadunt :  
 Sunt Agamemnonias testantia littora curas , *vid. fol. 92.*  
 Quæ notat Argenni pœna minantis aquæ :  
 Hoc iuvene amisso, classem non soluit Atrides ,  
 Pro qua mactata est Iphigenia mora .  
 Reddite corpus humo ; positaq. in gurgite uita ,  
 Pætum sponte tua uilis arena tegas .  
 Et quoties Pæti transibit nauta sepulcrum ,  
 Dicat, et audaci tu timor esse potes .  
 30 Ite rates curuæ, & leti contexitæ caussas .  
 Ista per humanas mors uenit acta manus .  
 Terra parum fuerat : terris adiecimus undas : *1610.*  
 Fortunæ miseras auximus arte uias .  
 Anchora te teneat, quem non tenuere penates ?  
 Quid meritum dicas, cui sua terra parum est ?  
 Ventorum est quodcunque paras, haud ulla carinæ  
 Consennit, fallit portus et ipse fidem .  
 Natura insidians pontum substrauit anaris .  
 Ut tibi succedat, uix semel esse potest .  
 40 Saxa triumphales fregere Capharea puppes ,  
 Naufraga cum uasto Græcia tracta salo est .  
 Paullatim socium iacturam fleuit Ulysses ,  
 In mare cui soli non ualuere doli . *1610.*  
 Quod si contentus patrio boue uerteret agros ,  
 Verbaq. duxisset pondus habere mea ;  
 Viucret arte suos dulcis conuiua penates ,  
 Pauper, et in terra, nil ubi flere potest .  
 Non tulit hic Pætus stridorem audire procellæ ,  
 Et duro teneras lædere fune manus ,

\*

Sed thya thalamo, aut Oricia terebintho  
 Effultum pluma uersicolore caput.  
 Huic fluctus uiuo radicatus abstulit unguis,  
 Et miser inuisam traxit hiatus aquam.  
 Hunc paruo ferri uidit nox improba ligno.  
 Patus ut occideret, tot coiere mala.  
 Flens tamen extremis dedit hæc mandata querelis,  
 Cum moribunda niger clauderet ora liquor.  
 Di maris Aegæi, quos sunt penes æquora uenti,  
 Et quæcunque meum degrauat unda caput,  
 Quò rapitis miseros primæ lanuginis annos?  
 Attulimus longas in freta uasta manus.  
 Ah miser Alcyonum scopulis affigar acutis:  
 In me cæruleo fuscina sumpta deo est,  
 At saltem Italiæ regionibus euehat ætus.  
 Hoc de me sat erit, si modo matris erit.  
 Subtrahit hæc fantem torta uertigine fluctus,  
 Vltima quæ Pæto noxque, diesq. fuit.  
 O centum æquoreæ Nereo genitore puellæ,  
 Et tu materno tacta dolore Thetis,  
 Vos decuit lasso supponere brachia mento:  
 Non poterat uestras ille grauare manus.  
 At tu sæue Aquilo nunquam mea uela uidebis.  
 Ante fores dominae condar oportet iners.

f

AD CYNTHIAM.

DVLGIS ad hesternas fuerat mihi rixa lucernas,  
 Vocis

Vocis & insanæ tot maledicta tuæ ,  
 Cum furibunda mero mensam propellis , & in me  
 Projicis insanæ cymbia plena manu .  
 Tu uerò nostros audax inuade capillos ,  
 Et mea formosis unguibus ora nota :  
 Tu minitare oculos subiecta exurere flamma ,  
 Fac mea rescisso pectora nuda sinu .  
 Nimirum ueri dantur mihi signa caloris .  
 Nam sine amore graui femina nulla dolet .  
 Quæ mulier grauida iactat conuicia lingua ,  
 Et Veneris magnæ uoluitur ante pedes ,  
 Custodum gregibus seu cum se stipat euntem ,  
 Seu sequitur medias , Menas ut icta , uias ,  
 Seu timidam crebro dementia somnia terrent ,  
 Seu miseram in tabula picta puella mouet .  
 His ego tormentis animi sum uerus aruspex :  
 Has didici certo sæpe in amore notas .  
 Non est certa fides , quam non iniuria uersat .  
 Hostibus eueniat lenta puella meis ,  
 In morso æquales uideant mea uulnera collo .  
 Me doceat liuor mecum habuisse meam .  
 Aut in amore dolere uolo , aut audire dolentem .  
 Siue meas lacrymas , siue uidere tuas ,  
 Testa supercilijs si quando uerba remittis ,  
 Aut tua cum digitis scripta silenda notas .  
 Odi ego quæ nunquam pungunt suspiria somnos .  
 Semper in iratam pallidus esse uelim .  
 Dulcior ignis erat Paridi , cum grata per arma  
 Tyndaridi poterat gaudia ferre suæ .

*Dum uincunt Danaï, dum restat barbarus Hector,  
 Ille Helenæ in gremio maxima bella gerit.  
 Aut tecum, aut pro te mihi cum riuilibus arma  
 Semper erunt: in te pax mihi nulla placet.  
 Gaude, quòd nulla est æque formosa. doleres,  
 Si qua foret. nunc sis iure superba licet.  
 At tibi, qui nostro tendisti retia lecto,  
 Sit socer æternum, nec sine matre domus:  
 Cui nunc si qua data est furandæ copia noctis,  
 Offensa illa mihi, non tibi amica dedit.*

*vid. fol. 92*

7 AD MAECENATEM.

*MAECENAS eques Etrusco de sanguine regum,  
 Intra fortunam qui cupis esse tuam,  
 Quid me scribendi tam uastum mittis in æquor?  
 Non sunt apta meæ grandia uela rati.  
 Turpe est, quod nequeas capiti committere pondus,  
 Et pressum inflexo mox dare terga genu.  
 Omnia non pariter rerum sunt omnibus apta,  
 Fama nec ex æquo dicitur ulla iugo.  
 Gloria Lysippo est, animosa effingere signa:  
 Exactis Calamis se mihi iactat equis.  
 In Veneris fabula summam sibi ponit Apelles:  
 Pyreicus parua uindicat arte locum.  
 Argumenta magis sunt Mentoris addita formæ:  
 At Myos exiguum flectit acanthus iter  
 Phidiacus signo se Iuppiter ornat eburno:  
 Praxitelem propria uindicat arte lapis.  
 Sunt quibus Eleæ concurrit palma quadrigæ:*

*W*

Sunt, quibus in celeres gloria nata pedes.  
 Hic satus ad pacem, hic castrensibus utilis armis.  
 Naturæ sequitur semina quisque suæ.  
 At tua, Mæcnas, vitæ præcepta recepi,  
 Cogor & exemplis te superare tuis.  
 Cum tibi Romano dominas in honore secures,  
 Et liceat medio pōnere iura foro,  
 Vel tibi Medorum pugnaces ire per hostes,  
 Atque onerare tuam fixa per arma domum;  
 Et tibi ad effectum vires det Cæsar, & omni  
 Tempore tam faciles insinuentur opes:  
 Parcis, & in tenues humilem te colligis umbras:  
 Velorum plenos subtrahis ipse sinus.  
 Crede mihi: magnos æquabunt ista Camillos  
 Iudicia, & uenies tu quoque in ora uirum:  
 Cæsar's & famæ uestigia iuncta tenebis.  
 Mæcenatis erunt uera trophæa fides.  
 Non ego uelifera tumidum mare findo carina:  
 Tota sub exiguo flumine nostra mora est.  
 Non flebo in cineres arcem sedisse paternos  
 Cadmi, nec semper prælia clade pari:  
 Nec referam Scæas, & Pergama, Apollinis arces,  
 Et Danaum decimo uere redisse rates;  
 Mœnia cum Graio Neptunia pressit aratro  
 Victor Palladiæ ligneus artis equus.  
 Inter Callimachi sat erit placuisse libellos.  
 Et cecinisse modis Coe poeta tuis.  
 Hæc curent pueri, hæc curent scripta puellæ;  
 Meq. deum clament, & mihi sacra ferant.

Te duce uel Iouis arma canam, caloq. minantem

Cæum, & Phlegæis Oromedonta iugis:

Celsaq. Romanis decerpta palatia tauris

Ordiam, & cæso mænia firma Remo,

Eductosq. pares siluestri ex ubere reges.

Crescet & ingenium sub tua iussa meum:

Prosequar & currus utroque ab littore ouantes

Parthorum, astutæ tela remissa fugæ,

Castraq. Pelusi Romano subruta ferro,

Antoniq. graues in sua fata manus.

Mollis tu cæptæ fautor cape lora iuuentæ,

Dexteraq. immissis da mihi signa rotis.

Hoc mihi Mæcnas laudis concedis; & a te est,

Quod ferar in partes ipse fuisse tuas.

### DE NATALI AMICAE SVAE.

MIRABAR, quidnam misissent mane camænae

Ante meum stantes, sole rubente, torum.

Natalis nostræ signum misere puella,

Et manibus faustos ter crepuere sonos.

Transseat hic sine nube dies, stent aere uenti,

Ponat & in sicco molliter unda minas.

Aspiciam nullos hodierna luce dolentes,

Et Niobe lacrymas supprimat ipse lapis.

Halcyonum positæ requiescant ora querelis,

Increpet absumptum nec sua mater Ityn.

Tuq. o cara mihi, felicibus edita pennis,

Surge, & poscentes iusta precare deos.

Ac primum pura somnum tibi discute lymphæ,



Et nitidas presso pollice finge comas ,  
 Dein qua primum oculos cœpisti ueste Properti ,  
 Indue , nec uacuum flore relinque caput ,  
 Et pete , qua polles , ut sit tibi forma perernis ,  
 Inq. meum semper stent tua regna caput .  
 Inde coronatas ubi thure piaueris aras ,  
 Luxerit & tota flamma secunda domo ,  
 Sit mensæ ratio , noxq. inter pocula currat ,  
 Et crocino nares murrheus ungat Onyx .  
 Tibia nocturnis succumbat rauca choreis ,  
 Et sint nequitiae libera uerba tuæ ,  
 Dulciaq. ingratos adimant conuiuia somnos ,  
 Publica uicinæ perstrepat ara uie .  
 Sit sors & nobis talorum interprete iactu ,  
 Quem grauib. pennis uerberet ille puer .  
 Cum fuerit multis exacta trientibus hora .  
 Noctis & instituet sacra ministra Venus ,  
 Annua soluamus thalamo solennia nostro ,  
 Natalisq. tui sic peragamus iter .

9 Feminas imperare amantibus .

QV I D mirare , meam si uersat femina uitam ?  
 Et trahit addictum sub sua iura uirum ?  
 Criminaq. ignaui capitis mihi turpia fingis ,  
 Quod nequeam fracto rumpere uincla iugo ?  
 Venturam melius præagit nauita noctem :  
 Vulneribus didicit miles habere metum .  
 Ista ego præterea iactaui uerba inuenta .  
 Tu nunc exemplo disce timere meo .

Colchis flagrantes adamantina sub iuga tauros

W

Egit, & armigera prælia seuit humo,

Custodisq. feros clausit serpentis hiatus,

Iret ut Aesonias aurea lana domos.

Ausa ferox ab equo quondam oppugnare sagittis

Mæotis Danaum Penthesilea rates.

Aurea cui postquam nudauit cassida frontem,

Vicit uictorem candida forma uirum.

Omphale in tantum formæ processit honorem

Lydia Gygæo tineta puella lacu,

Vt, qui pacato statuisset in orbe columnas,

Tam dura traheret mollia pensa manu.

W

Persarum statuit Babylona Semiramis urbem,

Vt solidum cocto tolleret aggere opus:

Et duo in aduersum misit per mœnia currus

Ne possent tacto stringere ab axe latus,

Duxit & Eufraten medium qua condidit arces,

Iussit & imperio surgere Bactra caput.

Nam quid ego heroas, quid raptem in crimina diuos?

Iuppiter infamat seque, suamq. domum.

Quid modo quæ nostris opprobria uexerit armis,

Et famulos inter femina trita suos?

30

Coniugis obscæni pretium Romana poposcit.

Mœnia, & addictos in sua regna patres.

Noxia Alexandrina dolis aptissima tellus,

Et toties nostro Memphi cruenta malo,

Tres ubi Pompeio detraxit arena triumphos.

Tollet nulla dies hanc tibi Roma notam.

Issent Phlegreæo melius tibi funera campo.

Vel tua si socero colla daturus eras.  
 Scilicet incesti meretrix regina Canopi  
 40 Vna Philippeo sanguine adusta nota,  
 Ausa Ioni nostro latrantem opponere Anubin,  
 Et Tiberim Nili cogere ferre minas,  
 Romanamq. tubam crepitanti pellere sistro,  
 Baridos & contis rostra Liburna sequi,  
 Fædaq. Tarpeio conopea tendere saxo.  
 Iura dare statuas inter, & arma mari.  
 Quid nunc Tarquini fractas iuuat esse secures,  
 Nomine quem simili uita superba notat?  
 Si mulier patiendafuit? cape Roma triumphum,  
 50 Et longam Augusto salua precare diem.  
 Fugisti tamen in timidi uaga flumina Nili:  
 Accepere tuæ Romula uincla manus.  
 Brachia spectauit sacris admorsa colubris,  
 Et trahere occultum membra soporis iter.  
 Non hæc Roma fuit tanto tibi ciue uerenda,  
 Dixit & assiduo lingua sepulta mero.  
 Septem urbs alta iugis, toti quæ præsidet orbi,  
 Femineas timuit territa Marte minas.  
 60 Annibalis spolia, & uicti monimenta Siphacis,  
 Et Pyrrhi ad nostros gloria fracta pedes.  
 Curius expletis statuit monimenta lacunis:  
 At Decius misso prælia rupit equo.  
 Coclitis abscissos testatur semita pontes,  
 Et cui cognomen Coruus habere dedit. *lib. 92*  
 Hæc di condiderant, hæc di quoque mœnia seruant.  
 Vix timeat, saluo Cæsare, Roma Iouem.

Nunc

Nunc ubi Scipiadae classes? ubi signa Camilli?

Aut ubi Pompeia Bosphora capta manu?

Leucadius uersas acies memorabit Apollo.

Tantum operis belli sustulit una dies.

At tu, siue petes portus, seu nauita linques.

Cæsaris in toto sis memor Ionio.

70

IO AD POSTVMVM DE GALLA.

POSTVME plorantem potuisti linquere Gallam?

Miles & Augusti fortia signa sequi?

Tanti ne ulla fuit spoliati gloria Parthi,

Ne faceres Galla multa rogante tua?

Si fas est, omnes pariter pereatis auari,

Et quisquis fido prætulit arma toro.

Tu tamen inicta teētus uesane lacerna.

Potabis galea fessus Araxis aquam.

Illa quidem interea fama tabescet mani,

Hæc tua ne uirtus fiat amara tibi,

Ne ue tua Medæ latentur cæde sagittæ,

Ferreus aurato neu cataphractus equo,

Ne ue aliquid de te flendum referatur in urna.

Sic redeunt, illis qui cecidere locis.

Ter quater in casta felix o Postume Galla,

Moribus his alia coniuge dignus eras.

Quid faciet nullo munita puella timore?

Cum sit luxuriæ Roma magistra tuæ?

Sed securus eas: Gallam non munera uincet,

Duritiæq. tuæ non erit illa memor:

10

20

Nam quocunque die sanum te fata remittent ,

Pendebit collo Galla pudica tuo .

Postumus alter erit miranda coniuge Vlysses .

Non illi longæ tot nocuere moræ ,

Castra decem annorū , et Ciconū mons , Ismara , Calpe ,

Exusta q̃. tuæ mox Polypheme genæ ,

Et Circe fraudes , lotosq̃ue , herbæq̃. tenaces ,

Scyllaque , & alternas scissa Charybdis aquas ,

Lampeties Ithacis uerubus mugisse iuencos ,

Pauerat hos Phæbo filia Lampetiae ,

Et thalamum Aëæ flentis , fugisse puellæ ,

Totq̃. hiemis noctes , totq̃. natasse dies ,

Nigrantesq̃. domos animarum intrasse silentium ,

Sirenum surdo remige adisse lacus ,

Et ueteres arcus leto renouasse procorum ,

Errorisq̃. sui sic statuisse modum .

Nec frustra : quia casta domi perfederat uxor .

Vincit Penolopes Lælia Galla fidem .

# DE AVARITIA PVELLARVM.

QVAERITIS , unde auidis nox sit pretiosa puellis ,

Et Venere exhaustæ damna querantur opes ?

Certe equidem tantis caussa est manifesta ruinis .

Luxuriæ nimium libera facta uia est .

Inda cauis aurum mittit formica metallis ,

Et uenit e rubro concha Erycina salo ,

Et Tyros ostrinos præbet Cadmea colores ,

Cinnamon & multi pastor odoris Arabs .

Hæc etiam clausas expugnant arma pudicas ,

Quæq̃.

Quæq. terunt fastus Icarioni tuos.  
 Matrona incedit census induta nepotum,  
 Et spolia opprobrij nostra per ora trahit.  
 Nulla est poscendi, nulla est reuerentia dandi:  
 Aut, si qua est, pretio tollitur ipsa mora.  
 Felix Eois lex funeris una maritis,  
 Quos aurora suis rubra colorat equis.  
 Nanque, ubi mortifero iacta est fax ultima lecto,  
 Vxorum fufis stat pia turba comis,  
 Et certamen habent leti, quæ uiua sequatur  
 Coniugium. pudor est, non licuisse mori.  
 Ardent uictrices, & flammæ pectora præbent,  
 Imponuntq. suis ora perusta uiris.  
 Hic gen:is infidum nuptarum, hic nulla puella  
 Nec fida Euadne, nec pia Penelope.  
 Felix agrestum quondam pacatâ iuuentus,  
 Diuitiæ quorum messis, & arbor erant.  
 Illis pompa fuit decussa Cydonia ramo,  
 Et dare puniceis plena canistra rubis,  
 Nunc uiolas tondere manu, nunc mista referre  
 Lilia, uirgineos lucida per calathos,  
 Et portare suis uestitas frondibus uuas,  
 Aut uariam plumæ uersicoloris auem.  
 His tum blanditijs furtiua per antra puellæ  
 Oscula siluicolis empta dedere uiris.  
 Atque hinuli pellis totos operibat amantes,  
 Altaq. natino creuerat herba toro,  
 Pinus & incumbens lætas circumdabat umbras,  
 Nec fuerat nudas pœna uidere deas.



40 Corniger Idæi uacuam pastoris in aulam  
 Dux aries saturas ipse reduxit oues.  
 Diq. de aq. omnes, quibus est tutela per agros,  
 Præbebant uestris uerba benigna focis.  
 Et leporem quicumque uenis uenaberis hospes,  
 Et si forte meo tramite quæris auem:  
 Et me Pana tibi comitem de rupe uocato,  
 Siue petas calamo præmia, siue cane.  
 At nunc desertis cessant sacraria lucis:  
 Aurum omnes uicta iam pietate colunt.  
 50 Auro pulsa fides, auro uenalia iura,  
 Aurum lex sequitur, mox sine lege pudor.  
 Torrida sacrilegum testantur lumina Brennum,  
 Dum petit intonsi Pythia regna Dei.  
 At mons laurigero concussus uertice duras  
 Gallica Parnassi sparsit in arma niues.  
 Te scelus accepto Thracis Polymnestoris auro  
 Nutrit in hospitio non Polydore pio.  
 Tu quoque, ut auratos gereres Eriphyla lacertos,  
 Dilapsis nusquam est Amphiarus equis.  
 60 Proloquar, atque utinam patriæ sim uanus aruspex.  
 Frangitur ipsa suis Roma superba bonis.  
 Certa loquor, sed nulla fides. neque enim Ilia quoddam  
 Verax Pergameis Mænas habenda malis.  
 Sola Parin phrygiæ fatum componere, sola  
 Fallacem patriæ serpere dixit equum.  
 Ille furor patriæ fuit utilis, ille parenti.  
 Experta est uerò irrita lingua deos.

Ad



12 *Ad Spartam de ludis Laconicis.*

M V L T A tuæ, Sparte, miramur iura palæstræ,

Sed mæge uirginei tot bona gymnasij,

Quodd non infames exercet corpore laudes

Inter luctantes nuda puella uiros,

Cum pila ueloces fallit per brachia iactus,

Increpat & uersi clauis adunca trochi,

Puluerulentaq. ad extremas stat femina metas,

Et patitur duro iulnura pancratio:

Nunc ligat ad castum gaudentia brachia loris,

Missile nunc disci pondus in orbe rotat;

Gyrum pulsat equis, niueum latus ense reuincit,

Virgineumq. cauo protegit ære caput.

Qualis Amazonidum nudatis bellica mammis

Thermodoonteis turba lauatur aquis;

Et modo Taygeti crines aspersa pruina

Secutatur patrios per iuga longa canes.

Qualis & Eurotæ Pollux & Castor arenis,

Hic uictor pugnis, ille futurus equis:

Inter quos Helene nudis capere arma papillis

Fertur, nec fratres erubuisse deos.

Lex igitur Spartana uetat secedere amantes,

Et licet in trinijs ad latus esse suæ:

Nec timor, aut ulla est clausæ tutela puellæ,

Nec grauis austeri pœna cauenda uiri.

Nullo præmisso, de rebus tute loquaris

Ipse tuis. longæ nulla repulsa moræ.

Non Tyriæ uestes errantia lumina fallunt,

Est

Est neque odorata cura molesta domi.  
 At nostra ingenti uadit circumdata turba,  
 Nec digitum angusta est inseruisse uia:  
 Nec quæ sint facies, nec quæ sint uerba rogandi,  
 Inuenias. cæcum uersat amator iter.  
 Quodd si iura fores, pugnascq. imitata Laconum,  
 Carior hoc esses tu mihi Roma bono.

AD CYNTHIAM DE LYCINNA.

SIC ego non ullos iam norim in amore tumultus,  
 Nec ueniat sine te nox uigilanda mihi,  
 Ut mihi prætextæ pudor est uelatus amictu,  
 Et data libertas noscere amoris iter.  
 Illa rudes animos per noctes conscia primas  
 Imbuit, heu nullis capta Lycinna datis.  
 Tertius, haud multo minus est, cum ducitur annus:  
 Vix memini nobis uerba coisse decem.  
 Cuncta tuus sepeliuit amor, nec femina post te  
 Vlla dedit collo dulcia uincla meo.  
 Testis erat Dirce tam uero crimine sæua  
 Nycteos Antiopen accubuisse Lyco.  
 Ah quoties pulchros iussit regina capillos,  
 Molliacq. immites fixit in ora manus.  
 Ah quoties famulam pensis onerauit iniquis,  
 Et caput in dura ponere iussit humo.  
 Sæpe illam immundis passa est habitare tenebris:  
 Vilem ieiunæ sæpe negauit aquam.  
 Iuppiter Antiopæ nusquam succurris habenti  
 Tot mala. corrumpit dura catena manus.

*Si deus es ; tibi turpe , tuam seruire puellam .*

*Inuocet Antiope quem nisi uincta Iouem ?*

*Sola tamen , quæcunque aderant in corpore uires ,*

*Regales manicas rupit utraque manu :*

*Inde Cytheronis timido pede currit in arces .*

*Nox erat , & sparsa triste cubile gelu .*

*Sæpe uago Asopi sonitu permota fluentis*

*Credebat dominæ pone uenire pedes :*

*Et durum Zethum , & lacrymis Amphiona molle*

*Expertæ est stabulis mater abacta suis .*

*Ac ueluti magnos cum ponunt æquora motus ,*

*Eurus in aduersos definit ire notos :*

*Littore sic tacito sonitus rarefcit arenæ ,*

*Sic cadit inflexo lapsa puella genu .*

*Sera tamen pietas , natis est cognitus error .*

*Digne Iouis natos qui tueare senex .*

*Tu reddis pueris matrem , pueriq. trahendam*

*Vinxerunt Dircen sub trucidis ora bouis .*

*Antiope cognosce Iouem , tibi gloria Dirce*

*Ducitur in multis mortem habitura locis .*

*Prata cruentantur Zethi , uictorq. canebat*

*Pæana Amphion rupe Aracynthe tua .*

*At tu non meritam parcas uexare Lycinnam .*

*Nescit uestra ruens ira referre pedem .*

*Fabula nulla tuas de nobis concitet aures .*

*Te solam & lignis funeris ustus amem .*

#### 14 DE IMPERIO AMICAE.

*Nox media , & dominæ mihi uenit epistola nostræ ,*

*Tibure*

Tibure me missa iussit adesse mora,  
 Candida quæ geminas ostendunt culmina turres,  
 Et cadit in patulos lymphæ Aniena lacus.  
 Quid faciam? obduētis committam me ne tenebris?  
 Vt timeam audaces in mea membra manus?  
 At, si hæc distulero nostro mandata timore,  
 Nocturno fletus sæuior hoste mihi.  
 Peccaram semel, & totum sum pulsus in annum.  
 In me mansuetas non habet illa manus.  
 Nec tamen est quisquam, sacros qui lædat amantes:  
 Scyronis media sic licet ire uia.  
 Quisquis amator erit, Scythicis licet ambulet oris:  
 Nemo adeo, ut noceat, barbarus esse uolet.  
 Luna ministrat iter, demonstrant astra salebras:  
 Ipse amor accensas percutit ante faces.  
 Sæua canum rabies morjus auertit hiantes:  
 Huic generis quouis tempore tuta uia est.  
 Sanguine tam paruo quis enim spargatur amantis  
 Improbus? exclusis sit comes ipsa Venus.  
 Quod si certa meos sequerentur funera casus;  
 Tali mors pretio uel sit emenda mihi.  
 Afferet huc unguenta mihi, sertisq. sepulcrum  
 Ornabit custos ad mea busta sedens.  
 Di faciant, mea ne terra locet ossa frequenti,  
 Quæ facit assiduo tramite uulgus iter.  
 Post mortem tumuli sic infamantur amantum.  
 Me tegat arborea deuia terra coma,  
 Aut humet ignotæ cumulus uallatus arenæ.  
 Non iuuat in media nomen habere uia.

is

## AD BACCHVM.

N V N C ò Bacche tuis humiles aduoluimur aris,  
 Da mihi pacato uela secunda pater.  
 Tu potes insanæ Veneris compescere fastus;  
 Curarumq. tuo fit medicina mero.  
 Per te iunguntur, per te soluuntur amantes.  
 Tu uitium ex animo dilue Bacche meo.  
 Te quoque enim non esse rudem, testatur in astris  
 Lyncibus in cælum uecta Ariadna tuis.  
 Hoc mihi, quod ueteres custodit in ossibus ignes,  
 Funera sanabunt, uel tua uina, malum.  
 Semper enim uacuos nox sobria torquet amantes;  
 Spesq. timorq. animos uersat utroque modo.  
 Quod si Bacche tuis per feruida tempora donis  
 Accersitus erit somnus in ossa mea:  
 Ipse seram uites, pangamq. ex ordine colles,  
 Quos carpant nullæ, me uigilante, feræ;  
 Dum modo purpureo spument mihi dolia musto,  
 Et noua pressantes inquinet uua pedes.  
 Quod superest uitæ, per te, & tua cornua, uiuam,  
 Virtutisq. tuæ Bacche poeta ferar.  
 Dicam ego maternos Aetnao fulmine partus.  
 Indica Nysæis arma fugata choris,  
 Vesanumq. noua nequicquam in uite Lycurgum  
 Pentheos in triplices funera grata greges,  
 Curuaq. Tyrrhenos delphinum corpora nautas  
 In uada pampinea desiluisse rate,  
 Et tibi per medium bene olentia flumina Naxon,  
 Vnde

30 Vnde tuum potant Naxia turba merum.  
 Candida laxatis onerato colla corymbis  
 Cinget bassaricas Lydia mitra comas.  
 Leuis odorato ceruix manabit oliuo,  
 Et feries nudos ueste fluente pedes.  
 Mollia Dircae pulsabunt tympana Thebae,  
 Capripedes calamo Panes hiantes canent.  
 Vertice turrigero iuxta dea magna Cybelle  
 Fundit ad Idæos Cymbala rauca choros.  
 Ante fores templi crater antistitis auro  
 Libatum fundens in tua sacra merum.  
 40 Hæc ego non humili referam memoranda cothurno,  
 Qualis Pindarico spiritus ore tonat.  
 Tu modo seruitio uacuum me siste superbo,  
 Atque hoc sollicitum uince sopore caput.

16 MORTEM MARCELLI DEFLET.

CLAVSUS ab umbroso quæ ludit Pontus Averno  
 Humida Baiarum stagna tepentis aquæ,  
 Quæ iacet & Troiæ tubicen Misenus arena,  
 Et sonat Herculeo structa labore uia,  
 Hic ubi mortales dextra cum quæreret urbes,  
 Cymbala Thebano concrepuere Deo.  
 At nunc inuisæ magno cum crimine Baia,  
 Quis Deus in uestra constitit hostis aqua?  
 10 His pressus Stygiæ uultum demisit in undas,  
 Errat & in uestro spiritus ille lacu.  
 Quid genus, aut uirtus, aut optima profuit illi  
 Mater, & amplexum Caesaris esse focas?

Aut

*Aut modo tam pleno fluitantia uela theatro,*

*Et per maternas omnia gesta manus?*

*Occidit, & misero steterat uigesimus annus.*

*Tot bona tam paruo clausit in orbe dies.*

*I nunc, tolle animos, & tecum finge triumphos*

*Stantiaq. in plausum tota theatra iuuent:*

*Attalicas supera uestes, atque omnia magnis*

*Gemmea sint ludis, ignibus ista dabis.*

*Sed tamen huc omnes, huc primus, & ultimus ordo.*

*Est mala, sed cunctis ista terenda uia est.*

*Exoranda canis tria sunt latrantia colla:*

*Scandenda est torui publica cymba senis.*

*Ille licet ferro cautus se condat, & ære,*

*Mors tamen inclusum protrahit inde caput.*

*Nirea non facies, non uis exemit Achillem,*

*Cræsum aut Pæctoli quas parit humor opes,*

*Hic olim ignaros luctus populauit Achiuos,*

*Atrida nã gno cum stetit alter amor.*

*At tibi nauta, pias hominum qui trañcis umbras,*

*Huc animæ portent corpus inane tuæ,*

*Quà Sicule uidetor telluris Claudius, & quæ*

*Cæsar ab humana cessit in astra uia.*

### 17 De mulierum incontinentia.

**OBIICITVR** toties a te mihi nostra libido.

*Crede mihi, uobis imperat illa magis.*

*Vos ubi contempti rupistis fræna pudoris,*

*Nescitis captæ mentis habere modum.*

*Flamma per incensas citius sedctur aristas,*

*H Fluminaq.*



Fluminaq. ad fontis sint reditura caput,  
 Et placidum Syrtes portum, & bona littora nautis  
 Præbeat hospitio seu Malea suo;  
 Quàm possit nostros quisquam reprehendere cursus,  
 Et rapidæ stimulos frangere nequitia.  
 Testis, Cretæi fastus quæ passa iuuenti  
 Induit abiegnæ cornua falsa bonis:  
 Testis Thessalico flagrans Salmonis Enipeo,  
 Quæ uoluit liquido tota subire deo.  
 Crimen & illa fuit patria succensa senecta,  
 Arboris in frondis condita Myrrha nouæ.  
 Nam quid, Medæ, referam, quo tempore matris  
 Iram natorum cæde piauit amor?  
 Quid ue Clitemnestræ, propter quam tota Mycenis  
 Infamis stupro stat Pelopea domus?  
 Tuq. o Minoa nemundata Scylla figura,  
 Tondens purpurea regna paterna coma.  
 Hanc igitur dotem uirgo desponderat hosti:  
 Nise tuas portas fraude reclusit amor.  
 At uos innuptæ felicius write tedas,  
 Pendet Cretæa tracta puella rate.  
 Non tamen immerito Minos sedet arbitor orci:  
 Victor erat quamuis, æquus in hoste fuit

De contemptore amicæ.

CREDIS eum iam posse tuæ meminisse figuræ,  
 Vidisti a lecto quem dare uela tuo?  
 Durus, qui lucro potuit mutare puellam.  
 Tantis ne in lacrymis Africa tota fuit?

At

At tu stulta deos, tu fingis inania uerba.  
 Forsitán ille alio pectus amore terit.  
 Est tibi forma potens, sunt castæ Palladis artes,  
 Splendidaq. a docto fama resulget auo.  
 Fortunata domus, modo sit tibi fidus amicus.  
 Fidus ero; in nostros curre puella toros.  
 Tu quoque, qui æstiuos spatiosius exigis ignes,  
 Phæbe moraturæ contrahere lucis iter.  
 Nox mihi prima uenit, primæ data tempora noctis.  
 Longius in primo luna morare toro.  
 Fœdera sunt ponenda prius, signandaq. iura,  
 Et scribenda mihi lex in amore nouo.  
 Hæc Amor ipse suo constringit pignora signo.  
 Testis fidere & torta corona deæ,  
 Quàm multæ antè meis cedant sermonibus horæ,  
 Dulcia quàm nobis concitet arma Venus.  
 Nanque, ubi non certo uincitur fœdere lectus,  
 Non habet ultores nox uigilanda deos:  
 Et quibus imposuit, soluit nox uincla libido.  
 Contineant nobis omnia prima fidem.  
 Ergo, qui pactas in fœdera ruperit aras,  
 Pollueritq. nouo sacra marita toro,  
 Illi sint, quicunque solent, in amore dolores;  
 Et caput argutæ præbeat historiae,  
 Nec flenti dominæ patefiant nocte fenestra.  
 Semper amet, fructu semper amoris egens.

AD CYNTHIAM.

MAGNUM iter, ad doctas proficisci cogor Athenas;

H 2 Vt

*Vt me longa graui soluat amore uia.*  
Crescit enim assidue spectando cura puellæ.

*Ipsæ alimenta sibi maxima præbet amor.*  
Omnia sunt tentata mihi, quacumque fugari.

*Possit, at ex omni me præmit ipse deus.*  
Vix tamun aut semel admittit, cum sæpe negauit,

*Seu uenit, extremo dormit amica toro.*  
Vnum erit auxilium mutatis Cynthis terris.

*Quantum oculis, animo tam procul ibit amor.*  
Nunc agite o socij propellite in æquora naues,

*Remorumq. pares ducite sorte uices,*  
Iungiteq. extremo felicia linthea malo.

*Nam liquidum nautis aura secundat iter.*  
Romanae turres, & uos ualeatis amici,

*Qualiscumque mihi tuq. puella uale.*  
Ergo ego nunc rudis Adriaci uehar æquoris hospes,

*Cogar & undi sonos nunc prece adire deos.*  
Deinde per Ionium uectus cum fessa Lecheo

*Sedarit placida uela phaselus aqua.*  
Quod superest, sufferte pedes, properate laborem,

*Isthmos quæ terris arcet utrunque mare.*  
Inde ubi Piræi capient me littora portus,

*Scandam ego Theseæ brachia longa uia.*  
Illic uel studijs animum emendare Platonis

*Incipiam, aut hortis docte Epicure tuis;*  
Persequar aut studium linguæ, Demosthenis arma,

*Librorumq. tuos docte Menandre sales:*  
Aut certe tabulæ capient mea lumina pictæ,

*Siue ebore exactæ, seu magis ære manus;*  
Aut

*Aut spatia annorum, aut longa interualla profundi  
 Lenibunt tacito uulnera nostra sinu.  
 Seu moriar, fato, non turpi fractus amore,  
 Atque erit illa mihi mortis honesta dies.*

*20 AD TVLLVM.*

*FRIGIDA tam multos placuit tibi Cyzicus annos,  
 Tulle, Propontiaca quæ fluit Isthmos aqua,  
 Dindymus, & sacra fabricata inuenta Cybellæ,  
 Raptorisq. tulit quæ uia Ditis equos.  
 Si te forte iuuant Helles Athamantidos urbes,  
 Et desiderio Tulle mouere meo;  
 Tu licet aspicias cælum omne Atlanta gerentem,  
 Sectaq. Persea Phorcydos ora manu,  
 Gcryonæ stabula, & luctantum in puluere signa  
 Herculis Antæique, Hesperidumq. choros;  
 Tuq. tuo Colcon propellas remige Phasin,  
 Peliacæq. trabis totum iter ipse legas,  
 Quæ rudis Argoa natat inter saxa columba  
 In faciem proræ pinus adacta nouæ,  
 Et quæ Gygei uisenda est ora Caïstri,  
 Et quæ septenas temperat unda uias,  
 Omnia Romanæ cedent miracula terræ.  
 Natura hic posuit quicquid ubique fuit.  
 Armis apta magis tellus, quam commoda noxæ.  
 Famam, Roma, tuæ non pudet historiæ.  
 Nam quantum ferro, tantum pietate potentes  
 Stamus: uictrices temperat ira manus.  
 Hic Anio Tiburte fluis, Clitumnus ab Vmbro  
 ————— H 3 Tramite,*

Tramite, & æternum Martius humor opus.  
 Albanus lacus & socij Nemorensis ab unda,  
 Potaq. Pollucis lymphæ salubris equo.  
 At non squamoso labuntur uentre cerastæ,  
 Itala portentis nec fuit una nouis.  
 Non hic Andromedæ resonant pro matre catenæ,  
 Nec tremis Ausonias Phæbe fugate dapes.  
 Nec cuiquam absentis arserunt in caput ignes,  
 Exitium nato matre parante suo.  
 Penthea non seuæ uenantur in arbore Bacchæ,  
 Nec soluit Danaas subdita cernarates,  
 Cornua nec ualuit curuare in pellice Iuno,  
 Aut faciem turpi dedecorare boue.  
 Arboreasq. cruces Scinis, & non hospita Graijs  
 Saxa, & curuatas in sua fata trabes.  
 Hæc tibi Tulle parens, hæc est pulcherrima sedes.  
 Hic tibi pro digna gente petendus honos.  
 Hic tibi ad eloquium ciues, hic ampla nepotum  
 Spes, & uenturæ coniugis aptus amor.

DE TABVLIS PERDITIS.

ERGO tam doctæ nobis periire tabellæ,  
 Scripta quibus pariter tot periire bona.  
 Has quondam nostris manibus detriuerat usus,  
 Qui non signatas iussit habere fidem.  
 Illæ iam sine me norant placare puellas,  
 Et quædam sine me uerba diserta loqui.  
 Non illas fixum caras effecerat aurum,  
 Vulgari buxo sordida cera fuit.

Quales-

Qualescunque mihi semper mansere fideles,  
 Semper & effectus promeruerunt bonos.  
 Forsitan hæc illis fuerant mandata tabellis.  
 Irascor, quoniam es lente moratus heri.  
 An tibi nescio quæ uisa est formosior? an tu  
 Non bona de nobis crimina ficta iacis?  
 Aut dixit, uenies hodie, cessabimus una,  
 Hospitium tota nocte parauit amor,  
 Et quæcunque dolens reperit non stulta puella  
 Garula, cum blandis ducitur hora dolis.  
 Me miserum, his aliquis rationem scribit auari,  
 Et ponit duras inter ephemeridas.  
 Quas si quis mihi rettulerit, donabitur auro.  
 Quis pro diuitijs ligna retenta uelit?  
 I puer, & citus hæc aliqua propone columna,  
 Et dominum Esquilij scribe habitare tuum.

### AD CYNTHIAM SUPERBIENTEM.

FALSA est ista tuæ, mulier, fiducia formæ,  
 Olim oculis nimium facta superba meis.  
 Noster amor tales tribuit tibi Cynthia laudes.  
 Versibus insignem te pudet esse meis.  
 Mistam te uaria laudauit sæpe figura,  
 Ut, quod non esses, esse putaret amor.  
 Et color est toties roseo collatus Eo,  
 Cum tibi quæsitus candor in ore foret.  
 Quod mihi non patrū poterant auertere amici,  
 Eluere aut uasto Thessala saga mari,  
 Hæc ego non ferro, non igne coactus, & ipsa



*Naufragus Aegæa uerba fatebor aqua,  
Corruptus sæuo Veneris torrebam abeno,  
Victus eram uersas in mea terga manus.  
Ecce coronatæ portum tetigere carinæ:  
Traiectæ Syrtes, anchora iacta mihi est.  
Nunc demum uasto fessi resipiscimus æstu,  
Vulneraq. ad sanum nunc coiere mea.  
Mens bona, si qua dea es, tua me in sacraria dono,  
Exciderent surdo tot mea uota Ioui.*

AD AMICAM.

*Risus eram positus inter conuiuia mensis,  
Et de me poterat quilibet esse loquax.  
Quinque tibi potui seruire fideliter annos.  
Vngue meam morso saepe querere fidem.  
Nil moueor lacrymis: ista sum captus ab arte:  
Semper ab insidijs Cynthia flere soles.  
Flebo ego discedens: sed fletum iniuria uincit.  
Tu bene conueniens non finis esse iugum.  
Limina iam nostris ualeant lacrymantia uerbis.  
Nec tamen irata ianua fracta manu:  
At te calatis ætas grauis urgeat annis,  
Et ueniat formæ ruga sinistra tuæ:  
Vellere cum cupies albos a stirpe capillos  
A speculo rugas increpitante tibi:  
Exclusa inq. uicem fastus patiare superbos,  
Et, quæ fecisti, facta queraris anus.  
Has tibi fatales cecinit mea pagina diras.  
Euentum formæ disce timere tuæ.*



61

SEX. PROPERTII  
ELEGIARVM

LIBER IIII.

[ DE VRBE ROMA.

**H**oc, quodcunque uides hospes, quam ma-  
xima Roma est, (fuit.  
Ante Phrygem Aeneâ collis, & herba  
Atq; ubi nauali stât sacra palatia Phæbo,

Euandri profugæ procubuerê boues.

Fistilibus creuere deis hæc aurea templa.

Non fuit opprobrio facta sine arte casa.

Tarpeiusq. pater nuda de rupe tonabat,

Et Tiberis nostris aduena bubus erat.

Quod gradibus domus ista Remi se sustulit, olim

Vnus erat, fratrum maxima regna focus.

Curia, prætexto quæ nunc nitet alta senatu

Pellitos habuit rustica corda patres.

Buccina cogebat priscos ad uerba Quirites.

Centum illi in prato sæpe senatus erat.

Nec sinuosa cauo pendebant uela theatro.

Pulpita solennes non oluere crocos.

Nulli cura fuit externos querere diuos,

Cum tremeret patrio pendula turba sacro,

Annuaq. accenso celebrare Palilia sæno,

Qualia nunc curto lustra nouantur equo.

Vesta coronatis pauper gaudebat asellis,

Ducebant

Ducebant macræ iulia sacra boues.

Parua saginati lustrabant compita porci,

Pastor & ad calamos exta litabat ouis:

Verbera pellitus setosa monebat arator,

Vnde licens Fabius sacra lupercus habet.

Nec rudis infestis milēs radiabat in armis:

Miscebant uſta prælia nuda fude.

Prima galeritus posuit prætoria Lycmon,

Magnaq. pars Tatio rerum erat inter oues.

Hinc Tatiens, Ramnesq. uiri, Luceresq. coloni.

Quattuor hinc albos Romulus egit equos.

Quippe suburbana parua minus urbe Bouilla,

Et, qui nunc nulli, maxima turba Gabij:

Et stetit Alba potens alba suis omine nata,

Hac ubi Fidenas longe erat ire uias.

Nil patrium, nisi nomen, habet Romanus alumnus.

Sanguinis altricem nunc pudet esse lupam:

Huc melius profugos misisti Troia penates.

O quali ueſta eſt Dardana puppis aue.

Iam bene spondebant tunc omnia, quod nihil illam

Læſerat abiegni uenter apertus equi,

Cum pater in nati tremulus ceruice pependit,

Et uerita eſt humeros urere flamma pios.

Tunc animi uenere Decij, Brutiq. secures,

Vexit & ipsa ſui Caſaris arma Venus,

Arma reſurgentis portans uictricia Troiæ.

Felix terra tuos cepit Iule deos.

Si modo auernalis tremula cortina ſibyllæ

Dixit Auentino rura pianda Remo,

*Aut si Pergamæ sero rata carmina uatis*

*Longæuum ad Priami uera fuere caput*

*Vertite equum Danai, male uincitis. Ilia tellus*

*Viuet, & huic cineri Iuppiter arma dabit.*

*Optima nutricum nostris lupa Martia rebus,*

*Qualia creuerunt mœnia lacte tuo.*

*Mœnia nanque pio conor disponere uersu.*

*Hei mihi quod nostro est paruus in ore sonus.*

*Sed tamen exiguo quodcunque e pectore rui*

*Fluxerit, hoc patriæ seruiat omne meæ.*

*Ennius hirsuta cingat sua dicta corona:*

*Mi folia ex edera porrige Bacche tua.*

*Vt nostris tumefacta superbiat Vmbra libris,*

*Vmbria Romani patria Callimachi:*

*Scandentes si quis cernet de uallibus arces,*

*Ingenio muros æstimet ille meo:*

*Roma faue. tibi surget opus. date candida ciues*

*Omina, & in testis dextera cantet auis.*

*Sacra, diesq. canam, & cognomina prisca locorum.*

*Has mens ad metas sudet oportet equus.*

*Quò ruis imprudens uage dicere facta Properti?*

*Non sunt a dextra condita fila colo:*

*Accersis lacrymis tantus. auersus Apollo.*

*Poscis ab inuita uerba pigenda lyra.*

*Certa feram certis auctioribus haud ego uates,*

*Nescius arata signa mouere pila.*

*Me creat Architæ soboles Babylonius Horos,*

*Horos, & a proauo ducta Conone domus.*

*Di mihi sunt testes, non degenerasse propinquis,*

*Inq.*

Inq. meis libris nit prius esse fide.  
 Nunc pretium fecere deos; & fallitur auro  
 Iuppiter. obliquæ signa iterata rota;  
 Felicesq. Iouis stellas, Martisq. rapacis,  
 Et graue Saturni sidus in omne caput,  
 Quid moueant pisces, animosaq. signa Leonis,  
 Lotus & hesperia quid Capricornus aqua,  
 Dicam. Troia cades, & Troica Roma resurges:  
 Et maris, & terre longa sepulcra canam,  
 Dixi ego, cum geminos produceret Arria natos,  
 (Illa dabat natis arma uetante deo)  
 Non posse ad patrios sua pila referre penates:  
 Nempe meam firmant nunc duo busta fidem.  
 Quippe Lupercus equi dum saucia protegit ora,  
 Heu sibi prolapsus non bene cauit equo:  
 Gallus at in castris dum credita signa tuetur,  
 Concidit ante aquilæ rostra cruenta sua:  
 Fatales pueri, duo funera matris auaræ.  
 Vera sed inuitò contigit ista fides.  
 Idem ego, cum Cynaræ traheret Lucina dolores,  
 Et facerent uteri pondera lenta moram,  
 Iunonis uotum facite impetrabile, dixi.  
 Illa parit. libris est data palma meis.  
 Hoc neque arenosum Libyci Iouis explicat antrum,  
 Aut sibi commissos fibra locuta deos,  
 Aut si quis motas cornicis senserit alas,  
 Umbraq. nec magicis mortua prodit aquis.  
 Aspicienda uia est celi, uersusq. per astra  
 Trames, & ab æonis quinque petenda fides.

Exemplum

Exemplum graue erit Calchas : nanque *Aulide* soluit  
 Ille bene hærentes ad pia saxa rates :  
 Idem *Agamemnoniæ* ferrum ceruice puellæ  
 Tinxit , & *Atrides* uela cruenta dedit :  
 Nec rediere tamen *Danai* . tu diruta fletum  
 Supprime , & *Euboicos* respice *Troia* sinus :  
*Nauplius* ultores sub noctem porrigit ignes ,  
 Et natat exuijs *Græcia* pressa tuis ,  
*Victor* *Oilide* rape nunc , & dilige uatem ,  
 Quam uetat auelli ueste *Minerua* sua :  
 Hætenus *historiæ* . nunc ad tua deuehor *astra* :  
 Incipe tu lacrymis æquus adesse nouis .  
*Vmbria* te notis antiqua penatibus edit .  
 Mentior ? an patriæ tangitur ora tua ?  
 Quæ nebulosa cauo rorat *Meuania* campo ,  
 Et lacus æstiuus intepet *Vmber* aquis ;  
*Scandentisq.* axis confurgit uertice murus ,  
 Murus ab ingenio notior ille tuo .  
*Ossaq.* legisti , non illa ætate legenda ,  
 Patris , & in tenues cogeris ipse lares .  
 Nam tua cum multi uersarent rura iuueni ,  
 Abstulit excultas pertica tristis opes ,  
 Mox , ubi bulla rudi demissa est aurea collo ,  
 Matris & ante deos libera sumpta toga ;  
 Tum tibi pauca suo de carmine dicit *Apollo* ,  
 Et uetat insano uerba tonare foro .  
 Et tu finge elegos , fallax opus , hæc tua castra ,  
 Scribat ut exemplo cetera turba tuo .  
 Militiam *Veneris* blandis patiere sub armis ,

Et Veneris pueris utilis hostis eris.

Nam tibi uictrices, quasunque labore parasti,  
Eludet palmas una puella tuas;

Et bene cum fixum mento discusseris uncum,  
Nil erit: hoc rostro te premet ansa suo.

Illius arbitrio noctem, lucemque uidebis,  
Gutta quoque ex oculis non nisi iussa cadet.

Nec mille excubiae, nec te signata iuuabunt.  
Limina. persuase fallere rima sat est.

Nunc tua uel medijs puppis lugetur in undis,  
Vel licet armatis hostis inermis eas,

Vel tremefacta cauo tellus deducat hiatu,  
Oetipedis cancri terga sinistra time.

FABULA VERTUNNI.

Quid mirare meas tot in uno corpore formas?  
Accipe Vertunni signa paterna dei.

Tuscius ego Tuscis orior, nec poenitet inter  
Prælia Volscinos deseruisse focos.

Nec me turba iuuat, nec templo lætor curno.  
Romanum satis est posse uidere forum.

Hac quondam Tiberinus iter faciebat, & aiunt  
Remorum auditos per uada pulsa sonos.

At postquam ille suis tantum concessit alumnis,  
Vertunus uerso dicor ab æne deus,

Seu quia uertentis fructum percepimus anni,  
Vertunni rursus credidit esse sacrum.

Prima mihi uariat liuentibus uua racemis,  
Et coma lætenti spicea fruge tumet.



Hic dulces cerasos, hic autumnalia pruna  
 Cernis, & æstiuo mora rubere die.  
 Infitor hic soluit pomosa uota corona,  
 Cum prius inuito stipite mala tulit.  
 Mendax fama nocet, alius mihi nominis index:  
 De se narranti tu modo crede deo.  
 Opportuna mea est cunctis natura figuris.  
 In quancunque uoles, uerte: decorus ero.  
 Indue me Cois, fiam non dura puella.  
 Meq. uirum sumpta quis neget esse toga?  
 Da falcem, & torto frontem mihi comprime sæno;  
 Iurabis nostra gramina secta manu.  
 Arma tuli quondam: & memini, laudabar in illis:  
 Corbis & imposito pondere messor eram.  
 Sobrius ad lites: at cum est imposta corona,  
 Clamabis capiti uina subisse meo.  
 Cinge caput mitra: speciem furabor Iacchi.  
 Furabor Phæbi, si modo pleetra dabis.  
 Cassibus impositis uenor, sed arundine sumpta  
 Faunus plumoso sum deus aucupio.  
 Est etiam aurigæ species Vertunnus, & eius,  
 Traiicit alterno qui leue pondus equo,  
 Suppetat, hoc pisces calamo prædabor: & ibo  
 Mundus demissis institor in tunicis.  
 Pastorem ad baculum possum curare, uel idem  
 Serpiculis medio puluere ferre rosam.  
 Nam quid ego adijciâ, de quo mihi maxima fama est,  
 Hortorum in manibus dona probata meis?  
 Cæruleus cucumis, tumidoq. cucurbita uentre



Me notat, & iunco brassica uincta leui.  
 Nec flos ullus hiat pratis; quin ille decenter  
 Impositus fronti langueat ante meæ.  
 At mihi, quòd formas unus uertebat in omnes,  
 Nomen ab euentu patria lingua dedit.  
 At tu Roma meis tribuisti præmia Tusci,  
 Vnde hodie uicis nomina Tuscus habet.  
 Tempore quo socijs uenit Lycomedius armis,  
 Atque Sabina feri contudit arma Tati.  
 Vidi ego labentes acies, & tela caduca,  
 Atque hostes turpi terga dedisse fugæ.  
 Sed facias diuum sator, ut Romana per auum  
 Transeat ante meos turba togata pedes.  
 Sex superant uersus te, qui ad uadimonia curris,  
 Non moror: hæc spatij ultima meta meis.  
 Stipes acernus eram, properanti falce dolatus,  
 Ante Numam grata pauper in urbe Deus.  
 At tibi Mamuri formæ calator ahenæ  
 Tellus artifices ne terat Osca manus;  
 Qui me tam dociles potuisti fundere in usus.  
 Vnum opus est. operi non datur unus honos.

### 3 Epistola Arethusæ ad Lycotam.

Hæc Arethusa suo mittit mandata Lycotæ,  
 Cum toties absis, si potes esse meus:  
 Si qua tamen tibi lecturo pars oblita deerit,  
 Hæc erit e lacrymis facta litura meis:  
 Aut si qua incerto fallet te littera tractu,  
 Signa meæ dextræ iam morientis erunt.

Te modo uiderunt iteratos Baëtra per ortus ,

Te modo munito Sericus hostis equo ,

Hiberniq. Getæ , pictoq. Britannia curru ,

Vstus & Eoa discolor Indus aqua .

Hæc ne marita fides , & pactæ sunt mihi noctes ,

Cum rudis urgenti brachia uicta dedi ?

Quæ mihi deductæ fax omen prætulit , illa

Traxit ab euerso lumina nigra rogo :

Et Stygio sum sparsa lacu , nec recta capillis

Vitta data est , nupsi non comitante Deo .

Omnibus heu portis pendent mea noxia uota .

Textitur hæc castris quarta lacerna tuis .

Occidat , immerita qui carpsit in arbore uallum ,

Et struxit querulas rauca per ossa tubas .

Dignior obliquo funem qui torqueat oculo ,

Aeternusq. tuam pascit aselle famem .

Dic mihi num teneros urit lorica lacertos ?

Num grauis imbelles atterit hasta manus ?

Hæc noceant potius , quam dentibus ulla puella

Det mihi plorandas per tua colla notas .

Diceris & macie uultum tenuasse : sed opto

E desiderio sit color iste meo .

At mihi cum noctes induxit uesper amaras ,

Si qua relictæ iacent , osculor arma tua .

Tum queror in toto non sidere palliæ lecto ,

Lucis & auctores non dare carmen aues .

Noctibus hibernis castrensia pensa laboro ,

Et Tyria in gladios uelleræ secta suos :

Et disco qua parte fluat uincendus Araxes .

Quot sine aqua Parthus millia currat equus .  
 Cogor & e tabula pictos edificere mundos ,  
 Qualis & hæc docti sit positura dei .

40 Quæ tellus sit lenta gelu , quæ putris ab æstu ,  
 Venus in Italiam qui bene uela ferat .

Assidet una soror , curis & pallida nutrix  
 Peierat hiberni temporis esse moras .

Felix Hippolyte nuda tulit arma papilla ,  
 Et texit galea barbarâ molle caput .

Romanis utinam patuissent castra puellis :  
 Essem militiæ sarcina fida tuæ .

Nec me tardarent Scythiæ iuga , cum pater altas  
 Africus in glaciem frigore necit aquas .

50 Omnis amor magnus , sed aperto in coniuge maior .  
 Hanc Venus , ut uiuat , uentilat ipsa facem .

Nam mihi , quo Pænis tibi purpura fulgeat ostris ,  
 Crystallusq. tuas ornet aquosa manus ,

Omnia surda tacent ; rarisq. assueta calendis ,  
 Vix aperit clausos una puella lares .

Graucidos , & catulæ uox est mihi grata querentis .  
 Illa tui partem uendicat una tori .

Flore sacella tego , uerbenis compita uelo ,  
 Et crepat ad ueteres herba Sabina focos ,

60 Sine in finitimo gemuit stans noctua tigno ,  
 Seu uoluit tangi parca lucerna mero .

Illa dies ornis cædem denuntiat agnis ,  
 Succinctiq. calent ad noua lucra popæ .

Ne precor<sup>1</sup> ascensis tanti sit gloria Bætris ,  
 Rapta ne odorato carbasa lina duci ,

Plumbea

*Plumbea cum torta sparguntur pondera fundæ,  
 Subdolan & uersis increpat arcus equis.  
 Sed tua sic domitis Parthæ telluris alumnis  
 Pura triumphantes hæstæ sequatur equos:  
 Incorrupta mei conserua fœdera testæ.  
 Hac ego te sola lege redisse uelim.* 70  
*Armaq. cum tulero portæ uotiua Capenæ,  
 Subscribam, saluo grata puella uiro.*

#### 4 FABVLA TARPEIÆ.

*TARPEIVM nemus, & Tarpeia turpe sepul  
 Fabor, & antiqui limina capta Iouis. (crum  
 Lucus erat felix, ederoso conditus antro:  
 Multaq. natiuis obstreperit arbor aquis,  
 Siluani ramosa domus, quò dulcis ab æstu  
 Fistula poturas ire iubebat oues.  
 Hunc Tatiùs fontem uallo præcingit acernò,  
 Fictaq. suggesta castra coronat humo.  
 Quid tum Roma fuit, tubicen uicina Curetis, 70  
 Cum quateret lento murmure saxa Iouis?  
 Atque ubi nunc terris dicuntur iura subactis,  
 Stabant Romano pila Sabina foro.  
 Murus erant montes: ubi nunc est curia septa,  
 Bellicus ex illo fonte bibebat equus.  
 Hinc Tarpeia deæ fontem libauit, at illi  
 Urgebat medium fictilis urna caput.  
 Et satis una malæ potuit mors esse puellæ,  
 Quæ uoluit flammæ fallere Vesta tuas?  
 Vidit arenosis Tatiùm perludere campis,*

Piſtaq. per flauas arma leuare iubas.  
 Obſtupuit regis facie, & regalibus armis;  
 Interq. oblitus excidit urna manus.  
 Sæpe illa immerita cauſſata eſt omina Lunæ,  
 Et ſibi tingendas dixit in amne comas:  
 Sæpe tulit blandis argentea lilia nymphis,  
 Romula ne faciem læderet haſta Tati.  
 Dumq. ſubit primo Capitolia nubila fumo,  
 Rettulit hirsutis brachia ſecta rubis,  
 Et ſua Tarpeia reſidens ita fleuit ab arce  
 30 Vulnera uicino non patienda Ioui.  
 Ignes caſtrorum, & Tatiæ prætoria turmæ,  
 Et formoſa oculis arma Sabina meis,  
 O utinam ad ueſtros ſedeam captiua penates,  
 Dum captiua mei conſpicer eſſe Tati.  
 Romani montes, & montibus addita Roma,  
 Et ualeat probro Veſta pudenda meo.  
 Ille equus ille meos in caſtra reponet amores,  
 Cui Tatius dextra collocat ipſe iubas.  
 Quid mirum in patrios Scyllam ſeuiffe capillos?  
 40 Candidaq. in ſæuos inguina uerſa canes?  
 Proditæ quid mirum fraterni cornua monſtri,  
 Cum patuit læſto ſtamine torta uia?  
 Quantum ego ſum Auſonijs crimen factura puellis,  
 Improba uirgineo læta miniſtra foco.  
 Pallados extinctos ſi quis mirabitur ignes;  
 Ignoscat: lacrymis ſpargitur ara meis.  
 Cras, ut rumor ait, tota pugnabitur urbe:  
 Tu cape ſpinoſi roſcida terga iugi.

Lubrica tota uia est, & perfida, quippe tacentes

Fallaci celat limite semper aquas.

O utinam magica nossem cantamina musæ;

Hæc quoque formoso lingua tulisset opem.

Te toga picta decet, non quem sine matris honore

Nutrit inhumana dura papilla lupa.

Si sim hospes patiare tua regina sub aula:

Dos tibi non humilis prodita Roma uenit.

Sin minus, at raptæ ne sint impune Sabina,

Me rape, & alterna lege repende uices.

Commixtas acies ego possum soluere, nuptæ

Vos medium palla fœdus inite mea.

Adde Hymenæe modos, tubicen fera murmura conde.

Credite, uestra meus molliet arma torus.

Et iam quarta canit uenturam buccina lucem,

Ipsaq. in Oceanum sidera lapsa cadunt.

Experiar somnum: de te mihi somnia quæram.

Fac uenias oculis umbra benigna meis.

Dixit, & incerto permisit brachia somno

Nescia se flammis accubuisse nouis.

Nam Vesta Iliacæ felix tutela fauillæ

Culpam alit, & plures condit in ossa faces.

Illa ruit, qualis celere in prope Thermodoonta,

Strymonis abscisso fertur aperta sinu.

Urbi festus erat: dixere Palilia patres.

Hic primus cæpit mœnibus esse dies.

Annua pastorum conuiuia lusus in urbe

Cum pagana madent fercula delicijs,

Cumq. super raros fœni, flammantis acervos



Traijcit immundas ebria turba dapes.

80 Romulus excubias decreuit in ocia solui,

Atque intermissa castra silere tuba.

Hoc Tarpeia suum tempus rata, conuenit hostem,

Pacta ligat, pactis ipsa futura comes,

Mons erat ascensu dubius, festoq. remissus.

Nec mora, uocales occupat ense canes.

Omnia præbebant somnos, sed Iuppiter unus

Decreuit pænis inuigilare tuis.

Prodiderat portæq. fidem, patriamq. iacentem:

Nubendiq. petit, quem uelit ipsa, diem.

90 At Tatiús, (neque enim sceleri dedit hostis honorem,)

Nube, ait, & regni scande cubile mei.

Dixit, & ingestis comitum super obruit armis.

Hæc uirgo officijs dos erat apta tuis.

Aduce Tarpeia mons est cognomen adeptus.

O uigil iniustæ præmia sortis habes.

AD LENAM.

TERRÆ tuium spinis obducat Lena sepulcrum;

Et tua, quod non uis, sentiat umbra sitim;

Nec sedeant cineri manes; & Cerberus ultor

Turpia ieiuno terreat ossa sono;

Docta uel Hippolytum Veneri mollire negantem,

Concordiq. toro pessima semper auis.

Penelopen quoque, neglecto rumore mariti,

Nubere lasciui cogeret Antinoo.

100 Illa uelit, poterit magnes non ducere ferrum,

Et uolucris nidis esse nouerca suis.

Quippe & Collinas ad fossam mouerit herbas,

Stagnaq.

Stagnaq̃. currenti diluerentur aqua.  
 Audax cantatæ leges imponere Lunæ,  
 Et sua nocturno fallere terga lupo.  
 Posset & intentos astu cecare maritos.  
 Cornicum immeritas eruit ungue genas,  
 Consuluitq̃. stryges nostro de sanguine, & in me  
 Hippomanes fætæ semina legit equæ.  
 Exorabat opus uerbis ceu blanda perurat,  
 Saxosamq̃. terat sedula culpa uiam. 20  
 Si te Eoa \* Dorozantum aurea ripe,  
 Et quæ sub Tyria concha superbit aqua,  
 Eurypiliq̃. placet Coæ textura Minervæ,  
 Sectaq̃. ab Attaliciis putria signa toris,  
 Seu quæ palmiferæ mittunt uenalia Thebæ,  
 Murrheaq̃. in Parthis pocula cocta focis.  
 Sperne fidem, prouolue deos, mendacia uincant.  
 Cedant damnosæ iura pudicitia.  
 Et simulare uirum, pretium facit. utere caussis: 30  
 Maior dilata nocte recurret amor.  
 Si tibi forte comas uexauerit utilis ira,  
 Post modo mercata pace premendus erit.  
 Denique ubi amplexu Venerem promiseris empto:  
 Fac simules pueros Isidis esse dies.  
 Ingerat Apriles Iole tibi, tundat Amycle  
 Natalem Maij idibus esse tuum.  
 Supplex ille sedet, posita tu scribe cathedra.  
 Quidlibet, has artes si pauet ille, tenes.  
 Semper habe morsus circa tua colla recentes,  
 Litibus alternis quos putet esse datos. 40

Non te Medea delectent probra sequacis,  
 Nempe tulit fastus ausa rogare prior,  
 Sed potius mundi Thais pretiosa Menandri,  
 Cum ferit astutos comica mæcha Getas.  
 In mores te uerte uiri, si cantica iactat,  
 I comes, & uoces ebria iunge tuas.  
 Ianitor ad dantes uigilet: si pulset inanis,  
 Surdus in obductam somniet usque seram.  
 Nec tibi displiceat miles, modo factus amor;  
 Nauta nec, attrita si ferat æra manu;  
 Aut quorum titulus per barbara colla pependit,  
 Cælati medio cum saliere foro.  
 Aurum spectato, non quæ manus afferat aurum.  
 Versibus auditis, quid nisi uerba ferēs?  
 Qui uersus, Coæ dederit nec munera uestis,  
 Ipsius tibi sit surda sine ære lyra.  
 Dum uernat sanguis, dum rugis integer annus,  
 Vtere, ne quis eat liber amore dies.  
 Vidi ego odorati uictura rosaria Pæsti  
 Sub matutino coëta iacere noto.  
 His animos nostræ dum uersat Acanthis amica,

\*

Sed cape torquata Venus ò regina columbæ,  
 Ob meritum ante tuos guttura secta focos.  
 Vidi ego rugoso tussim concreescere collo,  
 Sputaq. per dentes ire cruenta canos,  
 Atque animam in tegetes putrem expirare paternas.  
 Horruit argenti pertica curta foco.  
 Exequiæ fuerant rari furtina capilli

Vincula,

Vincula, & immundo pallida mitra situ,  
 Et canis in nostros nimis experrecta dolores,  
 Cum fallenda meo pollice clathra forent.  
 Sit tumulus lenæ curto uetus amphora collo:  
 Urgeat hunc supra uis caprifice tua.  
 Quisquis amas, scabris hoc bustum cedito saxis,  
 Mistaq. cum saxis adijce uerba mala.

### 6 Depugna Æliaca nauali.

SACRA facit uates. sint ora fauentia sacris,  
 Et cadat ante meos iēta iuuenca focos.  
 Cera Phileteis certet Romana corymbis,  
 Et Cyrenæas urna ministret aquas.  
 Costum molle date, & blandi mihi thuris honores.  
 Terq. focum circa laneus orbis eat.  
 Spargite me lymphis, carmenq. recentibus aris  
 Tibia Mygdonijs libet eburna cadis.  
 Ite procul fraudes. alio sint aere noxæ.  
 Pura nouum uati laurea mollit iter.  
 Musa Palatini referamus Apollinis ædem.  
 Res est Calliope digna fauore tuo.  
 Cæsaris in nomen ducuntur carmina. Cæsar  
 Dum canitur, quæso Iuppiter ipse uaces.  
 Est Phæbi fugiens Alhamana ad littora portus,  
 Quæ sinus Ionie murmura condit aquæ,  
 Ætia Iuleæ pelagus monimenta carina,  
 Nautarum uotis non operosa uia.  
 Huc mundi coiere manus. stetit æquore moles  
 Pineæ, nec remis aqua fauebat axis.

Altera

*Altera classis erat Teucro damnata Quirino ,  
Pilaq. feminea turpiter acta manu .*

*Hinc Augusta ratis plenis Iouis omine uelis ,  
Signaq. iam patrie uincere docta suæ .*

*Tandem acies geminos Nereus lunarat in arcus ,  
Armorum & radijs picta tremebat aqua ,  
Cum Phæbus linquens stantem se uindice Delon ,  
( Nam tulit iratos mobilis una notos )*

*Astitit Augusti puppem super, & noua flamma  
Luxit in obliquam ter sinuata facem .*

*Non ille attulerat crines in colla solutos ,  
Aut testudineæ carmen inerme lyræ ,  
Sed quali aspexit Pelopeium Agamemnona uultu ,  
Egessitq. anidis Dorica castra rogis ,*

*Aut qualis flexos soluit Pythona per orbes  
Serpentem, imbelles quem timuere lyræ .*

*Mox ait, ò longa mundi seruator ab Alba  
Auguste, Hectoreis cognite maior auis ,*

*Vince mari : iam terra tua est : tibi militat arcus ,  
Et fauet ex humeris hoc onus omne meis .*

*Solue metu patriam : quæ nunc te uindice freta ,  
Imposuit proræ publica uota tuæ :*

*Quam nisi defendes, murorum Romulus augur  
Ire Palatinas non bene uidit aues .*

*Et nimium remis audent prope turpe Latinis  
Principe te fluctus regia uela pati .*

*Nec te, quòd classis centenis remiget alis ,  
Terreat : inuito labitur illa mari :*

*Quodq. uehunt proræ centaurica saxa minantes ,*

*Tigna*

Tigna caua, & pictos experiere metus.  
 Frangit, & attollit vires in milite caussa:  
 Quæ nisi iusta subest, excutit arma pudor.  
 Tempus adest, committe rates: ego temporis auctor  
 Ducam laurigera Iulia rostra manu.  
 Dixerat, & pharetræ pondus consumit in arcus,  
 Proxima post arcus Cæsaris hasta fuit.  
 Vincit Roma, fide Phæbi. dat sæmina pœnas,  
 Sceptra per Ionias fracta uehuntur aquas.  
 At pater Idalio miratus Cæsar ab astro,  
 Sum deus, & nostri sanguinis ista fides.  
 Prosequitur cantu Triton, omnesq. marinæ  
 Plauserunt circa libera signa deæ.  
 Illa petit Nilum cymba male nixa fugaci,  
 Hoc unum, iusso non moritura die.  
 Di melius, quantus mulier foret una triumphus  
 Ductus erat per quas ante Ingurtha vias.  
 Aëtius hinc traxit Phæbus monimenta, quodd eius  
 Vna decem uicit missa sagitta rates.  
 Bella satis cecini: citharam iam poscit Apollo  
 Victor, & ad placidos exuit arma choros.  
 Candida nunc molli subeant conuiuia luco,  
 Blanditiæque: fluant per mea colla rosæ:  
 Vinaq. fundantur prælis elisa Falernis,  
 Terq. lauet nostras spica Cilissa comas:  
 Ingenium potis irritet musa poetis:  
 Bacche soles Phæbo fertilis esse tuo.  
 Ille paludosos memoret seruire Sicambros,  
 Cepheam hic Meroen, fuscaq. regna canat:

Hic



60 Hic referat sero confectum fœdere Parthum:  
 Reddat signa Remi, mox dabit ipse sua.  
 Sine aliquid pharetris Augustus parcat Eois,  
 Differat in pueros ista trophea suos.  
 Gaude Crasse, nigras si quid sapis inter arenas.  
 Ire per Eufraten ad tua busta licet.  
 Sic noctem patera, sic ducam carmine, donec  
 Iniiciat radios in mea uina dies.

7 S O M N I U M .

SVNT aliquid manes. letum non omnia finit;  
 Luridaq. euictos effugit umbra rogos,  
 Cynthia nanque meo uisa est incumbere fulcro,  
 Murmur ad extrema nuper humata uia:  
 Cum mihi ab exequijs somnus penderet amoris,  
 Et quereretur lecti frigida regna mei.  
 Eosdem habuit secum, quibus est elata, capillos;  
 Eosdem oculos: lateri uestis adusta fuit.  
 Et solitum digito beryllon adederat ignis,  
 Summaq. Lethæus triuerat ora liquor:  
 Spirantesq. animos, & uocem misit. at illi  
 Pollicibus fragiles increpuere manus.  
 Perfide, nec cuiquam melior sperande puellæ,  
 In te iam uires somnus habere potest?  
 Iam ne tibi exciderant uigilantis furtiva Suburræ,  
 Et mea nocturnis trita fenestra dolis?  
 Per quam demisso quoties tibi fune pependi,  
 Alterna ueniens in tua colla manu.  
 20 Sæpe Venus trinio commista est pectore misto:

Fecerunt

Fecerunt tepidas pallia nostra uias.  
 Fœderis heu taciti, cuius fallacia uerba.  
 Non audituri diripuerunt noti.  
 At mihi non oculos quisquam inclinauit euntis:  
 Vnum impetrassem te reuocante diem.  
 Nec crepuit fissa me propter arundine custos,  
 Læsit & obiectum tegula curta caput.  
 Denique quis nostro curuum te funere uidit?  
 Atram quis lacrymis incaluisse togam?  
 Si piguit portas ultra procedere, at illud  
 Iussisses lectum lentius ire meum.  
 Cur uentos non ipse rogis ingratis petisti?  
 Cur nardo flammæ non oluere meæ?  
 Hoc etiam graue erat, nulla mercede hyacinthos  
 Iniicere, & fracto busta piare cado.  
 Lygdamus uratur, candescat lamina uernæ.  
 Sensi ego, cum insidijs pallida uina bibi.  
 Aut Nomas arcanas tollat uersuta salinas.  
 Dicit damnatas ignea testa manus.  
 Quæ modo per uiles inspecta est publica noctes,  
 Hæc nunc aurata cyclade signat humum.  
 Et grauiora rependit iniquis pensa quasillis,  
 Garula de facie si qua locuta mea,  
 Nostraq. quod Petale tulit ad monimenta corollas,  
 Codicis immundi uincula sentit anus.  
 Ceditur & Lalage tortis suspensa capillis,  
 Per nomen quoniam est ausa rogare meum.  
 Te patiente meæ conflauit imaginis aurum,  
 Ardenti nostro dotem habitura rogo.

Non

50 Non tamen inſeſtor, quamuis mereare, Properti.  
 Longa mea in libris regna fuere tuis.  
 Iuro ego fatorum nulli reuocabile carmen,  
 Tergeminuſq. canis ſic mihi molle ſonet,  
 Me ſeruafſe fidem. ſi fallo, uipera noſtris  
 Sibilet in tumultis, & ſuper oſſa cubet.  
 Nam gemina eſt ſedes turpem ſortita per amnem:  
 Turbaq. diuerſa remigat omnis aqua.  
 Vna Clytemneſtra ſtuprum uehit, altera Creſſæ  
 Portat mentitæ ligneæ monſtra bouis.  
 60 Ecce coronato pars altera uiſta phaſelo,  
 Mulcet ubi Elyſias aura beata roſas.  
 Quà numeroſa fides, quaq. errat turba Cybelles,  
 Mitratisq. ſonant lydia pleëtra choris,  
 Andromedeque, & Hypermeſtre ſine fraude maritæ  
 Narrant hiſtoriæ pectora nota ſuæ.  
 Hæc ſumma æternis queritur liuere catenis  
 Brachia, nec meritas frigida ſaxa manus.  
 Narrat Hypermeſtre magnum auſas eſſe ſorores  
 In ſcelus, hoc animum non ualuiffe ſuum.  
 70 Sic mortis lacrymis uitæ ſanamus amores,  
 Cælo ego perfidiæ crimina multa tuæ.  
 Sed tibi nunc mandata damus: ſi forte moueris,  
 Si te non totum Chloridos herba tenet,  
 Nutrix in tremulis nequid deſideret annis.  
 Parthenie patuit, nec tibi auara fuit.  
 Deliciæq. meæ Latris, cui nomen ab uſu eſt,  
 Ne ſpeculum dominæ porrigat illa nouæ.  
 Et quoſcunq. meo feciſti nomine uerſus,

*Vre mihi. laudes desine habere meas.*

*Pelle ederam tumulo, mihi quæ pugnante corymbo  
Mollia contortis alligat ossa comis.*

*Ramosis Anio quæ pomifer incubat aruis,  
Et nunquam Herculeo numine pallet ebur,  
Hoc carmen media dignum me scribe columna,  
Sed breue quod currens uektor ab urbe legat.  
Hic Tiburtina iacet aurea Cynthia terra.*

*Accessit ripæ laus Aniene tuæ.  
Nec tu sperne pijs uenientia somnia portis.  
Cum pia uenerunt somnia, pondus habent.  
Nocte uagæ ferimur. nox clausas liberat umbras,  
Errat & abiecta Cerberus ipse sera.  
Luce iubent leges Lethea ad stagna reuerti.*

*Nos uehimur, uectum nauta recenset onus.  
Nunc te possideant aliæ: mox sola tenebo:  
Mecum eris, & mistis ossibus ossa teram.  
Hæc postquam querula mecum sub uoce peregit,  
Inter complexus excidit umbra meos.*

### **S** DE CYNTHIA, ET DRACONE.

*DISCE quid Esquilias hac nocte fugarit aquosas,  
Cum uicina meis turba cucurrit agris.  
Lanuuium annosi uetus est tutela draconis,  
Hic ubi tam raræ non perit hora moræ,  
Quæ sacer abripitur cæco descensus hiatu,  
Quæ penetrat uirgo. tale iter omne caue:  
Ieiuni serpentis honos cum pabula poscit  
Annua, & ex ima sibila torquet humo.*

Talia

Talia demissæ pallent ad sacra puellæ,  
 Cum temere anguino creditur ore manus.  
 Ille sibi admotas a uirgine corripit escas.  
 Virginis in palmis ipsa canistra tremunt.  
 Si fuerint castæ; redeunt in colla parentum;  
 Clamantq. agricolæ, fertilis annus erit.  
 Huc mea detonsis aucta est Cynthia ab annis.  
 Caussa fuit Iuno, sed mage caussa Venus.  
 Appia dic quæso, quantum te teste triumphum  
 Egerit effusis per tua saxa rotis,  
 Turpis in arcana sonuit cum rixa taberna?  
 Si sine me, famæ non sine labe mea.  
 Spectaclum ipsa sedens primo temone pependit,  
 Ausa per impuros fræna mouere locos,  
 \* Siriga nam capto Volsi carpenta nepote,  
 Atque armillatos, colla Molossa, canes,  
 Qui dabit immundæ uenalia fata saginæ,  
 Vincet ubi erasas barba pudenda genas.  
 Cum fieret nostro toties iniuria lecto,  
 Mutato uolui castra mouere toro.

Deprehensum Propertium cum Phyllide, et Teia,  
 amicis, a Cynthia, uapulasseq. ab ea  
 omnes uehementer.

PHYLIS, Auentinæ, quædam est, uicina Dianæ,  
 Sobria grata parum; cum bibit, omne decet.  
 Altera Tarpeios est inter Teia lucos,  
 Candida, sed potæ non satis unus erit.  
 His ego constitui noctem lenire uocatis,

Et

Et Venere ignota furta nouare mea.

Vnus erat tribus in secreta lectulus herba.

Quæris concubitus? inter utranque fui.

Lygdamus ad cyathos. utrique æstina supellex.

Et Methymæi grata salua meri.

Nile tuus tibicen erat, coralistria Phyllis,

Et facilis spargi munda sine arte rosa.

Nanus & ipse suos breuiter concretus in artus

Iactabat truncas ad caua buxa manus.

Sed neque suppletis constabat flamma lucernis,

Decidit inq. suos mensa supina pedes.

Me quoque per talos Venerem quærente secundos,

Semper damnosi subfiluere canes.

Cantabant surdo, nudabant pectora cæco:

Lanuuij ad portas hei mihi solus eram:

Cum subito rauci sonuerunt cardine postes,

Et leuia ad primos murmura facta lares.

Nec mora, cum totas resupinat Cynthia ualuas

Non operosa comis, sed furibunda decens.

Pocula mi digitos inter cecidere remissos:

Palluerant ipso labra soluta mero.

Fulminat illa oculis, & quantum femina, sæuit:

Speſtacleum capta nec minus urbe fuit.

Phyllidos iratòs in uultum conijcit ungues:

Territa uicinas Teia clamat aquas.

Lumina sopitos turbant elata Quirites;

Omnis & insana semita nocte sonat.

Illas direptisq. comis, tunicisq. solutis

Excipit obscuræ prima taberna uia:



Cynthia in exuijs gaudet , uictrixq. recurrit ,  
 Et mea peruersa fauciat ora manu ,  
 Imponitq. notam collo , morsuq. cruentat ,  
 Præcipueq. oculos , qui meruere , ferit .

40 Atque ubi iam nostris lassauit brachia plagis ,  
 Lygdamus ad plutei fulcra sinistra latens  
 Exuitur , geniumq. meum prostratus adorat .

Lygdame nil potui , tecum ego captus eram .  
 Supplicibus palmis tum demum ad sædera ueni ,  
 Cum uix tangendos præbuit illa pedes ,  
 Atque ait : admissæ si uis me ignoscere culpæ ,  
 Accipe quæ nostræ formula legis erit .

Tu neque Pompeia spatiabere cultus in umbra ,  
 Nec cum lasciuum sternet arena forum .

50 Colla caue inflectas ad summum obliqua theatrum ,  
 Aut lætica tuæ sudet aperta moræ .

Lygdamus in primis , omnis mihi caussa querela ,  
 Veneat , & pedibus uincula bina trahat .

Indixit leges . respondi ego , legibus utar .  
 Riserat imperio facta superba dato .

Dein , quemcunque locum externæ tetigere puella ,  
 Sufficit , & pura limina tergit aqua :

Imperat & totas iterum mutare lacernas ,  
 Terq. meum tetigit sulfuris igne caput .

60 Atque ita mutato per singula pallia læto  
 Respondi ; & toto soluimus arma toro .

70 De Hercule , & morte Caci .

AMPHITRYONIADES qua tempestate iuuenços  
 Egerat

Egerat a stabulis o Erythræa tuis,  
 Venit ad iniectos pecorosa Palatia montes,  
 Et statuit fessos fessus & ipse boues,  
 Quæ Velabra suo stagnabant flumine, quæq.

Nauta per urbanas uelificabat aquas.  
 Sed non infido manserunt hospite Caco.

Incolumes: furto polluit ille locum.  
 Incola Cacus erat, metuendo raptor ab antro,

Per tria partitos qui dabat ora sonos.  
 Hic, ne certa forent manifestæ signa rapinæ,

Auersos cauda traxit in antra boues.  
 Nec sine teste deo, furem sonuere iuuenti,

Furis & implacidas diruit ira fores.  
 Manalio iacuit pulsus tria tempora ramo

Cacus, & Alcides sic ait, ite boues,  
 Herculis ite boues, nostræ labor ultime clauæ,

Bis mihi quæsitæ, bis mea præda boues,  
 Aruæq. mugitu sancite boaria longo.

Nobile erit Romæ pascua nostra forum.  
 Dixerat, & sicco torret sitis ora palato,

Terraq. non ullas facta ministrat aquas.  
 Sed procul inclusas audit videre puellas.

Lucus ab umbroso fecerat orbe nemus,  
 Femineæ loca clausa deæ, fontesq. piandos,

Impune & nullis sacra resecta uiris.  
 Deuia Puniceæ uelabant lumina uittæ.

Putris odorato luxerat igne casa:  
 Populus & longis ornabat frondibus ædem,

Multaq. cantantes umbra tegebat aues.

Huc ruit in siccam congesto puluere barbam,  
 Et iacit ante fores uerba minora deo.  
 Vos precor o lucis sacro quæ luditis antro,  
 Pandite defessis hospita tesqua uiris.  
 Fontis egens erro, circaq. sonantia lymphis;  
 Et caua suscepto flumine palma sat est.  
 Audistis ne aliquem, tergo qui sustulit orbem?  
 Ille ego sum: Alciden terra recepta uocat.  
 Quis facta Herculeæ non audit fortia clauæ?  
 Et nunquam ad natas irrita tela feras?  
 Atque uni Stygias hominum luxisse tenebras.  
 Accipite hæc: fesso uix mihi terra patet.  
 Quod si Iunoni sacrum faceritis amara,  
 Non clausisset aquas ipsa nouerca suas.  
 Sin aliquam uultusq. meus, setaq. leonis  
 Terrent, & Libycò sole perusta coma,  
 Idem ego Sidonia feci seruilia palla  
 Officia, & Lyda pensa diurna colo.  
 Mollis & hirsutum cepit mihi fascia pectus,  
 Et manibus duris apta puella fui.  
 Talibus Alcides, at talibus alma sacerdos  
 Puniceo canas stamine uincta comas.  
 Parce oculis hospes, lucoq. abscede uerendo:  
 Cede agedum, & tuta limina linque fuga.  
 Interdicta uiris metuenda lege piatur,  
 Quæ se summota uindicat ara casa.  
 Magnam Tiresias aspexit Pallada uates,  
 Fortia dum, posita Gorgone, membra lauat.  
 Di tibi dent alios fontes: hæc lymphæ puellis.

*Ania secreti limitis una fuit.*

*Sic anus . ille humeris postes concussit opacos :*

*Nec tulit iratam ianua clausa sitim.*

*At postquam exhansito iam flumine uicerat aestum ,*

*Ponit nix siccis tristitia iura labris .*

*Angulus hic mundi nunc me mea fata trahentem .*

*Accipit , hæc fesso nix mihi terra patet .*

*Maxima quæ gregibus deuota est ara repertis ,*

*Ara per has inquit , maxima facta manus ,*

*Hæc nullis unquam pateat ueneranda puellis ,*

*Herculis eximij ne sit inulta sitis .*

*Sancte pater salue , cui iam fauet aspera Iuno ,*

*Sancte uelis libro dexter inesse meo .*

*Nunc quoniam manibus purgatum sanxerat orbem ,*

*Sic sanctum Tatiae composuere Cures .*

*u Quare Iupiter , Feretrius dictus .*

*N V N C Iouis incipiam caussas aperire Feretri ,*

*Armaq. de ducibus trina recepta tribus .*

*Magnum iter ascendo , sed dat mihi gloria uires .*

*Non inuat ex facili lecta corona iugo .*

*Imbuis exemplum primæ tu Romule palmæ*

*Huius , & exuijs plenus ab hoste redis ,*

*Tempore quo portas Ceninum Acrona petentem*

*Victor in euersum cuspide fundis equum .*

*Acron Herculeus Cenina ductor ab arce*

*Roma tuis quondam finibus horror erat .*

*Hic spolia ex humeris ausus sperare Quirini ,*

*Ipsæ dedit , sed non sanguine sicca suo .*

Hunc uidet ante cauas uibrantem spicula turres,

Romulus, & uotis occupat ante ratis.

Iuppiter hac hodie tibi uictima corruet Acron,

Vouerāt, & spoliū corruit ille Ioui.

Vrbis uirtutisq. parens sic uincere suenit,

Qui tulit aprico frigida castra lare,

Idem eques, & frēnis, idem fuit aptus aratris.

Et galea hirsuta compta lupina iuba,

Picta nec inducto fulgebat parma pyropo.

Præbebant cæsi baltea lenta boues.

Cossus at insequitur Veientis cæde Tolumni,

Vincere cum Veios posse laboris erat.

Nec dum ultra Tiberim belli sonus, ultima præda

Nomentum, & captæ iugera pauca Coræ,

Et Veij ueteres & uos tum regna fuistis,

Et uestro posita est aurea sella foro,

Nunc intra muros pastoris buccina lenti

Cantat, & in uestris ossibus arua metunt.

Forte super portæ dux Veius astitit arcem.

Colloquiumq. sua fretus ab urbe dedit.

Dumq. aries murum cornu pulsabat aheno,

Vineaq. inductum longa tegebat opus,

Cossus ait, forti melius concurrere campo.

Nec mora fit, plano sistit uterque gradu.

Di Latias iuuere manus: defecta Tolumni

Cervix, Romanos sanguine lauit equos.

Claudius a Rheno traiectos arcuit hostes,

Belgica cum uasti parma relata ducis.

Virdomari genus hic Rheno iactabat ab ipso

Nobilis

Nobilis ereb'is fundere gesa rotis ,  
 Illi uirgatis iaculantis ab inguine brachis  
 Torquis ab incisa decedit unca gula .  
 Nunc spolia in templo tria condita . caussa feretri ,  
 Omne quid certo dux ferit ante ducem ,  
 Seu quia uicta suis humeris hæc arma ferebant ,  
 Hinc feretri dicta est ara superba Iouis .

12 CORNELIA PAULO .

DESINE Paule meū lacrymis urgere sepulcrum .  
 Panditur ad nullas ianua nigra preces .  
 Cum semel infernas intrarunt funera leges ,  
 Non exorato stant adamante uia .  
 Te licet orantem fusca deus audiat aulæ ,  
 Nempe tuas lacrymas littora surda bibent .  
 Vota mouent superos . ubi portitor æra recepit ,  
 Obsecrat umbrosos lurida porta rogos .  
 Sic mæstæ cecinere tubæ , cum subdita nostrum  
 Detraheret lecto fax inimica caput .  
 Quid mihi coniugium Pauli ? quid currus auorum  
 Profuit ? aut famæ pignora tanta mea ,  
 Num minus immites habuit Cornelia Parcas ?  
 En sum quod digitis quinque leuatur onus .  
 Damnatae noctes , & uos uada lenta paludes ,  
 Et quæcunque meos implicat unda pedes ,  
 Immatura licet , tamen huc non noxia ueni .  
 Det pater hic umbræ mollia iura mea ,  
 Aut si quis posita iudex sedet Aeacus urna ,  
 In mea sortita iudicet ossa pila .



*Affideant fratres iuxta Minoida sellam,*

*Eumenidum intento turba seuera foro.*

*Sisyphæ mole uaces, taceant Ixionis orbes,*

*Fallax Tantaleo corripere liquor,*

*Cerberus & nullas hodie petat improbus umbras,*

*Et iaceat tacita lapsa catena sera.*

*Ipsa loquor pro me. si fallo, pœna sororum.*

*Infelix humeros urgeat urna meos.*

*Si cui fama fuit per auita trophæa decori,*

*Vera Numantinos regna loquuntur auos.*

*Altera maternos exæquat turba Libones,*

*Et domus est titulis utraque fulta suis.*

*Mox ubi iam facibus cessit prætexta maritis,*

*Vinxit & acceptas altera uitta comas,*

*Iungor Paulle tuo sic discessura cubili.*

*In lapide hoc uni nupta fuisse legar.*

*Testor maiorum cineres tibi Roma colendos.*

*Sub quorum titulis Africa tonsa iaces,*

*Et Persen proau simulantem pectus Achillis,*

*Quiq. tuas proauus fregit Achille domos,*

*Me neque censura legem moluisse, nec ulla*

*Labe mea nostros erubuisse focos.*

*Non fuit exuijs tantis Cornelia damnum.*

*Quin & erat magnæ pars imitanda domus,*

*Nec mea mutata est ætas, sine crimine tota est.*

*Viximus insignes inter utranque facem.*

*Mi natura dedit leges a sanguine ductas,*

*Ne possim melior iudicis esse metu.*

*Quilibet austeras de me ferat urna tabellas,*

*Turpior*

Turpior assensu non erit ulla meo .  
 Vel tu , quæ tardam monisti fune Cybellem ,  
 Claudia turritæ rara ministra deæ ,  
 Vel cui commissos cum Vesta reposceret ignes ,  
 Exhibuit uinos carbasis alba focos .  
 Nec te dulce caput mater Scribonia lasi ,  
 In me mutatum , quid nisi fata uelis ?  
 Maternis laudor lacrymis , urbisq. querelis ,  
 Defleta & gemitu Cæsaris ossa mea .  
 Ille sua nata dignam uixisse sororem  
 Increpat , & lacrymas uidimus ire deo .  
 Et tamen emerui generosos uestis honores ,  
 Nec mea de sterili facta rapina domo ,  
 Te lepide , & te Paulle meum post fata leuamen .  
 Conditæ sunt uestro numina nostra sinu .  
 Vidimus & fratrem sellam geminasse curulem ,  
 Consule quo facto tempore raptæ soror .  
 Filia tu speciem censuræ natæ paternæ  
 Fac teneas unum nos imitata uirum .  
 Et serie fulcite genus . mihi cymba uolenti  
 Soluitur aucturis tot mea fata malis .  
 Hæc est feminei merces extrema triumphæ ,  
 Laudat ubi emeritum libera fama rogam .  
 Nunc sibi commendo communia pignora natos ,  
 Hæc cura & cineri spirat inusta meo .  
 Fungere maternis uicibus pater , illa meorum  
 Omnis erat collo turba ferenda tuo .  
 Oscula cum dederis tua flentibus , adijce matris .  
 Tua domus cæpit nunc onus esse tuum .

80 Et si quid doliturus eris, sine testibus illis,  
 Cum uenient, siccis oscula falle genis.  
 Sat tibi sunt noctes, quas de me Paule fatiges,  
 Somniaq. in faciem credita sæpe meam.  
 Atque ubi secreto nostra ad simulacra loqueris.  
 Vt responsuræ singula uerba iace.  
 Sed tamen aduersum mutarit ianua lectum,  
 Sederit & nostro cauta nouerca toro.  
 Coniugium pueri laudate, & ferte paternum.  
 Capta dabit uestris moribus illa manus.  
 90 Nec matrem laudate nimis. collata priori  
 Vertet in offensas libera uerba suas.  
 Seu memor ille mea contentus manserit umbra,  
 Et tanti cineres duxerit esse meos,  
 Discite naturam iam nunc sentire senectam,  
 Cælibis ad curas nec uacet ulla iuia.  
 Quod mihi detractum est, uestros accedat ad annos.  
 Prole mea Paulum sic iuuat esse senem.  
 Et bene habet, nunquam mater lugubria sumpsi.  
 Venit in exequias tota caterua meas.  
 100 Causa perorata est. flentes me surgite testes,  
 Dum pretium uitæ grata rependit humus.  
 Moribus & cælum patuit, sim digna merendo,  
 Cuius honoratis ossa uehantur aquis.

M. ANTONII MURETI  
IN PROPERTIUM  
SCHOLIA.

MILANION.]

*Admirabilis est hominum in fouendis erroribus pertinacia.*

**M** sed præclare ageretur cum rebus humanis, si adhæc modo nostra leuiora studia id pertineret, neque in rebus maximi momenti magno omnium malo quotidie cereretur. Hoc mihi nunc ex eo uenit in mentem, quod sæpe animaduerti euenire, ut optimos quosque scriptores maculæ quædam errorum occupent, in eisq. insideant, quæ cum postea inueterarunt, quasi dedita opera retinentur a librarijs: nix ut ulla sit cuiusquam eruditi hominis auctoritas tanta, quæ illos ad eas purgandas, & eluendas possit adducere. Eius rei exempla utinam ne tam multa suppetrent: sed nos id, quod se nunc offert, indicasse contenti, plura persequi abstinēbimus. Mimalionem hoc loco imperitus aliquis pro Milanione, & paulo infra Psileum pro Hylæo scripserat. Quis tum eruditorum non admonuit, quomodo utrunque nomen scribi oporteret? aut quis hodie est omnium, tinctus modo atque imbutus litteris, cui uel obscurum id, uel ambiguum sit? Cedo tamen librū Propertij unum, in quo non deprauata illa scriptura permanserit. Nihil negocij fuerit, eiusdem generis alia enumerare perplurima, ita manifesta, ita perspicua,

spitua, ita testata, ut, quod in eis assidue librarij  
peccant, non negligentia, non inscitia labi, sed pru-  
dentes, scientes, ea, quæ vitiosa esse constat, ample  
xari atque approbare uideantur. Sed quod attinet  
ad fabulam, quæ his uersibus a Propertio tangitur,  
sciendum est, in ea tradenda, non satis concordare  
ac concinere inter se aut poetas, aut poetarum in-  
terpretes. quod enim alias sæpe, idem hic quoque  
contigit; ut, cum duæ potissimum ab ipsis celebren-  
tur *Atalanta*, earum historiæ commisceantur inter  
se; utque, quod de una earum ab alijs dicitur, id  
ipsum de altera alij dicant. Congeram huc locos ali-  
quot, in quibus earum mentio est, eosq. inter se con-  
tendam ac comparabo: ut id, quod dico, magis in-  
telligatur. Duæ igitur, ut ante dixi, *Atalanta* apud  
poetas reperiuntur; *Arcadica* una: *Argiua*, seu,  
ut alij aiunt, *Bæotica* altera. illam *Iasij*, aut *Iaso-  
nis* aut *Iasionis*, hanc *Schænei* filiam fuisse ferunt.  
nam *Beroaldus* quidem & *Volsus* ineptiunt, qui  
eandem *Schænei* filiam, *Iasij* neptem fuisse commi-  
niscuntur. Illam *Milanioni*, hanc *Hippomeni* nu-  
psisse accepimus. Hæc, antequam longius progre-  
diar, confirmanda sunt. Scholiastes *Apollonij*.  
Αταλάντη Ιάσονος θυγάτηρ, ἣν ἐγήμε Μελανίων. ἐτέ-  
ρα γὰρ ἐστὶν ἡ Ἀργεῖα ἢ Σχρινεῖος ἣν ἐγήμεν Ἰππομένεων.  
Sed hic aut legendum est *Ἰππομένους*, aut dicendum,  
eundem ab alijs *Hippomenem*, ab alijs *Hippome-  
dontem* uocari *Arcadicam* *Milanioni* nupsisse, te-  
statur etiā hoc loco *Propertius*, & *Ovidius* lib. 11.

& lib. III. de arte amandi. Schœneida cessisse Hippomeni, qui eam cursu, ope Veneris, deuicerat, uenustissime narrat Venus ipsa apud Ouidium lib. x. Metamor. narrat & breuiter Theocritus in comæste, & fusissime is qui scholia in eum scripsit. atque hanc intellexit Catullus illis uersibus: *Tam gratum mihi, quàm ferunt puellæ Pernici aureolum fuisse malum, Quod zonam soluit diu ligatam.* et auctor lasciui carminis: *Qualibus Hippomenes rapuit Schœneida pomis.* Arcadicæ patrem Iasiona nominat. Aelianus libro XIII. de uaria historia. idoneos testes laudasse uideor eorum, quæ hætenus dixi. quadrant autem non male ad hunc usque locum omnia. in ijs quæ sequuntur, mira uarietas. Versus est Virg. e VI. Aen. Parthenopæus, et Adraſti pallentis imago. quem exponens Seruius, Parthenopæus, inquit, Menalippæ & Martis, siue Milanionis filius, qui Thebana bella puer admodum petijt. Ergo de huius grammatici sententia, Parthenopæi pater quidem est Milanion: mater autem non Atalanta, sed Menalippa. At Statius lib. IIII. Thebaidos aperte huius ipsius Parthenopæi matrem Atalantam facit Iasij filiam: patrem autem Laſtantiuſ interpres, non Milanionem, ut Seruius, sed Meleagrum uocat. nisi forte dicamus, eandem Menalippam & Atalantam eundem Meleagrum & Milanionem uocari, sic enim est idem Paris & Alexander ea-

dem



dem Cassandra & Alexandra. At Diodorus Parthenopæi matrem Atalantam esse ait Schœnei filiâ. Hyginus autem cum Lactantio faciens eum genitum esse dicit matrem Atalanta Iasij filia, patre Meleagro. Arcadicam Staius uenatricem, ac Diana comitem fuisse dicit. idemq. confirmat Aelianus: & scholiastes Theocriti ait eam mittendis arcu sagittis præstitisse: cum illam alteram sola pedum pernitas nobilitauerit. At Oppianus Atalantam Schœnei filiam uenatricem, & iaculatricem eximiam fuisse ostendit libro II κωνηγετικῶν, his uersibus:

Σχοινῆος πρώτῃ δὲ κλυτὴ θυγάτηρ Ἀταλάντῃ  
Θήρσι νόον περόεντα τυμβόλος ἄρα το κούρη.

Hippomenem in leonem, Atalantam Schœnei filiâ in leonem mutatam esse, canit Ouidius. At Hyginus, parum ipse sibi constans, Atalantæ Schœnei filiæ, et Meleagro: Palephatus Atalanta & Milanioni id contigisse narrat. sed sæpe alias monui, non esse quærendam in mendacijs ueritatem. Sic cū Scyllas duas fuisse proditum sit, alteram Nisi, alteram Phorci filiam, quorum illam in auem, hanc in monstrum marinum conuersam esse fabulantur: non defuerunt tamen poeta, qui, quod de Phorci filia traditur, id ad Nisi filiam referrent: ut aperte colligitur e scholiaste Euripidis in Hippolytum, sed multo apertius e Virgilio in Ciri: cuius hæc sunt: Impia prodigijs ut quondam exterruit amplis Scylla, nouosq. auium sublimis in aere cætus Viderit, & tenui conscendens fidere penna,

Caruleis

*Ceruleis sua tecta superuolitauerit lis :*  
*Hanc pro purpureo panam scelerata capillo ,*  
*Proq. patris soluens excisa funditus urbe .*  
*Complures illam , & magni Messalla poeta*  
*( Nam uerum fateamur . amat Polyhymnia uerū )*  
*Longe alia perhibent mutatam membra figura :*  
*Scyllæum monstra in saxum conuersa uocari .*  
*Illam esse , ærumnis quam sæpe legamus Vlyssi ,*  
*Candida succinctam latrantibus inguina monstis ,*  
*Dulichias uexasse rates , & gurgite in alto*  
*Deprensos nautas canibus lacerasse marinis .*  
*atque hanc sententiam idem poeta secutus est in e-*  
*clogis : quo in loco frustra se quidam eruditi homi-*  
*nes torquent . Ille etiam Hylæi . ] idem etiam*  
*innuit Ouidius hoc uersu :*  
*Sensit & Hylei contentum saucius arcum .*  
*apud Aelianum nihil tale reperio : Hylæum quidē*  
*ipsum & Rhæcum sagittis ab Atalanta confixos*  
*lego . Velocem . ] indocte Volsus eandem pu-*  
*tat esse hanc , & illam Catulli perniciem puellam .*  
*nam Catullus , ut dictum est , de Schæneide loquitur :*  
*at hic de Arcadica sermo est , quam ipsam quoque*  
*agilem fuisse , testatur Aelianus , cui uerba quoniā*  
*in impressis libris deprauata sunt , quomodo corri-*  
*gēda suspicer , admonebo . ita igitur uulgo leguntur :*  
*ἑπεφύκει δὲ ὠκίστη τὴς πόδας , καὶ ἔκ ἂν αὐτὴν διέφυ-*  
*γεν ἔτε θηρίον , ἔτε ἐπιβελῶν αὐτῇ ἄνθρωπος , φυγεῖν*  
*ἐθέλουσιν , ἀλλ' ἐν ταῦτα μὲν ἐκ ἂν τις αὐτὴν κατέλα-*  
*βεν . ego autem lego : ἑπεφύκει δὲ ὠκίστη τὴς πόδας ,*  
καὶ

καὶ ἐκ αὐτὴν διέφυγεν ὅτε θηρίον, ἔτε ἐπιβελών  
αὐτῇ ἄνθρωπος. φυγεῖν δὲ ἐθέλυσαν, ἐκ αὐτὴν  
κατέλαβε. nihil autem obstat, quominus de eodem  
oleo & opera aliquot ex eadem narratione locos,  
qui corrupti videntur, quomodo emendandos pu-  
tem, admoneam: ut meo labore, quantum quidem  
in me est, aliorum minuatur labor. ubi ergo legitur.  
ἀλλ' ἢν φύκας ἔργον ἢ χροιά, legendū arbitror, ἀλλ' ἢν  
φύτεις ἔργον ἢ χροιά. nativā enim, non fūco quæsi-  
tam, pulchritudinem Atalantæ tribuit. & paulo  
post: τί δὲ ὅτως ὡραῖον γένοιτο ἄνθος; ὥσπερ ἔν καλόν,  
ἢ τὸ πρόσωπον αἰδεῖσθαι πεπαιδευμένης παρθένου; lego:  
τί δὲ ὅτως ὡραῖον γένοιτο ἄνθος, ὅπερ ἔκ κάλλιον ἢ τὸ  
πρόσωπον αἰδεῖσθαι πεπαιδευμένης παρθένου; & ad  
finem, ubi legitur, σὺν ὕβρει καὶ ἀντρέφ', legendum  
crediderim, σὺν ὕβρει καὶ ἀνατροπῇ. Non ullas.]  
ita emendavi e ueteribus libris: cum antea inepte le-  
geretur, non nullas. Fallacia.] τέχνη. Et fa-  
cite illa meo.] & facite, ut ipsa nie uehemen-  
tius amet, quā ego ipsam. Citeinis.] legen-  
dum, Cytæinis. Scholiastes Apolloni, Κύταια, πό-  
λις Κολχίδος. Stephanus: Κύτα, πόλις Κολχικῇ, πα-  
τρὶς Μηδείας.

## IN ELEGIAM II.

Et sciat indociles.] noue dixit, indociles  
uias; ἀδιδάκτος. indocilem enim usitatus dicimus  
eum, qui doceri non potest: quā rem ipsam, quæ  
doctrina non cōparatur. sed Achilles Statius Lusit-  
tanus

tanus mihi confirmauit, se ueterem librum habere,  
in quo scriptum sit, *Vt ueniant edera: et paulo post,*  
*Surgat ut in solis: et in hoc uersu, ut sciat indociles.*  
*quam scripturam reiiciendam non puto. Non sic*  
*Leucippis.] fabula est apud Theocritum in Dio-*  
*scuris, apud Ouidium quinto fastorum, apud Hy-*  
*ginum: sed nemo est eorum, qui non ab alijs aliqua*  
*in parte dissentiat. Non Idæ.] de Marpissa Eue-*  
*ni filia ausus est olim Idas cum Apolline certamen*  
*suscipere. Homerus Iliados 1. Ne sim tibi uilior*  
*istis.] ne minoris apud te sim, ob ista, quæ modo*  
*dixi. Vni si qua placet.] satis est culta, quæ uni*  
*placet. nam, pluribus ornare se, prostitutarum est.*

## IN ELEGIAM III.

*Sic ait.] liber uetus: Hic ait. ut sit, hic,*  
*pro, tunc. Interdum grauitur.] libri calamo*  
*exarati, Interdum leuiter.*

## IN ELEGIAM VI.

*At tu seu mollis.] locum hunc a Beroaldo*  
*non intellectum, declarauit Cælius Rhodiginus li-*  
*bro quarto lectionum antiquarum.*

## IN ELEGIAM VII.

*Dv m tibi Cadmeæ.] prope simile princi-*  
*pium est elegiæ Ouidij ad Macrum.*

*Carmen ad iratum dum tu perducis Achillem.*

*Euiolasse.] Beroaldus testatur, in antiquis libris*

*L partim,*

partim, euoluisse, partim, te uiolasse; legi. quarum scripturam ego quidem utramlibet huic uulgatæ facile anteposuerim. Sed quod Volsceus admonet deos hic intelligi, non Venerem, & Cupidinem, sed potestas ipsos: id, mea quidem sententia, tale est, ut, si fatuis & insulsis declarationibus præmium aliquod positum esset, id Volsceus, hac una fretus, sine controuersia, suo iure, dijs hominibusq. plaudentibus, ablaturus fuisse uideatur.

## IN ELEGIAM VIII.

TYNE igitur.] Cynthiam, cum quodam, qui ex prætura in Illyriam proficiscebatur, ire meditantem, debortatur, ne id faciat. mox, se ei, quod uoluerat, persuasisse, letatur. sed hunc prætorem ex Illyria reuersum postea coluit Cynthia. uide elegiam quandam e libro secundo, cuius principium est, Prætor ab Illyricis. Virgiliis.] quarum exortu aperiuntur maria. Ne ue inimica meas.] ne ue cogar pro te nauigante uota facere, quæ tamen aduersos et reflantes uentos nihil moueant, Vacua patiaris arena.] alij libri, ijsq. ueteres: Vacua patietur in ora. ut uerbum, patietur, referamus ad undam ipsam. quod mihi quidem paullo magis arridet. nam illud alterum non satis intelligendo consequi possum. Oricos.] portus Epiri. Hecateus apud Stephanum: Μετὰ δὲ Βεθρωτὸς πόλις, μετὰ δὲ Ορίκος λίμνη. Et dicam, Autaricis.] Autarici, & Hyllæi, populi Illyriæ.

## IN ELEGIAM X.

**O IOCUNDA** quies.] Gallus cum puella, cuius recenti amore inarserat, nocte quadam collusurus, arbitrum delicijs suis, primisq. cum ea uelitationibus adhibuerat Propertium. quo e spectaculo tantam se uoluptatem hausisse dicit: uix ut, quamuis multa iam nocte, abstrahi posset: utq. nunc quoque in illius noctis memoria iocundissime acquiescat. ergo, ut præmium amico aliquod persoluat, defert ei operam suam ad multa amantibus utilia, quorum se peritum esse profitetur. ad extremum etiam ei aliquot conseruandi amoris præcepta tradit. Vestris conscius in lacrymis.] non desunt, qui legendum putent:

*Affueram uestris conscius inlecebris.  
lacrymarum tamen, eadem in re narranda, infra quoque mentio est:*

*Vidi ego te toto uinctum languescere collo,*

*Et flere iniectis Galle diu manibus.*

**Cum te complexa.**] ita uidetur dixisse, complexa puella: ut,

*Experta metuens iurgia sænitia.*

*Vtrunque autem etiam Ciceronis exemplo confirmari potest, in oratione pro Sex. Roscio. Scelestum dii immortales ac nefarium facinus, atque eiusmodi, quo uno maleficia ac scelera omnia complexa esse uideantur. Idem pro Balbo: Cuius igitur audita uirtus dubitationi locum non daret, huius præsens,*

L 2 *experta,*



*experta, atque perspecta, obtrectatorum uoce la-*  
*detur? Atq; in his loquendi generibus religiosi sunt*  
*quidam nostri temporis homines: ita ut interdum e-*  
*tiam ueterum scripta corrumpere audeant: sicubi il-*  
*li contra eam, quæ nunc est, consuetudinem aliquid*  
*dixisse uideantur. quale est, quod designarunt in*  
*ipso principio elegantissimi libelli, quem scripsit Q.*  
*Cicero de petitione consulatus. id enim cum ita lege-*  
*retur in omnibus ad unum antiquis libris: Etsi tibi*  
*omnia suppetunt, quæ consequi ingenio, aut usu*  
*aut diligentia possunt: inculcata est ab istis uox, ho-*  
*mines: ne illud consequi, παρρησιας, ut erat, posi-*  
*tum uideretur. Atqui si librorum consensio, quam*  
*nemo unquam sapiens contemnendam putauit, nihil*  
*istos mouebat: recordari certe uos par fuit, asse-*  
*quendi uerbum eodem illo modo usurpatum esse a*  
*M. Tullio: cuius hæc sunt e secundo libro accusatio-*  
*nis: Ac ne forte ea, quæ remota de medio, atque*  
*erepta uobis sunt, omnia ita condita fuisse, atque i-*  
*ta abdita latuisse uideantur, ut hac diligentia quam*  
*ego a me expectari maxime puto, nihil horum in-*  
*uestigari, nihil assequi potuerit. &c. Quamuis*  
*labentes.] duæ causæ erant, cur discederē; quòd*  
*et dormire cupiebam, et media iam nox erat. utran-*  
*que facile superabat ea, qua, spectandis lusibus ue-*  
*stris, perfundebar, uoluptas. Et mediis cælo.]*  
*ad medium cæli prouectis. Luna rüberet.] est ne*  
*ita dictū, rüberet, ut, - Vento rubet aurea Phæbe?*  
*equidem nihil tale intelligendum putarim sed ne*  
*Volsc*

*Volsco quidem accesserim, qui rubescere ait Lunam, cum appropinquat dies: mihi sane palleescere potius uidetur. opinor igitur, iccirco hoc uerbo usum poetam, quod multi e ueteribus ignea esse credebant corpora caelestia: eamq. opinionem poeta fere insequuntur. rubere autem est ignitorum color. Equis.] alij a mulis, alij a iuencis eius bigas trahi aiunt. Quando contemnitur.] fuit tempus, cum uix putabam, uocem, quando, hoc sensu a ueteribus acceptam legi. legitur tamen, sed non saepe. Plant.*

*Hæc urbs Epidamnus est, dum hæc agitur fabula. Quando alia agetur, aliud fiet oppidum. Idem: Iuuentus nomen fecit Peniculo mihi: Ideo quia mensam, quando edo, detergeo.*

## IN ELEGIAM XI.

*ECQUID.] profecta ad aquas Cynthia, atque illic desidente, metuit, ne ipse ex animo illius excidat, ne uel se alius quispiam in eius amorem in sinuet.quare eam, ut illa loca relinquat, hortatur. ordo autem uerborum, quod est paullo perturbatior, fefellit interpretes. eum igitur indicabo. Ecquid cura subit te o Cynthia, cessantem medijs Baijs abducere, id est, abducendi, exigendi, noctes memores nostri? Et modo.] exponit, quod antea dixerat, cessantem. ita, inquit, ociosam et uacuam, ut totos dies mireris modo ac contempleris uicinum mare, aliud præterea nihil negocij habeas. sed*

quod illa maria Epiro, id enim Thesproti regnum  
est, Subdita esse dicit: equidem, id quo modo acci-  
piendum sit, non assequor. nam neque ea, quæ a  
Beroaldo & Volsco dicta sunt, placent: neque mi-  
hi quicquam, quod plane approbem, uenit in mē-  
tem. Abducere.] ita est in meo uetere libro, nō  
ut in alijs, adducere. E nostris carminibus.]  
a lectione meorum carminum, quæ tuam mei me-  
moriam confirmarent. erat autem erudita hæc puel-  
la, ut multis e locis intelligimus, mirificeq. uersi-  
bus Propertij capiebatur. unde est illud:

Nam mea cum recitat, dicit, se odisse beatos.

Carmina tam sancte nulla puella colit;

Atque utinam.] utinam potius aut nauigan-  
do, aut natitando otium fallas, quàm aures alienis  
blanditijs præbeas. Mage.] potius. Aut te-  
neat.] aut lympa facilis cedere alternæ natitan-  
tis manui, teneat te in unda tenui clausam. Nati-  
tantis.] alij, Teutantis: & meras ineptias affe-  
runt. meus uetus liber habet, natantis: unde conie-  
cturam feci, legendum esse, natitantis. Manu.]  
antique: pro, manui. sic alibi:

Nec mirum: cum sit Ioue digna, & proxima Leda,  
Et Leda partu. rursusq. alibi:

Tantaleæ poterit tradere poma manu.

Attulerint nostri.] interpunctum unum perpe-  
ram collocatum, et una littera mutata, sententiã  
huius uersus corruperant: qui a nobis ex antiquis li-  
bris integritati restitutus est. An mihi sit ma-  
ior.]

ior.] in alijs libris, An mihi non maior : quo nihil ineptius.

## IN ELEGIAM XII.

QVID mihi.] Accusabatur desidiæ ab aliquo amicorum, qui etiam desidiæ illius causam cōferebat in amorem Cynthiæ: eo enim Propertium frangi, ac dissolutum effici, et ab agendis rebus abduci. Respondet ipse, multum abesse, ut ita sit: Cynthiam enim non tantum corpore distraetam a se, verum animo quoque abalienatam esse. tum queritur, quod neque eam præsentem alloqui, neque ad ullam aliam amandam applicare animum possit. Quod faciat.] hic uersus uarie legitur in uetustis libris. sunt, in quibus hoc modo:

Quòd faciat nobis conscia Roma moram. in alijs

Quòd faciat nobis Cynthia Roma moram.

ego autem suspicabar ita legendum:

Quòd faciat nobis Cynthia amore moram?

hanc autem e uocum similitudine elegantiam confectus est etiam in elegia quæ proxime sequitur:

Certus & in nullo quæris amore moram.

Quantum Hypanis.] ex opinione sua, & amatorie loquitur. Hypanis.] duo sunt hoc nomine fluij; unus in India, ad cuius ripam sunt formicæ, quæ effodiunt aurum; alter in Scythia. Eridano.] non eruditis modo, quibus hæc omnia notissima sunt, sed neminem esse credo tam in litteris hospitē, cui notum non sit Eridanum a Græcis dici, quem

IN PROPERTIVM

Latini Padum uocent. de hoc tamen flumio, qui sit, ubi, sit, aut omnino sit, nec ne sit, mirum quantum inter se antiqui scriptores discrepent: alijs eum cum Pado eundem esse, alijs eundem cum Rhodano, alijs in Padum, alijs in Rhodanum influere, alijs in Venetia, alijs in Scythia fluere, alijs etiam, quorum sunt Herodotus, & Strabo, nusquam omnino esse dicentibus. Pausanias Eridanos agnoscit duos, in Gallia unum, alterum in Attica. Lecta Prometheis.] Promethea iuga Caucasum dicit. creditus est autem is quoque mons herbarum ad incantiones potentium ferax. Seneca in Medea:

Congerit in unum frugis infausæ mala,  
Quæcunque generat inuius saxis Erix,  
Quæ fert opertis hieme perpetua iugis  
Sparsus cruore Caucasus Promethei.  
Cælius autem Rhodiginus dum in hoc loco explicando noua quadam afferre uult, attulit non noua tantum, uerum etiam aliena, & absurda.

IN ELEGIAM XIII.

Tu quod sæpe soles.] lataberis, inquit, & quodam modo insultabis mihi, quod, distractus a Cynthia, amores amplius non exerceam. Certus & in nullo.] bis repetenda negatio: nullo amore certus, in nullo amore quæris moram. Et primo lapsus.] lapsus ab illo constantiæ gradu, quem prius obtinebas. Adire.] quidam alij,

alij, amore. ego, amare. Vidi ego.] supra.  
 O iucunda quies. Non sic Aemonio.] fabula  
 est apud Homerum libro xi. Odysseæ, & apud Lu-  
 cianum in dialogis marinis. ac suspicari fortasse con-  
 fidentior aliquis possit, Propertium hoc loco aut  
 memoria lapsum, aut nominum similitudine dece-  
 ptum esse. is enim Enipeus, cuius amore flagrauit  
 Tyro, non in Thessalia est, sed in Peloponneso. in  
 Thessalia autem non Enipeus, sed Eniseus fuit, ab  
 hoc alius: ut cognoscitur ex octavo Strabonis libro  
 ac, ne quis forte, Beroaldum secutus, putet utrun-  
 que Enipeum dici; & Propertium, more poetis  
 non inusitato, uni eorum tribuisse, quod esset alte-  
 rius; apud Strabonem autem Eniseum pro Enipeo  
 uitiōse legi: sciat hoc ipsum discrimen Enipei & Eni-  
 sei ē Strabone annotatum esse ab Eustathio. Nec  
 sic cælestem.] Hercules in cælum receptus,  
 Heben duxit uxorem. itaque apud inferos, non Her-  
 culem ipsum, sed eius tantum simulacrum Home-  
 ricus Ulysses sibi uisum esse ait.  
 Τὸν δὲ μέτ' εἰσεινόσα βίην Ἡρακλεΐην,  
 Εἶδ' αὖλον. αὐτὸς δὲ μέτ' Ἀθανάτοισι θεοῖσι  
 Τέρπεται ἐν δαλῆς, καὶ ἔχει καλλίσφυρον Ἥβην,  
 Παῖδα Διὸς μεγάλῳ, καὶ Ἥρῃς χρυσοπέδιλκ.  
 Flagrans amor.] ac serio quidem flagrans.  
 neque ullus unquam amator uerius ardere dictus  
 est. Et Leda partu.] pro, partui, antique.  
 Grator una tribus.] Leda ipsa, & Helena,  
 & Clytemnestra: ut præclare exposuit Beroaldus.



**S**AEP E ego multa.] queritur de perfidia  
 Cynthia: quod, cum ipse in magnum discrimen ad-  
 ductus sit, illa nihil omnino de eo labore, neque  
 quicquam remittat de pristino colendæ formæ stu-  
 dio. se tamen unquam illius amorem ex animo depo-  
 siturum negat. Quod autem fuerit periculum, in  
 quo tum constitutus erat poeta, diuinare fas non  
 est. nisi illud quidem constat, urbem eum reliquisse,  
 & mare conscendisse. At non sic Ithaci.] Ho-  
 merus Odyss. 6. Alphefibæa.] ita uocabant om-  
 nes elegantioris formæ puellas: quasi, quæ reperi-  
 rent procos, qui ipsis boues darent dotis nomine. eo  
 enim pecore solitos uti antiquissimos in æstimandis  
 rebus, nondum introducto usu nummorum, indicat  
 uel illud *τεθρυλλημένον*, - *ἐκατόμιστα ἐννεαβοίων*. at  
 hic nomen proprium est. historiam autem, quam hic  
 tangit Propertius, diffuse exponit Pausanias in Ar-  
 cadicis: nisi quod apud eum fratrum ab Alphefi-  
 bæa intersectorum nulla mentio. Hypsipyle.]  
 Ouidius in epistolis, Papinius libro v. i. interpres  
 Pindari in Nemea. Hospitio.] ut seruitium  
 pro seruo dicimus, sic hospitium hic pro hospiter ac-  
 cipimus. Euadne.] hæc initio Ianira dicebatur.  
 sed ut Alphefibæas nocatas diximus, quæ, propter  
 pulchritudinem, reperirent magnam dotem: (uxo-  
 res enim a uiris, non, ut nunc, uiros ab uxoribus,  
 dotem accipere mos erat) ita hæc Euadne dicta est,  
 quod

quodd bene dotata esset a Capaneo coniuge. *Idæ* enim uocabant nuptialia munera. Hanc Iphidis filiam fuisse, ait interpret Pindari: & ob id Iphias ab Ouidio uocatur. Hyginus tamen Philaci filiam facit. Multa prius.] nihil temere affirmauerim: sed, si quis meam coniecturam antiquus liber adiuuet, libenter pro, multa, legerim, muta. ut significet, prius fore ut flumina tacita, & sine ullo strepitu labantur in mare, quam ipse Cynthiam amare desinat. Labentur.] ueteres libri, labantur. & melius conuenit cum eo, quod sequitur, duxerit.

## IN ELEGIAM XV.

**A**t merito.] libri ueteres, Et merito. Ah pereat.] Quo modo, pereat, si iam pridem perijt? sed uidelicet tale est, quale illud, Illi sub terris fiant mala multa puella: &c.

## IN ELEGIAM XVII.

**H**oc pro continuo.] Gallum, qui Hylam puerum habebat in delicijs, exemplo Herculis monet, ne eum in comitatum uagari sinat. Crudelis Minyis.] magnum hic uersus mihi negotium exhibuit: neque sane adhuc in eius sententia eruenda mihi ipse satisfacere potui. Ascanium lacum in Bithynia esse, haud procul ab eo loco, ubi raptus esse Hylas dicitur, e Strabonis lib. XII notum est. sed quaeso, quid tum postea? cur is lacus Minyarum dux fuisse, aut, quod etiam absurdius est, fore dicatur?

Beroaldus

Beroaldus pro, dux erit, uidetur legisse, dixerit: ita tamen ut utranque scripturam agnoscat. sed illud, dixerit, ita interpretatur, *Ascanium lacum*, post amissionem *Hyle* dixisse hoc *Minyis*, fortunam crudelem saepe imprudenti amanti occurrere. quæ expositio mihi quidem insigniter frigida uidetur. Equidem, quæ mihi pridem coniectura in mentem uenerat, eam ne nunc quidem, cur reuocare debeam, uideo. suspicabar autem, pro, *Ascanius*, legendum, *Aesonius*. crudelem autem uocari *Iasonem*, pro eo quod *Herculem*, amissione pueri exanimatum, & eius reperiendi desiderio huc illuc uagantem, nihil miseratus, reliquerit, & inceptum iter, deserto eo, sit persecutus. sed tamen ne sic quidem satis cohereret sententia. denique habeo librum ab eruditissimo homine *Francisco Porto* cum multis ueteribus diligentissime collatum: in quo notatum est, ipsius manu, esse antiqua quædam exemplaria, in quibus hoc loco lacuna est, cum his litteris. *Fragm.* quod si est, *χερσώνεον* plane ulcus hoc fuerit. *Thiodamanteo*.] *Callimachum* & *Apollonium* sequitur, qui *Hylam* *Thiodamantis* filium faciunt. alij enim aliter. est autem operæ pretiū cognoscere, puer hic qui, tantopere heroi fortissimo carus et acceptus, fuit, quo modo in ipsius manus peruenisse dicatur. ea de re ita memoriæ proditum est. *Hercules* cum *Deianiram* *Oenei* filiâ duxisset uxorem, *Calydone* degabat. quodam die accidit, ut *Cyathus* puer, *Architelis* filius, qui *Oeneo* pocula ministrabat, *Herculi*,  
manus

manus abluturo, aquam eam, quæ abluendis pedibus comparata erat insciens infunderet. indignatus Hercules pugno eum interfecit. quam ob eadem profugus, cum una tum uxore se in uiam dedisset, ad Euenum fluiuium Nesso centauro mortem attulit: ut & Archilochus narrat. deinde progrediens, in Dryopiam uenit. est autem ea gens rapinis ac latrocinij's dedita, contermina Mileensibus, ut est apud Pherecyden in tertio. ibi cum Hylus filioli, quem secum ferebat, esuriet, Lycas autem paedagogus procul relictus esset, a Thiodamante, in quem inciderat, Hercules pauxillulum cibi potere occæpit. negat ille. commotus Hercules, abreptum interfecit eumq. unum e bobus ipsius cum sacrificasset, epulabatur. Currit propere in Dryopum urbem Thiodamas, euocatosq. eos aduersus Herculem educit. tum in eam necessitatem Hercules adductus est, ut uxorem quoque armauerit. quam etiam in pugna uulnus accepisse propter mammam ferunt. Sed tandem superior effectus Hercules, Thiodamante interfecto, filium eius Hylan abduxit, eumq. in delicijs habuit. Ascanio.] hic quoque libentius legem, Aesonio. Nanque ferunt.] Hinc incipit enarrare fabulam de Hylæ raptu, quam uariæ tractant Theocritus *idyl.* 17. Apollonius libro primo, Valerius Flaccus libro III. eandem etiam proxime M. Antonius Flaminius in elegia quadam ita eleganter ac suauiter descripsit, ut mihi quidem cū antiquis illis merito comparari posse uideatur. Hūc

duo sectati.] hoc de duobus Boreadis ab alio ne-  
mine, quod sciam, traditum est. itaque puto Pro-  
pertij inuentum esse ad exornandam fabulam. Iam  
Pandionix.] desinant Boreadae Hylan persequi:  
eum enim abreptura sequitur Dryas. Hanc autem  
nympham Flaccus Dryopen uocat. Apollonius no-  
men ipsius non exprimit. Theocritus, non ab una,  
sed ab omnibus eius loci nymphis raptum Hylan es-  
se dicit. Onasus historicus, dum aquam haurire uel-  
let, in fontem decidisse, ibiq. submersum esse. Ah  
dolor.] uersus hic abest a quibusdam ueteribus li-  
bris. & uereor, ut aut Propertij sit, aut satis emen-  
date legatur. Hic erat Arganti Phlegre.] om-  
nino ita est in plerisque omnibus ueteribus libris. ne-  
que tamen adduci possum, ut eam scripturam pro-  
bem. Orpheus quidem Arganti montem nominat,  
ad quem raptus sit Hylas.

- ἀμφὶ δὲ κναιμὸς

Ἀγάνδῃ κατέφανε, βαθυσκόπεοί τε κολῶναι.

sed Phlegram in his regionibus nusquam reperio, ne-  
que usquam omnino, nisi in Italia ad Cumas, & in  
Thracia ad Pallenen. Strabo libro XII. Argan-  
thonium montem ait Cio, seu Prusiadi imminere,  
ubi raptum esse a nymphis Hylan fabulentur. cele-  
brari etiam a Prusiensibus sacra quaedam, in qui-  
bus per montes huc illuc currant, & Hylæ nomen  
inclament. sed homo ineptissimus, Volsus, fretus  
illo, quem modo recitavi, Orphei uersu, quasi pro  
suo iure imperat, ut Strabonem corrigamus, Ar-  
gan-

ganthūque, non Arganthonium montem apud eum legamus. in quo est, cur inscitiam ipsius est, cur inscitiam ipsius misericordia, audaciam odio prosequamur. Equidem Strabonis scripturam non omnino emendatam esse existimo, sed tamen ita leuiter deprauatam, ut, una littera addita, corrigi possit. Αργανθώνειον enim, non Αργανθώνιον ὄρος, legendum puto. quin & hunc uersum Propertij ita legendum censuerim,

Hic erat Arganthoni sub uertice montis.

neque me fugit, apud Stephanum Αργανθώνην, nam Αργανθώνειν legi: unde etiam hic, uir clarissimus, Hermolaus Barbarus, Argathonei, non Arganthoni, legendum pronuntiauit. sed mouent me cum alia, tum Arrianus, qui Aeganthonem nympham nominat. omnem autem dubitationem tollit, nisi magnopere fallor, Apollonius, qui hunc ipsum montem Arganthonium, id est, Αργανθώνειον, nominat.

Τῆμος ἄρ' οἷ' ἀφίκοντο Κιανίδος ἡδεα γαίης,

Ἀπὸ Αργανθώνειον ὄρος, ποροχὰς τε Κίοιο.

Thyniacis.] Thynia enim, seu Bithynia contermina est Mysia. Arrianus ait, Arganthonēs nymphæ filios fuisse Thynum et Mysum, a quorum altero Thynia, ab altero Mysia nomen acceperit.

IN LIBRVM SECVNDVM.

THESEVS infernis.] deest, quale. ut sit,



fit, quale caput testatur fuisse Pirithoum inferis  
 Theseus, Patroclum superis Achilles. cur autem  
 ille inferis, hic superis? an, quod & Pirithous, &  
 Theseus apud inferos sunt? Virgilius:

-- sedet æternumq. sedebit

Infelix Theseus. Horatius:

Nec Lethea ualet Theseus abrumpere caro

Vincula Pirithoo.

Achilles aut ad superos propter uirtutē euectus est.

Ixioniden.] Pirithoum, Ixionis ex Dia filium. quo modo igitur & ipse, & Theseus a Virgilio dijs geniti uocantur?

Dijs quanquam geniti, atque inuicti uiribus essent. sed Thesei quidem patrem habitum Neptunum, Pirithoum autem Iouis nepotem fuisse constat.

Ixion enim Iouis filius. Menætiaden.] Patroclum Menætij filium. Menætius autem Pelei frater: ut non amicitia tantum, sed cognatio quoq; inter Achillem & Patroclum intercesserit. uariæ autem fuerunt de horum ætatē sententia, quas collegit Politianus cap. XLV. miscellaneorum. Ceterum Lucianus, iuniorem, & ab Achille adamatum fuisse Patroclum, iucundo magis, quam uerecundo argumento, ex ipsis Homeri uersibus colligit, in dialogo, qui inscribitur ἑρπῆτες. Sed neque Phlegræos.] neque Callimachus poterat grandia poemata conscribere, neque ego possum. hoc autem uitio datum Callimacho ab inuidis, ipsemet testatur elegantissimis uersibus, quos ascribere non grauabor.

Ο φθάνος Απόλλωνος ἐπ' ἕα λαΐδριος εἶπεν,  
 Οὐκ ἄγαμαι τὸν αἰοιδὸν, ὃς ἐδ' ὅτα πόντος αἰεῖει.  
 Τὸν φθόνον ὧ πολλῶν ποδί τ' ἤλασεν, ὧ δέ τ' ἔειπεν.  
 Ασυρίε ποταμοῖο μέγας ῥόος, ἀλλὰ τὰ πολλὰ  
 Λύματα γῆς, καὶ πολλὸν ἐφ' ὕδατι συρφετὸν ἔλκει.  
 Δῖαι δ' ἐκ ἀπὸ παντὸς ὕδωρ φορέεσι μέλισσαι,  
 Ἀλλ' ἦ τις καθαρὴ τε, καὶ ἀχράντος ἀνέρπει.  
 Πίδακος ἐξ ἱερῆς ὀλίγη λίβας, ἄκρον ἄωτον.

## IN ELEGIAM II.

IVPITER ignosco.] *in alijs, ignoro. ut sit: nescio, cur olim tam multas rapueris, cum hęc antiquis omnibus formosiores in terra relinquas. Iscomache.] alij Deidamian, aut Hippodamiā uocant. Mercurio Sais.] ἀπὸ κοινῆ intelligendum, qualis. fabula autem, quam hic tangit Propertius, mihi prorsus ignota est. nam quod Saidem Minervam interpretantur, multis de causis non placet. primum, quod nusquam alibi lectum est, Minervam cum Mercurio corpus commiscuisse: immo uero eā summo consensu ἀειπάρεον faciunt. deinde, quod etsi Saitica pręfectura Minervę sacra est, dea tamē ipsa non Sais ab Aegyptijs dicitur, sed Neith. adde, quod iam Cynthiam cum Minerva contulerat, illo uersu,*

*Aut cum Dulichias.*

*plane in meo uetere libro, non Sais legitur, sed, sanctis. falsam declarationem, ut opinor, confutauimus.*

M

mus.

mus . ueram aut alij , aut fortasse nos ipsi olim re-  
periemus .

## IN ELEGIAM III.

QVI nullum.] initio sibi ipsi quodam modo  
insultat , quòd qui diceret , se ab omni amore plane  
liberum esse , denuo sese in eosdem laqueos induat .  
deinde excusat se ipsum : quòd neque possit naturæ  
sue pugnare , neque tam Cynthiæ forma , quàm  
alys raris et eximijs dotibus , inductus sit ad ipsam  
amandam . Et quantum Aeolio.] cum tribus  
ueteribus poetijs Cynthiam comparat . sunt autem  
hæ , Sappho , Corinna , & Erinne . quarum de pri-  
ma nihil dicere necesse est . non enim potest illa cui-  
quam ignota esse , nisi qui litteras nesciat . de dua-  
bus autem alijs , quoniam non æque notæ sunt , ali-  
quid commemorare haud quaquam alienum fuerit .  
Corinnae igitur duæ fuerunt : una Thespia , altera  
aut Thebana , aut Tanagræa . utraque poetica lau-  
de insignis , hæc quidem ita , ut Pindarum quin-  
quies uicisse tradatur . sed Pausanias id eo factum  
putat , quòd Pindarus Dorica lingua caneret , quæ  
non satis intelligeretur ab Aeolibus , illa autem  
Aeolica . neque non illud ad conciliandam uictoriã  
profuisse tradit , quòd mulier esset omnium per id  
tempus formosissima . Erinnen autem Sapphonis æ-  
qualem & sociam fuisse accepimus , quæ poema scri-  
pserit , quod Colum uocauit , partim Aeolica diale-  
cto , partim Dorica , trecentis uersibus constans ,  
tanta

tanta felicitate, ut eam cum Homero ex æquo contulerit antiquitas. obiit autem uirgo, annos habēs undeviginti. ac, ut de Homeri, ita de huius quoque patria ambigitur. sunt enim, qui Teiam, sunt qui Teliam, sunt qui Lesbiam, sunt qui Rhodiam faciant. Turpia perpeſſus.] Theocritus.

Τὰν ἀγέλαν χ' ὡ μάντις ἀπ' Ὁθρυος ἄγε Μελάμπερ  
Ες Πύλον. ἀ δὲ Βίαντος ἐν ἀλκοίνῃσιν ἐκλίνθη

Ματὴρ ἂ χαρίεσσα περίφρονος Αλφεισιβοίας.

tangit & hanc siue fabulam, siue historiam, sed paucis, Homerus libro undecimo *Odyſſeæ*. quam e Græcorum commentarijs uberius ac fusius explicatam proponere institui. Tyro, Salmonei filia, mortuo patre, in Deionei patruī tutela fuit, qui eam Cretheo in matrimonium dedit. Interiecto aliquo tempore, cum ipse quoque Deioneus excessisset e uita, Iphiclus, qui eius in Phylaces provinciæ imperio successor fuit, partem quandam eorum, quæ ad Tyronem pertinebant, occupauit. Neleus Tyronis filius, ut maternas iniurias ulcisceretur, si quis Iphicli boues (erant autem illæ eximia pulcritudine) abduxisset, filiam suam, cui nomen erat Pero, præstanti uirginem forma, ei se uxorem daturum pronunciauit. difficile id factu ominibus uidebatur. nā & bubulci robustissimi, & ferocissimi canes Iphicli armenta seruabant. sed Bias Amythaonis filius, qui miro eius puellæ amore teneretur, fratri suo Melampodi, uati peritissimo, ut id negotium susci-peret, persuasit. hic, etsi non erat nescius fore, ut

caperetur, profectus est tamen, fraternæ uolunta-  
 ti cupiens obsequi. captus igitur, & Iphiclo tradi-  
 tus, deinde in carcerem coniectus, diligenter asser-  
 uabatur. qui autem ei ministraret, uir quidam una  
 cum uxore est attributus: quorum ipse uiro quidem  
 facili & comi, sed muliere molesta & aspera uteba-  
 tur. Cum ergo ibi diu delituiisset, quodam die uer-  
 minum supra tectum strepitum ac stridorem quendam  
 audiit. erat autem ita purgatis auribus, ut intelli-  
 geret ac perciperet etiam ea, quæ a bestiis diceren-  
 tur. sensit itaque eos mures significare inter se, tra-  
 bem sibi iam corrosam & exesam esse. quare rui-  
 nam metuens, simulat sibi male esse, ita ut consiste-  
 re non posset. petit igitur ut uir quidem anteriorem,  
 mulier uero posteriorem lectuli sui partem appre-  
 hendere, ipsumque ita ambo extra domunculam fer-  
 rent, quod eis facere aggressis, cum & uir, & to-  
 tus prope lectus extra tectum esset, derepente col-  
 lapsa trabs mulierem obruit, atque enecauit. ser-  
 uatus uir, rem totam ex Meampode cognitam de-  
 fert ad Phylacum Iphicli patrem. is eam Iphiclo  
 enuntiat. Iphiclus hominem ad se accersitum, quis  
 esset, quoque consilio boues subreptum uenisset, inter  
 rogat. is omnia illi, ut erant, indicat. Tum Iphi-  
 clus, Et domum, inquit, liber ac solutus redito; &  
 tecum boues, quas petis, abducito, si rationem mi-  
 hi aliquam, qua liberos procreare ualeam, indica-  
 ueris. Melampus cum illum bono animo esse iussis-  
 set, cæsis rite hostijs regiones captandis augurijs di-  
 uisit.

uifit . aduolant aues omnis generis , præter uulturē .  
*Vates ex omnibus , ecqua ratio effiet conficiendi I-*  
*phiclo . liberos , fciscitatur . illis fe ulla tenere ne-*  
*gantibus , uenit poftremo uultur : ac primum pro-*  
*fert cauffas , quæ Iphiclo , ne generaret , impedi-*  
*mento erant . Phylacum patrem , olim ipfi pue-*  
*ro quadam de cauffa iratum , perfecutum effe*  
*eum ftrictō gladio . fed cum eum comprehendere*  
*nequiffet , gladium in pyrum quandam filueftrem*  
*impegiffe . ipfum autem gladium poftea crescentis*  
*arboris cortice obtektum & inuolutum . fimul &*  
*arborem ipsam , & eam partem , qua lateret gla-*  
*dus , indicauit : affirmans timorem ea ex re conce-*  
*ptum , iam tum Iphiclo fertilitatem attuliffe . iret*  
*igitur , & rupto cortice gladium educeret , rubigi-*  
*nemq̃ . illius e uino per decem dies Iphiclo potādā*  
*daret . hoc remedio ufus Iphiclus generandi pote-*  
*ftatem recuperauit . Melampus , acceptis bobus ,*  
*domum reuerfus , fratri eas tradidit . qui cum eas*  
*Neleo , dotis nomine , dediffet , puellam , quam ama-*  
*bat , accepit . Surripuiſſe .] ſurripere uoluiſſe .*  
*Quem non lucra .] non enim lucri cauffa eas*  
*abducere uolebat . Pero formofa .] θαῦμα ſπο-*  
*τοῖςιϛ , ait Homerus .*

## IN ELEGIAM IV.

NON per Medæ .] Citeis Medea eſt . ne  
 igitur bis eandem continenter nominauerit , malim  
 legere ,



IN PROPERTIVM

Non Perimedea gramina cocta manu :  
quo modo & Beroaldus in quibusdam uetustis li-  
bris legi ait . Perimedes autem ueneficæ insignis  
meminit Theocritus Pharmaceutria .

Φάρμακα ταῦθ' ἔρδοισα χερείονα μὴτέ τι Κίρκης ,  
Μὴτέ τι Μηδείας , μὴτε ξανθᾶς Περιμήδης .  
estq. hæc eadē, quæ ab Homero uocatur Agamede :  
Ἡ τόσα φάρμακα οἶδεν, ὅσα τρέφει διρῆα χθών .

IN ELEGIAM VI.

Non ita complebant.] de meretricibus ,  
quæ hic nominantur , multa iucundissima leguntur  
apud Athenæum lib. xiii . quibus referendis , bre-  
uitatis causa, supersedeo. unum de Phryne præte-  
rire non possum, quam Beroaldus & Volsus Phyr-  
nen inepte nominant , neque historiam , quæ hic a  
Propertio tangitur, uident. eam uero exponit A-  
thenæus his uerbis : ἐπλέτει δὲ σφόδρα ἡ Φρυῶν , καὶ  
ὑπὸ χρεῖτο τειχιῶν τὰς Θήσας , ἐὰν ἐπιγράφωσι Θη-  
σαῖοι : Ἀλέξανδρος μὲν κατέσκαψεν , ἀνέστησε δὲ Φρυῶν  
ἡ ἑταῖρα .

Me soror.] uersus hic antea ita legebatur :  
Me soror , & cum qua dormis amica simul .  
neque animaduertebant, qui hanc scripturâ seque-  
bantur , mendum inesse in uerbo , dormis , uel in  
puero scutica dignum : dormit , & in meo uetere li-  
bro legitur , & omnino legendum est . hoc autem  
dicit . Et soror tua lædet me , & amica , cum qua  
simul ipsa dormit .

## IN ELEGIAM XI.

QVICVNQVE ille fuit.] quo modo Amor pingatur, & caussas, cur ita pingatur, summa elegantia exponit. Sed hanc elegiam perfecte intelligere qui studet, legat Alexandrum Aphrodisiensem problemate LXXXVII. Euolat e nostro.] certe quidem uersus hic integer non est, nam quid est Euolat e nostro pectore? fortassis igitur ita legendus sit:  
Euolat, heu, nostro quoniam de pectore nusquam.

## IN ELEGIAM XIII.

NEC sic Electra.] uocem, suum, quam indoctus aliquis hoc loco infererat, quæq. in omnes prope libros propagata uersum corrumpebat, eieci, & expunxi.

## IN ELEGIAM XV.

QVÆ tibi terra.] sic Tibullus:  
Muneribus meus est captus puer. at deus illa  
In cinerem, & liquidas munera uertat aquas,  
uterque autem sumpsit ab Homero.  
Ἀλλ' ὁ μὲν μὲν πάντες ὕδωρ καὶ γαῖα γένοιτο.

## IN ELEGIAM XXI.

CVI fuit.] ait, se, relicto amore matronarum, contulisse se ad amandas eas, quæ minore negotio faciunt copiam sui, & colligit multa argu-  
M 4      menta,

IN PROPERTIVM  
menta, quibus harum amorem tutiorem ac iocun-  
diorem esse concludat. eadem de re quædam sunt  
apud Horatium libro primo sermonum.

IN ELEGIAM XXVI.

EXTREMO uenit.] puto legendum,  
Veniet.

IN ELEGIAM XXVIII.

QVAERIS cur ueniam.] mutilam esse hanc  
elegiam, finemq. illius desiderari, cum diu suspi-  
catus essem, postea ueterum librorum indicio depre-  
hendi. sunt, qui eam, quæ proxime sequitur, cum  
hac continuent, unamq. ex duabus faciant: quos  
ualde errare arbitror.

IN ELEGIAM XXXI.

NON Amphiareæ.] deprauatum esse uer-  
sum hunc, constat. nam ab Amphiarao neq; Am-  
phiaraæ, neque Amphiareæ deduci potest. numeri  
præterea non constant. in meo uetere libro legitur:

Amphiaraæ nil prosunt tibi fata quadrigæ.  
unde si quis uocem, tibi, sustulerit, quæ uersum  
ὑπερκολαον facit, ueram, ut opinor, scripturam re-  
stituerit. Aut Capanei magno.] eodem libro  
auctore hic reposui uocem, magno, quæ ab impe-  
ritis detracta numeros corruperat. Nec minor  
his animis.] in his uersibus mendii aliquid latere  
suspicio.

IN LIBRVM III.)

**CALLIMACHI manes.]** Callimachi & Philetæ manes inuocat, ut sibi assint in scribendis elegis. tum commendat se ipsum, qui princeps apud Latinos hoc poematis genus excoluerit: immortalemq. famam suam fore auguratur. hos autem poetas etiam alibi coniunxit:

*Tu satius memorem musis imitere Philetan,*

*Et non inflati somnia Callimachi,*

**Philetæ.]** huic secundas partes in elegia tribui solitas, ait Fabius. eum ita exili corpore fuisse prodit Athenæus, uti necesse habuerit pilas plumbeas ad pedes gestitare, ne subuerteretur a uento. mortuus autem e labore, quem capiebat in studijs, & e molestia, quam contraxit, cum fallacis et captiosæ Stoicorum conclusiunculæ, quam Græci Ἀδόκμερον, Cicero mentientem uocat, dissolutionem reperire non posset.

**Primus ego.]** simile illi Lucretiano,

*Auia Pieridum.* & illi Horatiano,

*Libera per uacuum posui uestigia princeps.*

*Non aliena meo pressi pede.* & mox,

*- Parios ego primus iambos*

*Ostendi Latio.*

**Sacerdos.]** sic Horatius:

*- cārmina non prius*

*Audita, musarum sacerdos,*

*Virginibus*

*Virginibus puerisq. canto.*

*Itala per Graios.] Romano ore ea, quæ Græcis tantum tractata fuerant, celebrare. Orgia.] poetæ enim sacri sunt Baccho. Choros.] nam in Bacchi sacris choros agebant. supra.*

*Egit ut euantes dux Ariadna choros.*

*Tenuastis.] secuti sunt enim χαρακτήρα ἰχθύν. unde alibi, non inflatum Callimachum dixit, & angustū ei pectus tribuit. Exactus.] ἰζομένος Ovidius: Non exacta satis, rudibusq. simillima signis.*

*Quid frustra.] quasi curru inuehens, & alios pone sequentes respectans, hæc dicit. Non datur.] uia currere, id est, uia qua curri possit. Carminis interea.] in antiquis libris hæc a superioribus distincta ac separata sunt. Orpheu.] negat, mirum esse, si carmina, quæ ipse Baccho & Apolline propitijs scribit, a puellis colantur: cum carminibus Orpheus feras & flumina, Amphion lapides, Polyphemus etiam rudis & agrestis musicus Galatheam mouerit; nedum puellas, quarum tenerum est, & flexibile ingenium.*

## IN ELEGIAM II.

*ERGO Musarum.] uox, ergo, quod pertineat, non sane uideo, deq. illius integritate subdubito. nulla tamen discrepantia in ueteribus libris.*

## IN ELEGIAM III.

*ONERATOS Cæsaris axes.] libentius legerim,*

legerim, onerato Caesaris axe. Pacis amor deus est.] duas causas reddit, cur in bellum ire nolit: quòd Amorem colat, qui deus est pacis: etsi sibi quidem cum domina pacem non esse ait: & quòd alioqui magnarum opum, quæ in bello parari solent, cupidus non sit.

## IN ELEGIAM IIII.

MAIOREM QVE timens.] in meo uetere libro est, Maioremq. metuens: deinde alia manu emendatum, timens. ego autem, si quod in illa deprauata scriptura ueritatis uesligium est, libentius, detractis tribus litteris, legerim: Maioremq. metu seruus habere fidem. ut sententia hæc sit: timere seruos interdum, ne malis nuncijs apportandis dominos ad iram incitent. ὀργίζομεθε γὰρ τοῖς τὰ κακὰ ἀγγέλλουσιν, ait Aristoteles, ideoq. sæpe mentiri, et ea dicere, quæ dominis placitura norint. id igitur ipse reprehēdit, aitq. plus in seruo homine inesse fidei debere, quàm metus.

## IN ELEGIAM V.

SUNT Agamemnonias.] hisce quattuor uersibus fabula quæpiam obscurior continetur. nam de hoc siue Argenno, siue Argynno (quamuis enim apud Pollucem Ἀργεννος legitur, Ἀργυννος tamen legendum crediderim) de eo igitur nihil aliud reperi, nisi eum fuisse Agamnoni in delicijs, quod & hic indicatur, & in Cephiso submersum. alij inepta quædam,



IN P R O P E R T I V M

quædam, & a se temere conficta afferunt: quod ego facere non institui. illis religio erat usquam hære, et fateri quicquam a se non intelligi: mihi contra religio est, quicquam, quod me non intelligere intelligam, interpretari. sed quæcunque illa tandè fabula est, quam ego mihi quidem ignotam esse fateor, suspicor equidem hos quattuor uersus alieno loco positos esse, atque hinc delendos, & reponendos. statim post illud distichon,

*Natura insidians pontum substrauit auaris.*

*Vt tibi succedat, uix semel esse potest.*

ibi enim incipit commemorare multos, qui in aquis perierunt: quò exemplum hoc quoque pertinere existimarim. Terra parum fuerat.] Horatius:

*Ne quicquam deus abscedit*

*Prudens Oceano dissociabili*

*Terras, si tamen impie*

*Non tangenda rates transiliunt uada.*

In mare cui soli.] lego, solum: ut significet, dos ubique ei profuisse, præterquam in mari.

IN E L E G I A M VI.

OFFENSA.] ita reposui e ueteribus libris: cum Beroaldus temere pro, offensa, scribi iussisset, infensa. est autem offensa, irata.

IN E L E G I A M IX.

ET cui cognomen Coruus habere dicit.] hunc M. Valerium, qui a coruo adiutore cognomen

gnomen inuenit, cum in omnibus antiquis libris Coruinus uocetur, eruditi quidam nostræ tempestatis homines, et in Romanæ historiæ cognitione cum primis exercitati Coruūm, non Coruinum, uocari iubent: quod in uetustis lapidibus ita nomen hoc scriptum reperiatur. ego autem nunquam de istis rebus magnopere contendam: tantum, quod eos aliquando in familiari sermone admonui, id hoc quoq; loco proponam: eum uidelicet ab antiquis poetis aperte Coruinum uocari. Claudianus in Eutropiū: Agmina Brutorum, Coruinorumq; caterna. ubi profecto ut ad Brutum illum, qui reges eiecit, respicit, ita ad illum quoque Coruinum, qui primus hoc cognomine affectus est. quod si quis Claudiani auctoritatem leuem ac despiciendam putat, ualde ille quidem a me dissentis: sed tamen alium proferemus, quem qui contempserit, is se haud dubie magnum antiquitatis contemptorem ostenderit. M. igitur Manilius, qui unus profecto pro centum lapidibus est, homo eruditissimus, qui Augusti temporibus uixit, aperte eum Coruinum uocat, his uersibus:

Et cum militia uolucris Coruinus adeptus  
Et spolia, & nomen, qui gestat in alite Phæbum.  
eodem etiam pacto mutarunt regis cuiusdam Albani nomen, eumq; pro Tiberino Tiberium nominarunt, freti auctoritate Eustathij Tessalonicensis. Ego autem, qui Græcos homines sæpe in Romanis nominibus falli uideam, haud scio an plus in ac re tribuendum sit uni Eustathio, quam omnibus antiquis libris,

libris, et Ouidio neque denique ipsi, cuius hæc sunt:  
 Cumq. patris regnum post hunc Tiberius haberet,  
 Dicitur in Tusca gurgite mersus aquæ.

Sed tamen his de rebus nūquam cuiquam ualde con-  
 tendendum putarim. Atque hæc in præsentia sint  
 satis. nam ut neque ultimum librum attingerem,  
 & in ceteris essem restrictior, id mihi causæ fuit,  
 quòd & in hunc poetam, & in Tibullum, si quan-  
 do aliquis mihi deus ocium fecerit, iustos commen-  
 tarios paro.

FINIS.

















